

Madyu

Jisas Kraiss Manö Aij u Madyu kali kñiñ rika

Ebrahim rikö rik dam dapil gilö Jisas Kraiss nip yag daula
(Luk 3:23-38)

1 ¹Jisas Kraiss nap nihi ilañ nipe gau riklö rik amil apil göm nip yag daula rö hagnig gabin. Bi kub Ebrahim rikö rik damöm, kiñ Depid nip yag daula. Depid nipe rikö rik damöm, Jisas Kraiss nip yag daula.^a

²Anig gila:

Ebrahim Aisak nip yag daua.

Aisak Jekop nip yag daua.

Jekop nipe pen, Juda nip riköm, nimam hain magö u agip yag daua.

³Juda nipe nibi Dema aip midöm, Peres aip Sera aip kalip yag daua.

Peres, Hesron nip yag daua.

Hesron, Ram nip yag daua.^b

⁴Ram, Aminadap nip yag daua.

Aminadap, Nason nip yag daua.

Nason, Salmon nip yag daua.

⁵Salmon, Boas nip yag daua. Boas nime nipe u Rehap.

Boas, Obed nip yag daua. Obed, nime nipe u Rud.

Obed, Jesi nip yag daua.

⁶Jesi, kiñ Depid nip yag daua.

Depid, Solomon nip yag daua.

Solomon nime nipe u, nöd bi ne Yuraia nip udö umö, hainö Depid nip udöm me, Solomon nip yag daua.^c

⁷Solomon, Riaboam nip yag daua.

Riaboam, Abaija nip yag daua.

^a 1:1 1Kr 17:11; Jen 22:18 ^b 1:3 Jen 38:29-30 ^c 1:6 2Sa 12:24

Abaija, Esa nip yag daua.

⁸ Esa, Jihosapad nip yag daua.

Jihosapad, Joram nip yag daua.

Joram, Asaia nip yag daua.

⁹ Asaia, Jodam nip yag daua.

Jodam, Ehas nip yag daua.

Ehas, Hesekaia nip yag daua.

¹⁰ Hesekaia, Manasa nip yag daua.

Manasa, Emos nip yag daua.

Emos, Josaia nip yag daua.

¹¹ Josaia, Jekonaia nip yag dapöm, nimam rimnap yag daua. Ñin anibu, daun kub Babilon nibi bi apöm, Isrel nibi bi kalip nagı li dam Babilon ud arla.^d

¹² Ud areila, Jekonaia anib gau midöm, Sialdiel nip yag daua.

Isrel nibi bi kale Babilon arö göm ram minönĵ Juda ado gi arla u,

Sialdiel, Serababel nip yag daua.^e

¹³ Serababel, Abaiad nip yag daua.

Abaiad, Eliakim nip yag daua.

Eliakim, Eso nip yag daua.

¹⁴ Eso, Sedok nip yag daua.

Sedok, Ekim nip yag daua.

Ekim, Elaiad nip yag daua.

¹⁵ Elaiad, Eliesa nip yag daua.

Eliesa, Madan nip yag daua.

Madan, Jekop nip yag daua.

¹⁶ Jekop, Josep nip yag daua.

Josep me, nibi Maria nip ñeila. Maria nipe Jisas nip yag daua. Jisas nip Kraıs a gimidal.

¹⁷ Anib u me, bac hon Ebrahim nipe rikö riklö rik dam dapıl göm unbö siduĵ böĵ daĵ ara u, hainö bac kiĵ Depid nip yag daua. Yag daulö, Depid nipe pen rikö riklö rik dam dapıl göm u rö nöp siduĵ böĵ daĵ areia, hainö Babilon bi ke gau nibö apöm kalip nagı li dam ram minönĵ kale u ud arla. Ud areila, hainö pen kauyaĵ rik dam dapıl göm unbö siduĵ böĵ daĵ ara u, hainö Kraıs nip yag daua.

Maria Jisas nip yag daua

(Luk 2:1-7)

¹⁸ Jisas Kraıs nip yag daua manö u hagnig gabin. Jisas nime Maria, Josep nip ñeila, nipe aip ajmil wasö, kale niĵla Maria ñi mudun mideia. Ana Uł nipe u ke gö, ñi mudun anibu mideia.^f ¹⁹ Pen nugmul nipe Josep

^d 1:11 2Ki 24:14-15; 2Kr 36:10; Jer 27:20 ^e 1:12 Esr 3:2 ^f 1:18 Luk 1:27,35

bi aij u me, manö kub hagaga; gasi u nöp niñöm haga, “Ñi mudun midöp anibu, nibi bi gau hag ñinabin, nip nable ginab. Anib u, agamij hag yuin,” a ga. ²⁰Josep anig niña u pen, sibön yañ uhön niña, Bi Kub ejol nipe ap nip haga, “Josep, Depid ñi nipe! ‘Nibi anibu, nihön ginig udnam?’ a gimön, gasi u niñagmön; hañöwañö udmön. Ñi mudun midöp u, Ana Uñ u nöp gö midöp. ²¹Hainö ñi u rik dauö nipe kub göm, nibi bi nipe gau nan si nan naij gipal pri u hik gi yunab u me, hib nipe Jisas a gimön,” a ga.^g ²²Anig ga anibu, Bi Kub nipe bi manö nipe hagep bi ap nip hag ña niñöm nipe pen anig ginab a göm haga. ²³Nipe haga,

“Nibi praj bi ap aip ajöm wasö, ñi mudun midöm,

ñi ap yag daucinab, hib nipe u Emanyuel a ginaböl,” a ga.

Emanyuel manö if u, God hon aip midöp.^h

²⁴Pen Josep uhön hanöm uraköm, Bi Kub ejol nipe manö haga u udöm, nibi Maria nip udnam, a göm niña. ²⁵Nöd Josep Maria aip ajmil wasö, Maria ñi u yag dauö, Josep ñi anibu hib nipe Jisas a göm me, Maria nip böñ nöp uda.ⁱ

Bi gasi kid hiik niñeb gau apöm Jisas nip niñla

2 ¹Pen Herod Judia Propins kiñ midmidöp ñin u, Maria Jisas nip yag daua Bedlehem daun, ram minöñ Judia añ au. Yag dauö, bi gapi kid hiik niñeb gau, sidö auab lau nibö Jerusalem apöm, nibi bi gau hag niñöm hagla, ²“Juda nibi bi, Kiñ hon, a gipim u nip yag daubal! Miñi libal midöp gain Hon ram minöñ hon sidö auab lau nibö gau midun niñbun gapi u waielöp; niñun me, hib nipe hagno adö arañ a gun aubun,” a gila.^j ³Anig hageila, kiñ Herod manö anibu niñöm, nibi bi gai i kale ñi anibu nip gasi niñöm yip niñagöl rö löp, a göm, gasi iru niña. Jerusalem nibi bi gau magöñhalö u rö nöp gasi iru niñla. ⁴Pen kiñ Herod, God nip nan sabe gep bi kub gau abe, God lo manö hag ñeb bi gau abe, kalip wiñ alö aueila haga, “God manö hagep bi gau Krais nip yag daunaböl ram minöñ gai, a gila?” ö ga. ⁵Anig hageia hagla, “Bi God manö hagep ap, hadame nöp manö kali kñiñ riköm haga rö, nip yag daunaböl Bedlehem daun, ram minöñ Judia añ au. God manö hagep bi anibu God Manö kali kñiñ riköm haga,

⁶ ‘Ram minöñ Judia añ gau

ram minöñ ke ke iru midöp u me,

ram minöñ Bedlehem niñö pro rö linab u

pen Bi Kub u ram minöñ anibu nibö apöm,

nibi bi yad Isrel nibi bi kalip abad mideinab.

Anig ginab rö, Bedlehem hib kub mideinab,’ a ga,” a gila.^k

^g 1:21 Luk 1:31; 2:21 ^h 1:23 Ais 7:14 ⁱ 1:25 Luk 2:21 ^j 2:2 Nab 24:17 ^k 2:6 Mai 5:2; Jon 7:42

⁷Anig hageila, kiŋ Herod niŋöm, am bi gasi kid hiik niŋeb gau kalip agamij wiñ alö aueila haga, “Magö mai rö gapì anibu waiela?” ö ga.

⁸Hageia, nip manö anibu hag ñeila, kalip Bedlehem hag yuöm pir alöm haga, “Kale am ñi anibu ulhai niŋ aij gimim, ado gi apim yip hagpe, yad abe amem hib nipe hagnö adö arañ,” a ga.

⁹Kiŋ Herod anig hagö, kale hadlö niŋöl gi, gapì kale sidö auab lau niŋla u nöd nöd gö niŋöl gi, kale hain gila. Gapì u am am, ñiŋañ u ram mideia añ au gilaŋ nöp pidöŋ ga. ¹⁰Anig gö kale niŋlö, aij a gö niŋöl gi, ¹¹ram raul miŋan yaŋ amöm niŋla, ñiŋañ u nime Maria aip midailö. Kale am kugom yimöm, ñiŋañ u hib haglö adö areia niŋöm, wadi kale gau aŋa löm, nip nan aij rimnap ñila. Gol rimnap, pauda haŋiŋ aij auep rimnap, wel haŋiŋ aij auep rimnap ñila.^l

¹²Pen kale sibön añ yaŋ hanöm uhön niŋla, God haga, “Ado gi Herod midöp u aragmim!” a ga. Anib u, haga rö niŋöm, adan milö ap aramöm, ram kale ado gi arla.

Josep Maria amil mihau ud piñiŋ gi ram minöŋ Ijip ara

¹³Pen bi gasi kid hiik niŋeb gau kale anig göl arla niŋöl gi, Josep uhön niŋa, ejöl ap apöm nip haga, “Herod ñiŋañ u al pak linam a göm, ulhai niŋniŋ gab. Anib u, ñiŋañ amil mihau yinid ul gi, piñiŋ gi ram minöŋ Ijip armön. Aumön a geinam nöp, kauyaŋ ado gi aumön,” a ga.

¹⁴Hagö, Josep sibön añ yaŋ nöp uraköm, ñiŋañ amil mihau ul gi ram minöŋ Ijip ara.

¹⁵Ul gi ara anibu, Bi Kub nipe bi manö nipe hagep ap nip hag ña niŋöm nipe pen kali kñiñ riköm haga, “Ñi yad u Ijip nibö wiñ alnö auöp,” a ga.

Pen Josep amilap am Ijip nöp midlö, Herod umaia me, hainö kauyaŋ ado gi aula.^m

¹⁶Pen Herod nipe niŋa, bi gasi kid hiik niŋeb gau, nipe haga rö gageila, nip mulu kal yabiñ lugö haga, “Yip gipal anibu, ñiŋañ bi kub midniŋ gab u yad aigö gi gem nip al pak linam?” a göm niŋa. Pen nipe gasi ap niŋöm haga, “Bi gasi kid hiik niŋeb gau kalip gapì u waiela ñin u, yip hag aij göm arla. Anib u yad niŋbin, Bedlehem söl au ñiŋañ yag daulö, mi miñöp lugöp gau abe, ñiŋañ hainö yag daubal gau abe, al pak linaböl u, ñi anibu abe al pak linaböl,” a ga. Anig hagöm me, bi nipe rimnap hag yuö amöm, ñiŋañ Bedlehem söl au mideila magöŋhalö al pak li hakla.

¹⁷Bedlehem ñiŋañ al pak lila anibu, bi God manö hagep Jeremaia ginab a göm kali kñiñ rika rö nöp gila. Jeremaia manö anibu kali kñiñ riköm haga,

¹⁸“Rama daun au mög gö,

^l 2:11 Sam 72:10-15; Ais 60:6 ^m 2:15 Hos 11:1

manö hauł kub gôm, miłõj kub ginaböl.
 Nibi Resel rikö, riklö rik amil apil ginab gau,
 mög gö miłõj ginaböl.
 Ñi kale um hakla niñöm
 nibi bi rimnap kalip hag udöl rö lagnab,” a ga.ⁿ

Josep Maria amil mihau aip kauyañ ado gi arla

¹⁹Pen hainö bi kub Herod umö, Josep Ijip gau midöm hanöm uhön niña, Bi Kub ejol nipe ap apöm nip haga, ²⁰“Bi ñiñañ al pak linig geila gau hadö umbal u me, nabin amil mihau kalip uł gi, ado gi ram minõj Isrel armön,” a ga. ²¹Hagö, Josep ñiñañ amil mihau uł gi, ado gi Isrel ara. ²²Pen amjakö, manö ap hagla, “Herod umö, ñi nipe Akeleas Judia Propins nibi bi kalip abad midöp,” a gila. Hageila, Josep nipe Akeleas midöp ram minõj anibu nihön ginig arnam a gôm, piñij ga u pen, hanöm uhön niña God nip haga, “Ram minõj Judia ado gi aragmön, ne ram minõj Galili armön,” a ga. ²³Hagö, Josep ñiñañ amil mihau kalip uł gi Nasared daun aramöm midmidal. Arla anibu, bi God manö hagep gau anig ginab a gôm kali kliñ rikla rö nöp ga. Kale kali kliñ riköm hagla, “Nip bi Nasared nibö ap, a ginaböl,” a gila.^o

Jon Bi Ñig Pak Ñeb u God manö hag ñimidöp (Mak 1:1-8; Luk 3:1-18; Jon 1:19-28)

3 ¹Nasared mideila ñin añ anibu, Jon bi ñig pak ñeb u apöm, ram minõj Judia añ au, ram minõj nibi bi iru midagmidal, ram minõj kabö nöp midmidöp añ gau midö niñöl gi, nibi bi gau aulö, nipe kalip manö hag ñimidöp. ²Kalip hag ñöm hagdmidöp, “Söl midöp, God nibi bi udöm abad mideinab. Anib u, nan si nan naj gipim u, nihön ginig anig gipun a gimim, arö gimim,” a gimidöp.^p ³Jon kalip manö hag ñimidöp anibu, bi God manö hagep Aisaia hadame nöp ginab a gôm, kali kliñ rika rö nöp ga. Aisaia manö anibu kali kliñ riköm haga,

“Bi ap, ram minõj nibi bi iru midagpal,
 ram minõj kabö nöp midöp añ au am midöm,
 wiñ alöm hagnab, ‘Bi Kub u auab!

Adan sir u gilañ giyañ gi midainim gau,
 dum goł piłu gi midainim gau,
 binig ral aij gi midaimim,’ a ginab,” a ga.^q

⁴Pen Jon walij nipe u, kaj kamel uñ udöm gila walij ap yimöm, kaj kau hañ dip nagi añ u pig limidöp. Nan ñiñeb nipe u, joñ habladij u abe, bom ñig u abe ñiñmidöp.^r ⁵Ñin anibu, Jerusalem nibi bi mideila gau abe,

ⁿ 2:18 Jer 31:15; Jen 35:19 ^o 2:23 Luk 2:39; Ais 11:1; 53:2; Jon 1:45 ^p 3:2 Mad 4:17; 1:15
^q 3:3 Ais 40:3 ^r 3:4 2Ki 1:8

nibi bi ram minöŋ Judia yöp anib gau mideila gau abe, ñig Jodan söl gau nibi bi mideila gau abe, kale magöŋhalö Jon mideia au arla. ⁶Jon mideia au amöm, nan si nan naj gila gau waiö hag payik pe gilö niŋöl gi, Jon kalip ñig Jodan aŋ au ñig pak ñimidöp.

⁷Pen bi Perisi gau abe, bi Sadyusi gau abe iru nöp, Jon hanip ñig pak ñaŋ a göm aueila, Jon kalip siŋik hag göm haga, “Kale haiŋo ñi pai gai i! Gasi nihön niŋmim piñiŋ gi aubimŋ ‘Ñig pakno, God nibi bi ke nibö gau kalip hag ginab ñin u, hanip hag gagnab,’ a gimim, piñiŋ gi aubim aka?” ⁸Kale ñig pakniŋ ginabim u, nan si nan naj gipim u, nihön ginig aniŋ gipun, a gimim, arö gimim, mid aij gimim. Aniŋ geinabim me, nibi bi niŋnaböl, kale nan si nan naj gimidim u hadö arö gipim. ⁹Pen kale gasi ap niŋmim, ‘Hon bac iŋaŋ Ebrahim ñi pai nipe midpun niŋöm God hanip nan naj ap gagnab,’ a gimim, gasi u niŋagmim. Ebrahim ñi pai nipe midpun a gipim u nan yihariŋ! God kabö gai i udöm, Ebrahim ñi pai nipe gau gi liniŋ göm, gi liböp! Anib u, ‘Bi aij Ebrahim riköm rik amil apil göm hon ke rik dap libal,’ a gipim u, manö u rö hagagmim.^t

¹⁰“Niŋ aij gimim! God mab u iŋ halö rib junig, ru u mab iŋ yaŋ kid gi midöp. Mab ap magö ñiŋeb aij rimnap pilagnab u, rib gi dö gi ud mab inab yaŋ yunab.” ¹¹Kale nan si nan naj gipim u, nihön ginig aniŋ gipun a gimim, arö gimim me, yad kalöp ñig nöp pak ñinabin. Pen bi yip hain aunab u, nipe yad rö wasö; nipe bi kub yabiŋ, yad bi pro. Yad nip niŋnö nable ginab. Ma hañ nipe ud ajeinam rö lagöp. Yad kalöp ñig nöp pak ñabin, pen bi anibu nipe apöm, kalöp Ana Uŋ u pak ñöm, mab miŋaŋ pak ñöm ginab.^v

¹²“Nipe wid magö po gö, rik dap pakpal rö u ginig gab. Wid magö ñiŋeb gau ke löm, wid cög naböŋ naböŋ gau ke linab. Aniŋ göm, wid magö ñiŋeb nipe gau dam ram raul miŋan au linab; pen naböŋ naböŋ gau dam mab pör inmidöp u launab,” a ga.

Jon Jisas nip ñig pak ña
(Mak 1:9-11; Luk 3:21-22)

¹³Ñin anibu, Jisas nipe, Jon yip ñig pak ñaŋ, a göm, ram minöŋ Galili arö göm, ñig Jodan aramöm, ¹⁴Jon nip haga, “Yip ñig pak ñi,” a ga. Hageia, Jon haga, “Ne nöp me yip ñig pak ñibnap. Pen yad aige gem nöp ñig pak ñinam?” ö ga.

¹⁵Hageia, Jisas haga, “Ne hagabön u arö gimön, yad hagabin rö nöp gul me, God hagöp hagöp rö nöp ginabul,” a ga. Hageia Jon, “Niŋö hagpan,” a göm, Jisas nip ñig pak ña.

^s 3:7 Mad 12:34; 23:33 ^t 3:9 Jon 8:33,39; Ro 4:12 ^u 3:10 Mad 7:19; Luk 13:6-9

^v 3:11 Jon 1:26-27,33; Ap 1:5

¹⁶Nip ñig pak ñö niñöl gi, Jisas ñig goł au laŋ apöm niña, kumi kabö adö laŋ migan pıral hiikö, God Ana u yaur dapo rö u gi nip aua.”
¹⁷Anig göm auö niñöl gi, manö ap kumi kabö adö laŋ nibö apöm haga, “Ñi aij anibi, ñi midmagö yad yabił. Yad nip niñnö, yip aij yabił göp,” a ga.^x

Seden, Jisas nip gasi ñinö nan si nan najj ginim a göm niña

(Mak 1:12-13; Luk 4:1-13)

4 ¹Ñin anibu God Ana u, Seden nibi bi gau kalip pör gimidöp rö, Jisas nip u rö nöp ginim a göm, Jisas nip uł gi, ram minöŋ nibi bi midagmidal, ram minöŋ kabö nöp midöp aŋ gau ud arö, Seden nipe Jisas nan si nan najj rimnap ginim aka göm ga.^y ²Jisas ram minöŋ nöp aŋ anib gau nan ñiñöm wasö, ñin unbö ñin juöl mihöp (40) mailö abe sibön abe yihariŋ nöp mideia. Anig göm yihariŋ nöp midö, nip kiyö kub yabił u gö,^z ³Seden Jisas nip gasi ñinö, najj ginim a göm apöm, Jisas nip haga, “Yad God Ñi nipe midpin a giŋan u, kabö gai i hagö, bred rö laŋ,” a ga.

⁴Hageia, Jisas pen haga, “God Manö u kali kliš riköm hagla,

‘Nibi bi gau, bred nöp ñiñöm

kamiŋ midageinaböl;

God manö hagöp anibu magöŋhalö niŋ udöm me,

kamiŋ mideinaböl,’ a gila,” a ga.^a

⁵Jisas anig hagö, kijaki Jisas nip uł gi dam daun kub uł Jerusalem amöm, God sabe gep ram i adö giłaŋ gila u löm haga, ⁶“Yad God Ñi nipe midpin a giŋan u, ujaŋdi minöŋ yaŋ li. God Manö u kali kliš riköm hagla,

‘God ejol nipe gau hagö, nöp ñimagö kale udeinaböl me,

kabö ma nöp u biniŋ gagnab,’ a gila,” a ga.^b

⁷Hageia, Jisas pen haga, “Wasö! God Manö u manö rimnap halö kali kliš riköm hagla, ‘God Bi Kub u, nipe bi niñö aka bi pir alep, a gagmim,’ a gila,” a ga.^c

⁸Hagö, Seden Jisas nip dam dum kub yabił ap amöm, ram minöŋ aij aij bi kub ke ke abadpal gau Jisas nip yamöm haga, ⁹“Ne kugom yimmön, hib yad hagö adö laŋ arö, yad ram minöŋ anib gai i magöŋhalö nape nöp ñinabin,” a ga.

¹⁰Hageia, Jisas Seden nip haga, “Ne ke gau aru! God Manö u kali kliš riköm hagla, ‘God Bi Kub hib nipe u nöp hagpe adö arnim; wög nip nöp gimim,’ a gila,” a ga.^d

¹¹Jisas anig hageia niñöm kijaki, Jisas nipe nan najj rimnap ginim a göm gi gi wasö niñöm, nip arö göm arö niñöl gi, ejol rimnap apöm, nip ap ał ba göm abad mideila.

^w 3:16 Jon 1:32 ^x 3:17 Sam 2:7; Ais 42:1; Mad 12:18; 17:5; Luk 9:35 ^y 4:1 Hib 2:18; 4:15

^z 4:2 Eks 34:28 ^a 4:4 Dud 8:3 ^b 4:6 Sam 91:11-12 ^c 4:7 Dud 6:16 ^d 4:10 Dud 6:13

Jisas ram minöŋ Galili it göm nibi bi gau God manö hag ña
(Mak 1:14-15; Luk 4:14-15)

12 Ñin anibu Jon bi ñig pak ñeb u nip nagi leila, Jisas manö anibu apdi niŋöm, ram minöŋ Galili ado gi ara.^e 13 Amöm daun nipe Nasared am midageia; am mideia daun pro Kapaneam, ram minöŋ Sebyulan Napdalai aŋ au midöp Ñig Waŋö Galili goŋ au. 14 Jisas ram minöŋ anibu amöm, nibi bi gau kalip manö aij u hag ñi ajmidöp u me, bi God manö hagep Aisaia ginab a göm kali kliš rika rö nöp ga. Nipe haga, 15-16 “Ram minöŋ Sebyulan abe Napdalai abe, Ñig Waŋö Galili goŋ au, Ñig Jodan sidö wad arab böŋ lau, Juda nibi bi wasö ram minöŋ Galili au midpal gau kale mailö kub yabiŋ niŋbal. Sibön gau midöm umöl rö la u pen mailö kub u hadö niŋbal,” a ga.^f

17 Jisas ñin anibu it göm, nibi bi gau kalip God manö aij u hag ñi ajöl gi haga, “Nan si nan naij gipim adö u, niñön ginig anig gipun a gimim, arö gimim. Söl midöp, God nibi bi udöm kumi kabö adö laŋ au abad mideinab; ñin hain pör abad midmidim u, miñi auöp!” a ga.^g

Jisas bi mihau mihau, “Kale yad aip aumim,” a ga
(Mak 1:16-20; Luk 5:1-11)

18 Jisas Ñig Waŋö Galili goŋ adö au ap lug aramöm niña, bi kabsaŋ udep mamil mihau, uben yumil kabsaŋ udailö. Bi madöl mihau, nimam ap hib nipe u Saimon, nimam ap hib nipe u Edru. Saimon nip hib ap Pida a gimidal. 19 Jisas kalip mihöŋ niŋöm haga, “Yip hain gimil. Yad kalöp ginö, kale mamil mihau, kabsaŋ udep bi wasö, nibi bi udep bi mideinabil,” a ga. 20 Hagö, haga rö nöp niŋmil, kabsaŋ udailö uben gau arö gimil, Jisas aip ajmidil.

21 Pen magö ap rapin amöm niña, Jems aip Jon aip nap Sebedi aip ñig magib miŋan u apilap midöl göm, uben luöl udöl gi mideila. Jisas niŋöm, kalip mihöŋ wiñ alö, 22 kale nap Sebedi ñig magib au arö gimil, Jisas aip arla.

Jisas gau ajöm nibi bi kalip manö hag ña
(Luk 6:17-19)

23 Jisas ram minöŋ Galili aŋ gau gi ajöl göm, Juda magum gep ram gau gau amöm, God nibi bi udöm abad mideinab manö aij u, nibi bi gau kalip hag ñi ajöl gi, nan niñön niñön nibi bi gau kalip ga gau gö kamiŋ limidöp.^h 24 Anig gö, ram minöŋ Siria nibi bi gau magöŋhalö manö anibu niŋöm, nibi bi nan

^e 4:12 Mad 14:3; Mak 6:17; Luk 3:19-20 ^f 4:15-16 Ais 9:1-2 ^g 4:17 Mad 3:2; 19:27

^h 4:23 Mad 9:35; Mak 1:39; Ap 10:38

nihön nihön ga gau daulö, Jisas gö kamiŋ limidöp. Nibi bi anib gau, rimnap nan ga; rimnap hañ romaŋ ilön kub ga; rimnap kijaki abaŋ ala; rimnap amgö mimainö auö, ap lug paköm gil gil gimidal; rimnap ñin ma kiŋa ga; pen nibi bi nan nihön nihön ga gau daulö, Jisas gö magöŋhalö kamiŋ la.ⁱ ²⁵Pen Galili nibi bi löm, Dekapolis nibi bi löm, Jerusalem nibi bi löm, Judia nibi bi löm, ñig Jodan nö lödaŋ au nibi bi löm, iru nöp Jisas arö niŋöl gi, hain arla.^j

Jisas nö ilö laŋ am midöm, manö hag ña

(Luk 6:20-23)

5 ¹Jisas, nibi bi iru nöp anib gau niŋöm, am nö ilö laŋ bi nipe unbö migana laŋ u aip asik midöl göm, kalip manö hag ña.

Nibi bi miñ miñ ginaböl

(Luk 6:20-23)

- ²Jisas nipe kalip hag ñöl gi haga,
³Nibi bi gau, hon nibi bi aij wasö,
 God nipe nöp hanip gi ñinab a göm,
 God nip hag niŋnaböl gau,
 God kalip udöm kumi kabö adö laŋ abad mideinab u me,
 miñ miñ göl.^k
- ⁴Nibi bi miŋöŋ gipal gau,
 God kalip hag udnab u me,
 miñ miñ göl.^l
- ⁵Nibi bi hain agamij midpal gau,
 kale minöŋ naböŋ iŋ i udnaböl u me,
 miñ miñ göl.^m
- ⁶Nibi bi, God haga rö nöp ginabun a göm, niŋbal gau,
 God kalip abad mideinab u me,
 miñ miñ göl.ⁿ
- ⁷Nibi bi kale nibi bi gau kalip mög niŋöm ud aij ginaböl gau,
 God kalip pen u rö nöp mög niŋöm ud aij ginab u me,
 miñ miñ göl.
- ⁸Nibi bi God nip gasi aŋi niŋbal gau,
 God nip niŋnaböl u me,
 miñ miñ göl.
- ⁹Nibi bi niŋnaböl, nibi bi rimnap pen pen ginaböl gau,
 kale apöm hagnaböl, ‘Kale unbö gagmim, agamij midaimim,’ a
 ginaböl gau,
 God kalip ñi pai yad a ginab u me,

ⁱ 4:24 Mak 6:55 ^j 4:25 Mak 3:7-8 ^k 5:3 Ais 57:15 ^l 5:4 Ais 61:2-3; Rep 7:17

^m 5:5 Sam 37:11 ⁿ 5:6 Ais 55:1-2

miñ miñ göl.

¹⁰ Nibi bi kale God haga rö nöp ginabun a gi midlö,
nibi bi rimnap kalip gi naj ginaböl u,
God kalip udöm kumi kabö adö lañ abad mideinab u me,
miñ miñ göl.^o

¹¹ “Kalöp Jisas nibi bi nipe a göm gi naj göm, manö piral hagöm hag
juaiöl, kale miñ miñ yabił gimim.^p ¹² Bi God manö hagep hadame nöp
gau kalip adö anibu nöp gila. Anib u, kalöp u rö nöp geinaböl u, gasi kub
u niñagmim; God hanip kumi kabö adö lañ ud aij ginab a gimim, miñ
miñ yabił gimim,” a ga.^q

God nibi bi nipe gau kale dö sol rö midpal; kale mailö rö midpal
(*Mak 9:50; Luk 14:34-35*)

¹³ Jisas manö anibu hagöm haga, “Nibi bi minöñ naböñ ił i midpal gau,
dö sol rö kale midpim. Pen dö sol kal u am haköm kauyañ kal gagnab;
böñ nöp naj göp a göm, abhib jaköm ud yunaböl.

¹⁴ “Daun kub dum lañ midöm, pi göl midnim rö lagnab; waiö yabił
mideinab. Anib u rö, nibi bi minöñ naböñ ił i midpal gau kalip hapö
mailö rö midpim.^r ¹⁵ Nibi bi gau hapö lauöm rin cög miñan gau pi
gagnaböl. Adö au gilañ rik lilö mailö gö, nibi bi ram raul miñan gau
magöñhalö niñ aij ginaböl.^s ¹⁶ Anib u rö, kale nibi bi gau kalip gi aij gipe,
nibi bi gau kalöp niñöm, Nap kumi kabö adö lañ midöp hib nipe nöp
haglö adö arnab.^t

Lo manö u

¹⁷ “Kale hagnabim, Jisas auöp u, God Mosis nip lo manö haga manö adö
u abe, bi God manö hagep rimnap hagla manö adö u abe, arö gimim a
ginig auöp a ginabim u pen u wasö! Yad aubin u, bi God manö hagep gau
ginab a gila rö magöñhalö ginam a gem aubin.^u ¹⁸ Yad kalöp niñö yabił
hagabin. Kumi kabö adö lañ abe, minöñ naböñ ił i abe böñ nöp ur ginab
u pen God Manö u manö magö rimnap ur gagnab; magöñhalö pör pör
nöp mideinab. Manö nihön nihön haga u, magöñhalö haga rö nöp ginab.^v

¹⁹ “Anib u, nibi bi an God lo manö u niñöm, manö pro magö ap arö
ginam a göm, nibi bi gau hatöwałö hag ñö arö ginaböl u, God nibi bi
udöm abad mideinab ñin u, hib kale ap lugnab. Pen nibi bi an God lo
manö niñöm, niñ aij göm, nibi bi gau kalip hag ñi aij ginaböl u, God nibi
bi udöm abad mideinab ñin u, hib kale ap rannab.^w ²⁰ Bi Perisi gau abe,
God lo manö hag ñeb bi gau abe, ‘God haga rö nöp gipun,’ a gipal u pen

^o 5:10 1Pi 3:14 ^p 5:11 1Pi 4:14 ^q 5:12 2Kr 36:16; Ap 7:52 ^r 5:14 Jon 8:12; 9:5 ^s 5:15 Mak 4:21;
Luk 8:16; 11:33 ^t 5:16 Ep 5:8-9; 1Pi 2:12 ^u 5:17 Ro 3:31 ^v 5:18 Luk 16:17; 21:33
^w 5:19 Jem 2:10

kale yihariŋ manö hagöm God haga rö gagpal, wasö. Kale ke pen, God manö haga rö nöp niŋmim kabö rö nöp hain gimim. Aniŋ ginabim u me, God kalöp udöm kumi kabö adö laŋ au abad mideinab.

Nibi bi kołmał kale gau aip manö hag jim ñimim midaimim

(Luk 12:57-59)

²¹“Hadame nöp naps nahai iłaŋ gau God lo manö hagmidal adö u kale niŋbim. Kale hagmidal, ‘Wip al pakagmim. Nibi bi ap, nibi bi ap al pak linab u, manö kub niŋnab,’ a gimidal.^x ²²Manö aniŋ niŋbim u pen kalöp miñi hag aij ginam. Nibi bi ap, nibi bi ap nip niŋö mulu lugnab u, manö kub niŋnab. Nibi bi ap, nibi bi ap hib dap lugnab u, Juda Kansol gau ap magum göm, nip manö kub hagnaböl. Nibi bi ap, nibi bi ap nip hagnab, ‘Ne bi hauł halö,’ a ginab u, ram minöŋ mab ke inab miŋan yaŋ arnim rö löp.^y

²³“Aniŋ u, ne nan God nip sabe gi ñeb dam kabö bid adö u sabe gi ñinig, añ mam ne nip gina rö manö midöp a ginabön u,^z ²⁴nan God nip sabe gi ñeb aniŋ kabö bid au arö gimön, nipe aip manö hag aij gimön, uri agamij midaiul a gimön, ado gi ap nan aniŋ God nip sabe gi ñimön.

²⁵“Nan niñön gi naij ginabim u, kalöp manö kub hagniŋ, dam adan aŋ gau hain ud arlö niñöl gi, kalip aip manö aniŋ hag ud asikmim, ñim ñöl midaimim. Wasö u, kalöp dam bi kub u nip ñeinaböl, nipe pen kalöp ud polisman kai kalip ñö, kalöp dam nagi linaböl. ²⁶Yad kalöp niñö yabił hagabin, nan naböŋ kale u böŋ nöp naböŋ ral piŋ gimim höŋ arnabim.

Nibi si bi si gipal

²⁷“Pen manö ap hagla u, u rö nöp niŋbim. Manö aniŋ hagla, ‘Nibi si bi si gagmim,’ a gila.^a ²⁸Pen yad kalöp hagabin, bi ap nibi ap nip niñöm, nip gibnep a göm gasi niŋnab u, God niñö, bi aniŋ gasi nipe aŋ yaŋ nibi aniŋ si ginab. ²⁹Aniŋ u, amgö magö yijig lau niñöm, nan si nan naij gep rö lainim u, amgö böŋ aniŋ ud ju yumim. Pen amgö kale u mög niŋnabim u, nan si nan naij gimim, mab ke inab miŋan yaŋ armim rö löp.^b ³⁰Pen ñimagö yijig kid u u rö nöp, nan si nan naij ginig gainim, rib gi dö gi yumim. Aniŋ gimim me, ñin böŋ lap nöp midö kamiŋ arnabim. Wasö u, mab ke inab miŋan yaŋ arnabim.^c

Jisas nibi hag yuep manö hag ña

(Mad 19:9; Mak 10:11-12; Luk 16:18)

³¹“Kale niŋbim, manö ap hagla, ‘Bi ap niŋin nip arö ginig, nibi i böŋ nöp arö ginam a göm, kali kñiñ bad ap riköm, nibi aniŋ nip ñöm me,

^x 5:21 Eks 20:13; Dud 5:17 ^y 5:22 1Jn 3:15 ^z 5:23 Mak 11:25 ^a 5:27 Eks 20:14; Dud 5:18 ^b 5:29 Mad 18:9; Mak 9:47 ^c 5:30 Mad 18:8; Mak 9:43

bönj nöp arö ginab,' a gila.^d ³²Pen yad kalöp hagabin: bi ap, nibin nipe bi ap si udagnab wasö, pen nugmul nipe nibin yiharij nöp arö ginab u, gi najj ginab. Pen nibi u nij anig göm arö gö, am bi hain nibö ap udnab u, bi u nipe nibin nipe arö ginab u me, nipe anig gö, nibin nipe bi si udep nibi linab. Pen bi an nibi anibu udnab u, nipe u rö nöp nibi si udep bi linab.^e

Manö niñö yabił hagabun, a gipal
(*Mad 19:9; Mak 10:11-12; Luk 16:18*)

³³“Hadame nöp manö ap hagla u, u rö nöp niñbim. Manö anibu hagla, ‘Kale Bi Kub amgö ilö nipe manö niñö yabił hagnabim u, hagnabim rö nöp gimim. God nipe niñmidöp niñöm hagnabim rö nöp gimim,’ a gila.^f ³⁴Pen yad kalöp hagabin: manö ap hagnig, ‘God amgö ilö adö u niñö hagabin,’ a gimim hagagmim. ‘Ram minöñ kumi kabö adö lañ au midöp rö, niñö hagabin,’ a gimim hagagmim; God nipe ram minöñ anib au sea kiñ adö au asik midöp.^g ³⁵‘Minöñ naböñ il i midöp rö niñö hagabin,’ a gimim hagagmim; God nipe sea kiñ adö au asiköm, ram minöñ il i ma adö au abö gi midöp. ‘Jerusalem midöp rö niñö hagabin,’ a gimim hagagmim; u Kiñ Kub yabił daun kub nipe me.^h ³⁶‘Nabic yad midöp rö, niñö hagabin,’ a gimim hagagmim. Kale ke gipe, nabic uñ kale añi ap ule aka pir ranagnab. ³⁷Anib u, ‘Ginabin’ a gimim, ‘Ginabin’ nöp a gimim; pen ‘Gagnabin’ a gimim, ‘Gagnabin’ nöp a gimim. Manö kuöyañ limim hagmim, limim hagmim u, Seden kalöp gasi ñö, hagnabim.

Jisas pen pen gep manö haga
(*Luk 6:29-30*)

³⁸“Pen manö ap hagla u, u rö nöp niñbim. Manö anibu hagla, ‘Amgö magö u big juaiöl, kalip pen abe big jumim. Meg magö pa jö gaiöl, kalip pen abe pa jö gimim,’ a gila.ⁱ ³⁹Pen yad kalöp hagabin: bi ap kalöp gi najj gainim, nij pen gi najj gagmim. Bi ap kalöp alaun pak hil gainim, ado gimim böñ lap abe paknim. ⁴⁰Bi ap apöm kalöp manö kub hagöm, ‘Sior ne u yip haji gi,’ a gainim, sior nöp ñagmim, kolsior u abe ñimim. ⁴¹Bi ap kalöp hag niñöm, ‘Nan wadi i dam ka au yumön aumön,’ a geinab u, ji niñagmim; ka hagöl au hil gimim, dam yiharij ka au yumim aumim. ⁴²Nibi bi rimnap kalöp, ‘Haniñ nan rimnap ñim,’ a gaiöl, hałöwałö ñimim. Pen nibi bi rimnap kalöp, ‘Haniñ nan rimnap yiharij ñibe, hainö pen kalöp ado gi dam ñinabun,’ a gaiöl, arö gagmim, hałöwałö ñimim.

^d 5:31 Dud 24:1-4; Mak 10:4 ^e 5:32 1Ko 7:10-11 ^f 5:33 Eks 20:7; Lep 19:12; Nab 30:2; Dud 23:21 ^g 5:34 Ais 66:1; Jem 5:12; Mad 23:22 ^h 5:35 Sam 48:2; Ais 66:1
ⁱ 5:38 Eks 21:24; Lep 24:20; Dud 19:21

Koŋmaŋ kale gau kalip midmagö limim

(Luk 6:27-28,32-36)

⁴³“Manö ap hagla u, u rö nöp niŋbim. Manö anibu hagla, ‘Midaimam kale gau kalip midmagö limim; nibi bi koŋmaŋ kale gau kalip mulu adiŋ niŋmim,’ a gila.^j ⁴⁴Pen yad kalöp hagabin: nibi bi koŋmaŋ kale gau, kalip midmagö limim; nibi bi kalöp gi naij gipal gau, God nip sabe gimim, ‘Kalip abad mid aij gimön,’ a gimim.^k

⁴⁵“Kale anig ginabim u, Nap kumi kabö adö laŋ midöp u, ni pai nipe yabiŋ mideinabim. Nipe gö, sidö mailö gö, nibi bi gi aij gipal gau abe, nibi bi gi naij gipal gau abe, mailö gab. Nipe gö, möŋ alöm, nibi bi gi aij gipal gau nan wög kale gau ranöm, nibi bi gi naij gipal gau nan wög kale gau ranöm göp. ⁴⁶Kale nibi bi kalöp midmagö libal gau nöp ud aij ginabim u, bi dakis udpal gau gipal rö nöp ginabim. Anig geinabim u, God ne aige göm niŋi löm kalöp nan aij niŋab. ⁴⁷Kale añ mam kale gau nöp hag wiŋai udnabim u, nibi bi God nip gasi niŋagpal gau, nibi bi yiŋariŋ gau kalip gipal rö nöp ginabim.

⁴⁸“Anib u, Nap kumi kabö adö laŋ gi aij yabiŋ gab rö, kale u rö nöp gi aij yabiŋ gimim.^l

Nibi bi nan midagöp gau kalip abönamö niŋim

6 ¹“Pen kale, hib kub udun a gimim, nibi bi amgö ilö adö kale u nöp God hagöp rö nöp gun, a gimim giŋe u, Nap kale kumi kabö adö laŋ midöp u nipe niŋöm kalöp pen nan aij ap niŋagnab.^m ²Nibi bi rimnap, God nip niŋ udpun, a göm, piral nöp gipal. Hib kub udun, a göm, kale nibi bi mög gep rö gau mani nan rimnap niŋig, Juda magum gep ram nibi bi iru midnaböl raul u aka, adan kub nibi bi iru nöp ajnaböl gau nöp amöm, nibi bi amgö ilö adö au niŋaböl. Ginaböl anibu yad kalöp hagabin: hib kub udun a göm, nan kale pen udnaböl anibu; Bapi kalip nan rimnap halö niŋagnab. Kale anig ginaböl u rö gagmim.

³“Pen kale nibi bi mög gep rö gau kalip nan niŋig, waiö niŋagmim; ⁴agamij pi gimim rö niŋimim. Nan niŋhön agamij giŋim u, Nap kale magöŋhalö niŋöb rö, niŋhön niŋhön ginabim niŋöm, kalöp pen nan aij niŋab.

Jisas God nip sabe gep manö hag ña

(Luk 11:2-4)

⁵“Kale God nip sabe giŋig gimim u, nibi bi rimnap, God nip gasi niŋbun, a göm, piral nöp gipal rö gagmim. Kale nibi bi rimnap hanip

^j 5:43 Lep 19:18 ^k 5:44 Eks 23:4-5; Luk 23:34; Ap 7:60; Ro 12:14,20 ^l 5:48 Lep 19:2; Dud 18:13 ^m 6:1 Mad 23:5

niñlō, hib kub udnabun a göm, am Juda magum gep ram aŋ u midöm aka, am adan ramō gau midöm, nibi bi amgō ilō au God nīp sabe gīpal. Gīpal anību yad kalōp hagabin, hib kub udun a göm, nan kale pen udnabōl anību; God nīpe manō kalip u udagnab.ⁿ ⁶Anīb u, kale God nīp sabe gīnīg, ram magō raul miŋan kale u ammim, aŋōŋ gī nīmim, Bapi hon amgō niŋagpun nīp sabe gīmim. Nan nihōn agamij gīpim u, Nap kale magōŋhalō niŋōb rō, nihōn nihōn gīnabim niŋōm, manō kale niŋōm, kalōp pen nan aij nīnab.

⁷“Nibi bi God Manō niŋagpal gau, nīp sabe gīnīg, manō milō kub yabił hagpal. Gasi kale nōp niŋōm hagpal, ‘Manō milō kub hagno me niŋnab,’ a gīpal.^o ⁸Pen kale anību rō gagmim. Manō nihōn God nīp sabe gīnīg gabim gau, nīpe nōd niŋnab.^p ⁹Anīb u, God nīp sabe gīnīg, hagmim, ‘Bapi kub kumi kabō adō laŋ midpan;

hib ne i adō laŋ midōp.

¹⁰ Ne hanīp udmōn abad midaimōn.

Ne kumi kabō adō laŋ hagpan rō niŋbal u,

hon aui minōŋ nabōŋ i i gī nīmōn niŋun hon abe manō nōp niŋun.^q

¹¹ Hanīp nan nīŋeb rimnap nime limōn;

pōr pōr nīban rō u nīn aŋi aŋi nīmōn.

¹² Nibi bi rimnap hanīp gī naij gīpal niŋun arō gīpun rō,

hon gī naij gīpun u u rō nōp niŋmōn arō gīmōn.^r

¹³ Hon gī naij gun rō lōp u,

ne hanīp abad midō, hon gī naij gagun,’ a gīmim.^s

¹⁴“Nibi bi rimnap kalōp gī naij gaiōl niŋmim arō gīnabim u, Nap kale kumi kabō adō laŋ midōp u nan si nan naij kale gīnabim u u rō nōp niŋōm, arō gīnab.^t ¹⁵Pen nibi bi rimnap kalōp gī naij gaiōl niŋmim arō gīnabim u, Nap kale nan si nan naij kale gīnabim u u rō nōp niŋōm arō gīnab.

Nan nīŋeb hil gīpal

¹⁶“Kale nan nīŋeb arō gīnīg, nibi bi God nīp gasi niŋbun, a göm, pīral nōp gīpal rō, gagmim. Kale, ‘Hon mulu halō halō rō midno, nibi bi niŋōm hagnabōl, “God nīp gasi niŋōm, nan nīŋeb hil göm me, mulu halō halō midpal,” a gīnabōl,’ a göm, pīral anīg gīnabōl. Yad kalōp niŋō yabił hagabin: nibi bi hanīp niŋlaŋ, a göm gīnabōl anīb gau, nibi bi gau niŋōm hib kale haglō adō arnab u pen God kalip nan aij kumi kabō adō laŋ nīagnab.^u ¹⁷Kale pen nan nīŋeb gau hil geinabim u, mulu halō halō

ⁿ 6:5 Mad 23:5; Luk 18:10-14 ^o 6:7 1Ki 18:26-29 ^p 6:8 Mad 6:32 ^q 6:10 Luk 22:42

^r 6:12 Mad 6:14-15; 18:21-35 ^s 6:13 Luk 22:40; Jem 1:13; Jon 17:15 ^t 6:14 Mak 11:25-26

^u 6:16 Ais 58:5-9

rö midagaimim. Ñig pak aij gimim, wel limim, kom gimim midaimim. ¹⁸Anig geinabim me, kalöp nibi bi nan magö hil gipal gau a göm, niñagnaböl. Nan agamij gipim u, Nap kale, hon amgö niñagpun Bi u, nipe magöñhalö niñöb rö, kalöp pen ñöm nan aij ñinab.

Amun God aip midaiun a gimim, niñöl gi midaimim
(Luk 12:21,33-34)

¹⁹“Pen minöñ naböñ it i nan aij aij gau ud magum gun, a gimim gasi u niñagmim. Nihön ginig: nan anib gau ud magum geinabim, sipsop ñiñöm, hij göm, si udöm ginaböl.” ²⁰Anib u, nan aij kale rö gau, God ram minöñ kumi kabö adö lañ au ud magum gipe, sipsop niñagnim, hij gagnim, si udagöl, midep nöp midainim.” ²¹Nan aij kale minöñ naböñ adö it i ud magum geinabim u, gasi kale mideinab minöñ naböñ adö it i; nan aij kale God ram minöñ kumi kabö adö lañ au ud magum geinabim u, gasi kale u arnab anib lañ.

Hañ romañ mailö u
(Luk 11:34-36)

²²“Amgö magö hañ romañ hapö mailö rö midöp. Amgö magö kale u aij midö, mailö aij gö niñ aij ginabim. ²³Pen amgö magö kale u naij gö, hañ romañ kale u sibön ginab. Mailö giböp pen böñ nöp sibön gö, nan ap niñagnabim. Kale mailö niñagpun u, sibön göp rö midöpim.

Mani nan gau god ap rö midagnim
(Luk 16:13; 12:22-31)

²⁴“Bi añi ap, bi kub mihöp kalip wög gi ñinim rö lagöp. Nihön ginig: bi kub ap nip niñö aij geinab, ap nip arö ginab: pen bi kub ap nip niñö aij geinab, ap nip arö ginab. Anib u, kale mani nan aij minöñ naböñ adö it i midöp gau, niñbe aij gö, God nip arö ginabim rö löp u, niñ aij gimim.

Gasi kub niñagmim
(Luk 12:22-31)

²⁵“Adö anibu me kalöp hagabin: nan gai nibö niñjun midaiun, wañij gai nibö rol gun midaiun, a gimim, gasi kub u niñagmim. Kamiñ midep u nan kub; nan niñeb nan pro. Uri midpun i, hañ romañ nan yabił; hañ romañ wañij rol gep nan pro. Anig gö niñmim, God kalöp gi la u, nipe nan niñeb, wañij hañ romañ rol gep, nan pro anib gau ñagnab a gi niñbim ar?” ²⁶Kale niñbim, yaur gau nan yiñ yimagal; wid, rais, nan gau rik dap magum gagpal. Pen Nap kale kumi kabö adö lañ u kalip abad midö, nan niñbal. Anib u, yaur u nan yiñariñ u pen nipe nan ñö niñbal rö, kalöp u

^v 6:19 Jem 5:1-3 ^w 6:20 Mad 19:21; Luk 18:22 ^x 6:25 Plp 4:6; 1Di 6:6-8; 1Pi 5:7

rö nöp ñagnab a gi niñbim ar?^y 27Aka, gasi iru niñjun me, rapin midun umnabun a gi gasi niñbim ar?

28 “Pen nihön ginig wañij nan gau gasi iru niñbimñ Nan piłpił be gau ranöb gau, wög gagöm, wañij gagöm, gipal. 29Pen kiñ Solomon mani iru midö rib adik aij yabił gimidöp u, nan piłpił anib gau rö rib adik aij gaga.^z 30Nan piłpił anib gau nan yihariñ. Pör midöm wasö, miñi rö midöm, rol rö laubal. Pen God nan yihariñ anib gau gi löm rib adik aij gi ñöb u, nihön ginig hanip abad midagnab a gimim niñbimñ Kale anig gasi niñnabim u, kale God nip niñ ud aij gagpim.

31 “Anib u, nan mai ñiñjun, ñig mai ñiñjun, wañij nihön rol gun, a gimim, gasi kub u niñagmim. 32Nibi bi God Manö niñagpal gau, nan anib gau udun a göm, gasi kub anibu rö niñbal. Pen kale niñbim, Nap kale kumi kabö adö lañ midöp u, kale nan nihön nihön midagöp u niñöb.^a 33Anib u, God nibi bi rimnap udöm abad mideinab u, hanip u rö nöp udnab a gimim gasi añi niñmim; God nipe haga rö nöp gi midaiun a gimim, gasi añi niñmim; kale anig gipe arö me, nan ñiñeb, ñig ñiñeb, wañij rol gep, nan anib gau magöñhalö kalöp ñinab.^b 34Anib u, rol ruö nihön gun midaiun, a gimim gasi kub u niñagmim. Ñin uri u ñin uri. Uri ñin i nöp nan miñör rimnap midöp u, u nöp gasi niñmim.

Nibi bi rimnap kalip manö kub hag gagmim

(Luk 6:37-38,41-42)

7 1“Hon nibi bi aij a gimim, nibi bi rimnap kalip gasi naj niñnabim u, manö anibu ado gi kale ke aunab.^c 2Anib u, niñ aij gimim. Kale nibi bi rimnap kalip ginabim rö, God kalöp pen ginab. Kale nibi bi rimnap niñmim manö kub hag ginabim rö, God kalöp u rö nöp manö kub hag ginab.^d 3Mab po amgö kale pak hari göl midöp u, nihön ginig mab po anibu nan yihariñ a gimim, namam nan aciñ amgö nipe midöp u niñmim hagpim? 4-5Ne bi manö piral hagep bi. Mab po amgö kale pak hari göl midöp u nöd ud yumim, amgö niñ aij gimim, namam nan aciñ amgö nip midöp u nip, ‘Ud yuin’ a gimim hagmim. 6God nan uł nipe gau, kain hapeb gau kalip ñagmim. Kibap miñep gau, kaj gau midöp, a gimim ud yuagmim. Pen nihön ginig: ud yunabim, kale abö jö ma jö gi yuöm, ado gi apöm kalöp haunaböl.

Hon aigöl gun bi kub nip sabe gun?

(Luk 11:9-13)

7“Nan nihön midagainim u, God nip hag niñbe kalöp ñinab. Pen nan rimnap ułhai niñnabim u, udnabim. Hanip ajöñ hiik, a gimim,

^y 6:26 Mad 10:29-31; Luk 12:6-7 ^z 6:29 1Ki 10:4-7; 2Kr 9:3-6 ^a 6:32 Mad 6:8

^b 6:33 1Ki 3:13-14; Sam 37:4,25; Ro 14:17 ^c 7:1 Ro 2:1; 1Ko 4:5; Jem 4:11-12

^d 7:2 Mak 4:24

pak gu gipe, kalöp ajön u hiiknab.^e ⁸Pen nihön ginig: nibi bi God nip hag niñnaböl u, hag niñnaböl rö nöp ginab. Nan ulhai niñnaböl u kalip yamnab. Pen, ajön u hiik, a göm, pak gu gu gilö, hagnaböl rö niñöm hiiknab.^f

⁹“Kale bi nap gau, ñi pai kale ap maj ap ñi a gö, kale kabö ñinabim? ¹⁰Aka pen, kabsal ap ñi a gö, haiño ap ñinabimñ U anig gagnabim. ¹¹Kale nibi bi aij wasö u pen ñi pai kale gau, nan aij gau nöp ñinabim. Nap kale kumi kabö adö lañ bi aij yabiñ u, piral gagnab; kale hag niñnabim u, nipe kalöp nan aij ñinab.^g

¹²“Pen kale ke, hanip adö u gilañ, adö u gaglañ, a gimim niñbim, adö u nöp nibi bi gau kalip gimim. Mosis God lo manö udöm kali kliñ rika manö u abe, bi God manö hagep kali kliñ rikla manö u abe, if me anibu.^h

Adan pro, adan majö

(Luk 13:24)

¹³⁻¹⁴“Mab ke yañ adan kub u waiö niñöm am aij gipal. Nibi bi iru nöp miñan anibu arbal. Anib u, kale niñ aij gimim, pör midep adan pro u udmim armim. Adan pro anibu ulham arnaböl. Nibi bi añi añi nöp, adan pro milö anibu klö göm ulhai niñöm arnaböl.

Piral hagnaböl, niñ aij gimim

(Luk 6:43-46)

¹⁵“Pen nibi bi God manö hagabun a göm piral hagnab gau, kaj sipsip hain aij rö halu löm aunaböl u pen apöm midöl gi, kain hapeb nibi bi hau löp rö u kalöp ginaböl. Anib u, niñ aij gimim.ⁱ ¹⁶Nibi bi mid aij gipal rö halu löm aunaböl u pen kale nan si nan naj ginaböl rö niñmim, kalip niñ aij ginabim. Kale niñbim, nagi yihariñ kali kali halö gau magö ñiñeb u pilö gu niñagnabim.^j ¹⁷⁻¹⁸Mab gau u rö nöp ginab. Mab magö ñiñeb ur gau, mab magö ñiñagep pilagnab. Pen mab magö ñiñagep ur gau, magö ñiñeb pilagnab. ¹⁹Pen mab magö aij pilagnab gau, rib gi dö gi dam mab inab u yunaböl.^k ²⁰Anib u, nibi bi gau nagi ginaböl adö u niñmim, nibi bi gau aij, nibi bi gau naj a gimim niñnabim.^l

Jisas “Yad kale niñagmidin,” a ginab

(Luk 13:25-27)

²¹“Nibi bi yip, ‘Bi Kub hon!’ ‘Bi Kub hon!’ a gipal gau magöñhalö, God kalip udöm abad mideinab, a gi gasi u niñagmim. Bapi yad kumi kabö adö lañ midöp u hagöp rö gipal nibi bi gau nöp kalip udöm kumi kabö

^e 7:7 Mak 11:24; Jon 14:13; 15:7; 16:23-24 ^f 7:8 1Jn 3:22; 5:14-15 ^g 7:11 Jem 1:17

^h 7:12 Mad 22:39-40; Luk 6:31; Ro 13:8-10 ⁱ 7:15 Mad 24:24; Ap 20:29; 2Pi 2:1

^j 7:16 Gal 5:19-22; Jem 3:12 ^k 7:19 Mad 3:10; Luk 3:9; Jon 15:6 ^l 7:20 Mad 12:33

adö laŋ au abad mideinab.^m 22 God nibi bi manö kub hagnab ñin u, nibi bi iru nöp yip hagnaböl, ‘Bi Kub, hon nibi bi ne nöp. Hib ne nöp hagnab, manö ne hag ñino. Hib ne nöp hagnab, nan nibi bi kijaki abañ ala gau hag yuno. Hib ne nöp hagnab, nan gagep rö gau iru nöp gino,’ a ginaböl. 23 Yip anig hagnaböl u pen yad kalip hagnabin, ‘Yad kale niŋagmidin; kale gi naj nöp gipim, ke gau arim!’ a ginabin.”

Bi mihöp ram mihöp gilö

(Luk 6:47-49)

24-25 “Bi gasi niŋeb yabił ap, ram nipe u ginig, kabö adö laŋ ginab. Hainö hadal kub apöm, möŋ kub alöm, ñig uł apöm ginab u pen ram nipe kabö adö laŋ gi pidöŋ ginab u, pa jö ma jö gi ud aragnab. Anib u rö me, nibi bi manö yip niŋöm, niŋ udöm, hagnab rö ginaböl gau.

26-27 “Pen bi gasi niŋ aij gagnab ap, ram nipe u ginig, minöŋ kabö kułup adö au ginab. Hainö hadal kub apöm, möŋ kub alöm, ñig uł apöm, ram nipe u böŋ nöp pa jö ma jö gi ud arnab. Anib u rö me, nibi bi manö yad niŋöm hagnab rö gagnaböl gau,” a ga.

28-29 Jisas manö anibu hag hakö niŋöl gi, nibi bi iru nöp ap mideila gau niŋöm hagla, “God lo manö hag ñeb bi hon gau manö hagnab rö hagagöp; nipe bi manö niŋ aij yabił göm hagöp,” a göm, aiö yabił gila.^o

Jisas bi wös hapeb la u gö, kamiŋ la

(Mak 1:40-45; Luk 5:12-16)

8 1 Jisas nö ilö laŋ mideia u arö göm, sir yaŋ ap lugö niŋöl gi, nibi bi iru nöp nip hain gila. 2 Pen bi wös hapeb la ap, Jisas mideia söl au amöm, kugom yimöm, ubör yihöŋ göm haga, “Bi Kub. Ne yip gö kamiŋ linig, gö kamiŋ linab. Yip kamiŋ linab u, yad God sabe gep ram raul arnig gabin u, yip wihö gagnaböl,” a ga. 3 Anig hagö, Jisas ñimagö milöbö löm bi anibu ud niŋöm haga, “Yad ginabin; nöp kamiŋ laŋ,” a gö, magö anibu nöp nip kamiŋ lö niŋöl gi, 4 Jisas bi anibu nip haga, “Nöp ginö kamiŋ löp anibu, nibi bi rimnap kalip hag ñagmön wasö. Am bi God nip nan sabe gep bi gau kalip nöp yammön hagnab, ‘Yip kamiŋ löp niŋim!’ a gimön. Anig hagnab, Mosis haga rö, yaur ap God nip pak sabe gi ñimön. Anig geinabön, nibi bi gau niŋöm hagnaböl, ‘Nip kamiŋ löp u me anig gab,’ a ginaböl,” a ga.^p

Jisas, ami bi kub bi wög gi ñeb nipe u nip gö, kamiŋ la

(Luk 7:1-10)

5 Jisas daun pro Kapaneam arö niŋöl gi, ami bi iru nöp abad midmidöp bi kub ap, Jisas yip gi ñinim a göm apöm Jisas nip haga, 6 “Bi Kub, bi wög

^m 7:21 Luk 6:46; Jem 1:25 ⁿ 7:23 Sam 6:8; 2Di 2:19 ^o 7:28-29 Mak 1:22; Luk 4:32

^p 8:4 Lep 14:1-32; Mad 9:30; Luk 17:14

gi ñeb yad u niþ miña kub göm, ilön neb neb gö, aña gagöp; ram au um midöp,” a ga. ⁷Hageia, Jisas haga, “Yad am niþ ginö kamiñ linab,” a ga. ⁸⁻⁹Hageia, ami bi kub anibu haga, “Bi Kub, niñö hagpan u pen yad bi kub rö ram yad u aumön. Yad niñbin u, ami bi kub rimnap yip abad midlö, yad pen ami bi rimnap kalip abad midem, ‘Arim,’ a ginö, arbal halö; ‘Auim,’ a ginö, aubal halö. Bi yip wög göp u niþ, wög gau anig gimön anig gimön a ginö, göp. Anib u rö, ne yihariñ, ‘Kamiñ lañ,’ a gimön, niþ kamiñ linab,” a ga. ¹⁰Anig hagö Jisas aiö göm, nibi bi hain areila gau kalip haga, “Bi anibi milö gau nibö u pen, God göp rö niñ aij yabiñ göm me, anig hagöp. Bi hon Isrel nibö ap, God niþ niñ ud pidön göm hagöp anibu rö hagö, yad niñagpin. ¹¹Anib u, hainö nibi bi milö gau nibö gau, God nibi bi udöm kumi kabö adö lañ abad mideinab añ u amöm, Ebrahim, Aisak, Jekop bi aip asiköm, nan niñeb iru niñöm, miñ miñ göl gi mideinaböl.” ¹²Kale anig göm am mideinaböl, pen nibi bi hon Isrel nibö gau, am añ anibu midageinaböl rö löp. God kalip hag yueinab, am mideinaböl höñ sibön göp adö yañ. Kale miñön magö göm meg magö hau jö ma jö gi niñöl gi mideinaböl,” a ga. ¹³Anig hagöm, Jisas ami bi kub anibu niþ haga, “Ne ado gi aru! Hagpan rö nöþ ginab,” a ga. Jisas anig hagö, niþe ram aramöm niña, bi niþe nan ga u, Jisas haga magö anibu nöþ kamiñ la.

Jisas Pida nibor niþ gö, kamiñ la

(Mak 1:29-34; Luk 4:38-41)

¹⁴Pen Jisas Pida ram amöm niña, Pida nibor u, hañ romañ gau mab rö inö, abañ adö lañ um mideia. ¹⁵Jisas niñöm, am Pida nibor niñmagö niþe ud niñö, magö u nöþ kamiñ lö, niþe uraköm, Jisas niþ nan magö ud li aij ga.

Jisas nibi bi iru nöþ gö, kamiñ la

(Mak 1:29-34; Luk 4:38-41)

¹⁶Dugo magö u, nibi bi kijaki abañ ala gau abe, nibi bi nan ga gau abe, dam Jisas mideia u aueila, niþe kijaki gau hag höñ yuöm, nibi bi niñ pai nan ga gau gö magöñhalö kamiñ la. ¹⁷Niþe ga anibu, bi God manö hagep Aisaia, hadame nöþ ginab a göm kali kñiñ rika rö nöþ ga. Niþe kali kñiñ riköm haga, “Hanip nan ga gau gö kamiñ la.

Nan nihön nihön hanip najj ga gau
hag yuö mid aij gipun,” a ga.^s

Bi ap Jisas niþ haga, “Yad aip ajeinabul,” a ga

(Luk 9:57-62)

¹⁸Jisas niña, nibi bi iru nöþ ap niþ big gigabö geila, bi niþe gau kalip haga, “Niñ wañö juun böñ lödañ arun,” a ga. ¹⁹Anig hagö niñöl gi, God lo

^a 8:11 Luk 13:29 ^r 8:12 Mad 22:13; 25:30; Luk 13:28 ^s 8:17 Ais 53:4

manö hag ñeb bi ap apöm nip haga, “Manö hag ñeb bi. Ne ram minöŋ gai gai arnabön u, yad nöp aip arnabul,” a ga. ²⁰Hageia, Jisas haga, “Kain hauł gau, kale minöŋ migan gau hanbal. Yaur gau, kau kale haneb u midöp. Pen yad Bi Ñi nipe haneb migan u midagöp,” a ga. ²¹Pen bi Jisas nip niŋ uda bi ap haga, “Bi Kub, yad ne aip arul u pen, yip yau a gö, bapi nip umö rigöl gem, ne aip ajeinabul,” a ga. ²²Hageia, Jisas haga, “Nibi bi yip niŋ udagpal rimnap umaiöl, nibi bi yip niŋagpal rimnap dam rigöl göl; pen ne auö yad aip arul,” a ga.

Jisas hagö, yigön kub ur ga
(*Mak 4:35-41; Luk 8:22-25*)

²³Jisas ñig magib udöm arnig gö, bi nipe gau aip hadla. ²⁴Ñig aŋ au arlö niŋöl gi, adiŋ yigön kub yabił u udöm, ñig ral apöm, ñig magib u ud ado ginig rö ga. Pen Jisas nipe hon haneia rö, ²⁵bi nipe gau nip am haglö urakö hagla, “Bi Kub! Pinöm asad kub u hanip ud ado gö, ñig niŋun rö löp u, ne hanip ud kamiŋ li,” a gila. ²⁶Hagaila, kalip haga, “Nihön ginig piñiŋ gabimŋ Kale manö yad pro pro rimnap niŋ udagpim aka?” ga. Anig hagöm, uraköm, pinöm asad udeia u hagö hir göm, ñig ral aueia u ur göm ga. ²⁷Anig gö, kale aiö göm hagla, “Bi kal yabił i nipe bi aige rö bi gajip niŋöm pinöm asad udeia u hir göm, ñig ral auajip u ur göm göp?” ö gila.

Aiön pi halö bi miŋau Jisas gö, kamiŋ la
(*Mak 5:1-20; Luk 8:26-39*)

²⁸Jisas ñig juöm, ram minöŋ Gadara böŋ lödaŋ amjaka niŋöm, bi hauł kijaki abaŋ ala miŋau wip rigöl gimidal kabö migan gau nibö apjaklö. Bi anib miŋau kalip kijaki aiön pi abaŋ alla rö, bi hapeb yabił miŋau midmidil. Adan kalpe midmidil au, nibi bi rimnap aragmidal. ²⁹Pen kalpe mihöŋ apjakmil, Jisas nip haglö, “God Ñi nipe. Nihön ginig auabön? Hanip ilön kub ñiniŋ auabön aka nihön? Ñin ne hanip ram minöŋ naji hag yuep u auagöp,” a gilö. ³⁰Pen magö anibu, kaj iru nöp amil ñiŋeila söl goł anib au me, ³¹kijaki aiön pi bi anib miŋau kalip abaŋ alla gau, Jisas nip neb neb göl gi hagla, “Hanip hag yuniŋ gimön u, hagö, amun kaj midpal gidan kalip yuö hiikun,” a gila. ³²Hageila, Jisas “Arim,” a gö, bi anib miŋau kalip arö göm, am kaj gau kalip yuö hiikla. Hiiklö kaj gau piñiŋ gi minöŋ rul goł au amöm, gi dam ñig waŋö yaŋ paköm, ñig niŋöm, magöŋhalö um hakla.

³³Pen bi kaj mukmidal gau, ga anibu niŋöm, yinid daun u amöm, Jisas nihön nihön ga u, bi kijaki abaŋ alla miŋau nihön nihön ga manö u,

[†] 8:20 2Ko 8:9 [‡] 8:21 1Ki 19:20 [‡] 8:24 Sam 4:8 [‡] 8:26 Mad 14:31; Sam 89:9

^x 8:29 Mak 1:24; Luk 4:41

nibi bi gau kalip magöñhalö hag ñila. ³⁴Hag ñeila, nibi bi daun mideila anib gau magöñhalö Jisas nip niñun a göm, ap nip niñöm, neb neb göl gi hagla, “Ram minöñ hon i arö gimön, ke gau aru,” a gila.

Jisas bi ñimagö ma kiła ga u nip gö, kamiñ la

(Mak 2:1-12; Luk 5:17-26)

9 ¹Jisas kauyañ ñig magib udöm, ñig wañö juöm, ram minöñ nipe hanmidöp u böñ lödañ ara.^y ²Pen nibi bi rimnap, bi ñimagö ma kiła ga ap, Jisas gö kamiñ linab, a göm, nip ilöñ li dapöm Jisas mideia au daula. Pen, Jisas gö kamiñ linab, a göm niñla rö, Jisas bi ñin ma kiła ga anibu nip haga, “Ñi me! Gasi halö midaimön. Nan si nan naji gipan gau niñem arö gabin,” a ga. ³Jisas anig hagö, God lo manö hag ñeb bi gau rimnap hagla, “Bi i God nip hag juöl gi me, anig hagab,” a gila. ⁴Pen Jisas gasi niñla anibu ke niñöm haga, “Kale nihön ginig yip gasi naji niñmim anig hagabim?” ⁵Yad nip, ‘Nan si nan naji gipan gau niñem arö gabin,’ a ginö, kalöp aij ginab, aka ‘Urak aru!’ a ginö, kalöp aij ginabñ Aka manö nihön hagnö, kalöp aij ginab? ⁶Miñi kale niñnabim, Bapi God yip Bi Ñi nipe hag la niñöm, minöñ naböñ it i apem, nan si nan naji gipal gau niñem arö ginabin,” a ga. Jisas anig hagöm, bi ñin ma kiła ga u nip haga, “Urakmön, köp ne u udmön, ram ne aru!” a ga.^a ⁷Jisas anig hagö, bi anibu uraköm köp bad nipe u udöm ram nipe ara. ⁸Ram nipe arö niñöl gi, nibi bi gau niñöm, God hagö Jisas apöm gab, a göm piñiñ göm, bi ap minöñ naböñ it i anib unbö rö gö niñagpun a göm, God hib nipe haglö adö ara.

Jisas bi nipe Madyu nip uda

(Mak 2:13-17; Luk 5:27-32)

⁹Jisas ram minöñ anibu arö göm, miñan ap amöm niña, bi dakis udep wög gimidöp bi ap ram raul miñan u asik mideia. Bi anibu hib nipe Madyu. Jisas nip niñöm haga, “Yad aip aue!” gö, uraköm Jisas aip ara.

¹⁰Jisas bi nipe gau aip Madyu ram amöm, nan niñlöl niñöl gi, bi dakis udep gau abe, bi nan si nan naji gimidal bi gau abe, iru nöp apöm Jisas bi nipe gau aip nan niñla. ¹¹Nan niñeila, bi Perisi gau niñöm, Jisas bi nipe gau kalip hagla, “Manö hag ñeb bi kale u, nipe nihön ginig, bi dakis udep gau abe, nibi bi nan si nan naji gipal gau abe, aip ðim ñöl nan niñab?” ö gila.^b ¹²Hageila, Jisas manö anibu apdi niñöm haga, “Ñibi bi nan gagöp gau, wös wameb bi gau aragpal; nibi bi nan göp gau nöp wös wameb bi gau arbal. ¹³Pen God manö ap haga it u niñ aij gimim midaimim. Nipe haga, ‘Yip nan sabe gi niñnabim u, yip aij gagnab; pen nibi bi gau kalip mög niñmim gi aij geinabim u, yip aij ginab,’ a ga. Pen yad aunö u, nibi

^y 9:1 Mad 4:13 ^z 9:4 Mad 12:25; Luk 9:47; Jon 2:25 ^a 9:6 Jon 17:2 ^b 9:11 Luk 15:2

bi, hon nibi bi aij, mid aij gipun a gi gasi niŋbal gau, kalip ulhai niŋ udnig auagnö; yad nibi bi, hon nan si nan naij gipun a gi gasi niŋbal gau, kalip ulhai niŋ udnam a gem aunö,” a ga.^c

Nan magö hil gep
(*Mak 2:18-22; Luk 5:33-39*)

¹⁴Ñin ap, Jon ñig pak ñeb bi nipe gau, Jisas mideia au apöm hagla, “Hon abe, bi Perisi gau abe, ñin rimnap, God nip nöp gasi niŋun, a gun, nan ñiŋagpun. Pen bi ne gau nihön ginig u rö nöp gagpal?” ö gila.^d

¹⁵Hageila, Jisas kalip haga, “Nibi bi gau, bi nibi udnig gab bi u aip mideinaböl ñin u, miñ miñ göl göm nan ñiŋnaböl; pen bi rimnap apöm bi anibu nip ud junaböl ñin u, mög gö nan hil göm ñiŋagnaböl,” a ga.

¹⁶Pen Jisas nipe kalip manö ap hod riköm haga, “Waŋij gisön u udöm, waŋij papit gi, pa gi dö ginab ramö u al dör gagnaböl. Pen ai ginig göm al dör gagnabölŋ Anig geinaböl u, waŋij luŋö gabin a ginig gab, miŋan kub yabit pa bilili ginab. ¹⁷Pen ñig wain u, u rö nöp. Wain gisön nibö u göm, ud kaj meme hañ miŋep miŋan u ral lagnaböl. Pen nihön: anig geinaböl u, ñig wain kamiŋ u ranöm, biŋ yabit hagöm, kaj meme hañ u pak gi dö göm, hoŋ göm arnab. Anib u, ñig wain kamiŋ u udöm, kaj meme hañ kamiŋ nibö miŋan u ud lilö nöp me, aij ginab,” a ga.

Jisas gaia nibi kub ap, pai pro ap, kamiŋ la
(*Mak 5:21-43; Luk 8:40-56*)

¹⁸Jisas manö anibu hagö niŋöl gi, Juda bi kub ap Jisas mideia au apöm, kugom yimöm haga, “Pai yad u böŋ nöp umöb u pen ne am nip ud niŋö, uraknim,” a ga. ¹⁹Hagö, Jisas bi nipe gau aip uraköm, bi anibu aip arla.

²⁰⁻²¹Pen nibi ap, hagape lugöl gi lugöl gi mideia, mi unbö miŋan laŋ ina. Anig gö, gasi nipe u nöp niŋöm, “Jisas waŋij nipe milö kub goŋ gau nöp ud niŋnö, yip kamiŋ linab,” a göm, Jisas arö niŋöl gi, jöl adö gau amöm, waŋij nip u ud niŋa.^e ²²Ud niŋö, Jisas ado göm nibi anibu nip niŋöm haga, “Yip niŋ udpan u me, nöp kamiŋ löp. Gasi halö midaimön,” a ga. Hagö, nan nip gimidöp u magö anibu nöp kamiŋ löm, hagape aumidöp u miŋep ga.

²³Pen Jisas nibi bi anibu arö göm am am, bi kub ram u amjaköm niŋa, aŋij magö pu göm, manö hauŋ kub yabit geila. ²⁴Jisas niŋöm kalip haga, “Kale ke gau arim! Pai i umagöp; yiŋariŋ hon hanab,” a ga. Anig hagö, nip miŋol gila. ²⁵Pen Jisas nibi bi anib gau kalip hag höŋ yuöm, ram raul miŋan yaŋ amöm, pai uma u nip, ñimagö kid u ud niŋö, uraka. ²⁶Anig gö, manö anibu yag dam ram minöŋ anib gau magöŋhalö ud arla.

^c 9:13 Mad 12:7; Hos 6:6 ^d 9:14 Luk 18:12 ^e 9:20-21 Mad 14:36

Jisas gö, bi amgö we mihau amgö ñil niñlö

²⁷Pen Jisas ram minöñ anibu arö göm arö niñöl gi, bi amgö magö we ga mihau nip hain göl gimil meg miñan dap ranmil, haglö, “Depid Ñi nipe! Halip mihöñ mög niñmön!” a gilö.^f ²⁸Aniñ hagailö, pen Jisas nipe ram raul miñan u ara. Bi anib mihau hain ammil ram u apjaklö, Jisas kalip mihöñ haga, “Kale mihöñ, yad kalöp ginö kamiñ linab a gimil, yip ap hagabilñ Yad yau a ginabin, kale gasi niñbil amgö kale ñil linab aka wasö?” ö ga. Hageia, haglö, “Bi Kub, holmiñ niñbul, ne halip geinabön kamiñ linab,” a gilö. ²⁹Hagailö, Jisas amgö kalip mihöñ ud niñöm haga, “Yip niñ udpil u me, haggil rö ginim,” a ga. ³⁰Hagö, amgö kalip mihöñ kamiñ lö, niñlö niñöl gi, Jisas kalip mihöñ manö klö hagöm hag aij göm haga, “Ñibi bi gau, Jisas gajip halip kamiñ löp, a gimil hagagmil,” a ga.^g ³¹Aniñ haga u pen kalpe mihöñ ammil, niñbi bi ram minöñ añ anib gau magöñhalö hag ñilö ara.

Jisas añab ado ga bi ap nip gö, manö ga

³²Pen kalpe mihöñ arlö niñöl gi, niñbi bi rimnap, bi aiön pi halö añab ado ga bi ap, dap Jisas mideia au daueila. ³³Jisas aiön pi bi anibu nip abañ ala u hag yuö, manö hag aij ga. Aniñ gö, niñbi bi gau aiö göm hagla, “Ram minöñ Isrel i, bi ap anibu rö gö niñagpun,” a gila.^h

³⁴Pen bi Perisi gau hagla, “Nipe kijaki aiön pi nap kale Seden klö u udöm me, aiön pi gau hag höñ yuöp,” a gila.ⁱ

Jisas niñbi bi gau kalip mög niña

³⁵Pen Jisas nipe daun pro gau abe, daun kub gau abe gi ajöl göm, Juda magum gep ram gau amöm, Kiñ kub ke yabiñ u niñbi bi udöm abad mideinab manö aij u hag ñimidöp. Pen niñbi bi gau kalip nan niñhön niñhön ga u, u rö nöp gö kamiñ la.^j ³⁶Jisas niña, niñbi bi anib gau kaj sipsip gau bi abad midep kale ap midagöp rö u mideila. Gasi kub niñöm uñham mideila u pen kalip bi gi ñeb ap midageia. Anib u niñöm, Jisas nipe mög yabiñ niñöm,^k ³⁷bi nipe gau kalip haga, “Nan magö iru yabiñ nöp wög naböñ au po gi midöp u pen niñbi bi ral dauep iru midagpal.^l ³⁸Anib u, kale bi wög naböñ nap niñbö u nip hag niñbe, bi ral dauep rimnap yuö, ral dap nip lau adö dauöl,” a ga.

Jisas manö ud arep bi nipe unbö miñan la?

(Mak 3:13-19; Luk 6:12-16)

10 ¹Jisas bi nipe unbö miñan lañ u wiñ alö aueila haga, “Yad ke kalöp hagabin u me, kijaki aiön pi nan gau hag yuniñ, hag

^f 9:27 Mad 20:29-34 ^g 9:30 Mad 8:4 ^h 9:33 Mak 2:12 ⁱ 9:34 Mad 12:24; Mak 3:22; Luk 11:15 ^j 9:35 Mad 4:23; Mak 1:39 ^k 9:36 Mad 14:14; Nab 27:17; 1Ki 22:17; Sek 10:2; Mak 6:34 ^l 9:37 Luk 10:2

yunabim. Nibi bi nan nihön nihön ginab gau u rö nöp gipe, kamiñ linab,” a ga.^m

²Bi Jisas manö ud arep unbö migan lañ Jisas hag yua bi gau, hib kale gau me, bi ap Saimon, hib nipe ap Pida a gimidal; bi ap Edru, Pida nimam nipe u; bi ap Jems, Sebedi ñi nipe; bi ap Jon, Jems nimam nipe; ³bi ap Pilip; ap Badolomyu; ap Domas; ap Madyu, nipe dakis udmidöp; bi ap Jems, Alpias ñi nipe; bi ap Dadas; ⁴bi ap Saimon, hib nipe ap Selod a gimidal; bi ap Judas Iskariod, nipe me hainö Jisas nip mumug niña.

Jisas manö ud arep bi nipe unbö migan lañ kalip hag ke ke yua
(*Mak 6:7-13; Luk 9:1-6*)

⁵Jisas bi nipe anib gau kalip manö aij wög u göl a göm, hag ke ke yuöl gi haga, “Kale Juda nibi bi wasö añ gau abe, Sameria kai midpal añ gau abe, aragmim. ⁶Pen kale am nibi bi hon Isrel, nibi bi kale God nip gasi niñagpal gau, kalip hag ñöl gi hagamim,ⁿ ⁷“God nibi bi udöm abad mideinab ñin u, hadö söl auöp,” a gimim.^o ⁸Nibi bi nan ginim gau gipe, kamiñ linim. Nibi bi böñ nöp umöl gau gipe, kauyañ uraköl. Nibi bi wös hapeb linim gau gipe, kamiñ linim. Nibi bi kijaki aiön pi abañ alnim gau hag höñ yube arañ. Bapi hol apil kalöp pör yiñariñ wög gipul rö, kale u rö nöp nibi bi anib gau kalip yiñariñ wög gi ñimim. ⁹Mani gol, mani silpa, mani añ rimnap ud aragmim.^p ¹⁰Wadi, wañj rimnap halö, ma rirup, wañab adiñ, nan gau ud aragmim. Pen nihön: nibi bi wög gi ñinaböl gau pen nan ñilö ñiñaböl.^q

¹¹“Pen daun ap aka ram riñig aglö ap amjakpe, nibi bi kalöp hag wiñai udöl rö rimnap niñmim, kalip aip nöp midmim, ram minöñ ke ap gau arniñ ginabim ñin u nöp, kalip arö gimim armim. ¹²⁻¹⁴Pen ram ap ammim, “Kale midpim!” a gipe, “Yau, midpun; aij aubim,” a gaiöl, ram raul migan anibu armim. Pen kalöp manö yad hag ñimim hag wiñai ud niñagaiöl u, arik arniñ, acip acip ma kid kale ciğ udöm midainim u, ab hiñ gi yumim armim.^r ¹⁵Yad kalöp niñö yabiñ hagabin: manö kub hagep ñin u, Sodom Gomora nibi bi ilön pro pro udnaböl; nibi bi kalöp udagnaböl anib gau, ilön kub yabiñ udnaböl.^s

Marö iru nöp aunab
(*Mak 13:9-13; Luk 21:12-17*)

¹⁶“Pen niñim! Yad kalöp kaj sipsip rö u, nibi bi kain hauñ rö midpal añ gau yuabin. Anib u, gasi niñ aij göl gi, agamiñ kalip hag ñöl gi midaimim.^t

^m 10:1 Mak 6:7; Luk 9:1 ⁿ 10:6 Jer 50:6 ^o 10:7 Mad 3:2; 4:17; Luk 10:9,11

^p 10:9 Luk 10:4 ^q 10:10 Luk 10:7; 1Ko 9:14 ^r 10:10-14 Luk 10:5-6; Ap 13:51

^s 10:15 Mad 11:24; Jud 7 ^t 10:16 Luk 10:3; Ro 16:19

17“Pen nibi bi rimnap kalöp ud sisi löm, dam Juda magum gep ram gau arlö, kansol kale gau ap manö kub hagöm, kalöp paknaböl. Anib u, niñ aij gimim.” 18Kalöp bi yad a göm, ñip gi dam gapman bi kub aka kiñ mideinaböl au ud arlö, kale manö aij yad u, bi kub gau abe, Juda nibi bi wasö ram minöñ milö kub gau nibö gau abe, kalip hag ñinabim. 19-20Kalöp manö kub hagnaböl anibu, manö nihön hagun aka manö aige gun hagun a gimim piñiñ gimim, gasi iru niñagmim. Hagpe niñöl gi, Nap God Ana nipe kale aip midöp u, gasi aij ñeinab, manö kale adö u ke hagagnabim; Nap God Ana nipe kalöp hagnab rö nöp hagnabim.”

21“Ñin anibu, nimam gau uraköm, nimam kale ke gau al paklañ a göm, bi kub gau kalip mumug ginaböl. Nap gau uraköm, ñi pai kale ke gau al paklañ a göm, bi kub gau kalip mumug ginaböl. Ñi pai gau uraköm, nime nap kale ke gau jöl ñöm u rö nöp ginaböl.” 22Yip lau adö mideinabim rö, nibi bi gau magöñhalö kalöp niñlö, mulu kal alnab. Pen nibi bi an klö göm, yip pig nöp mideinaböl gau, ñin hain u auö, God kalip udnab. 23Pen miñan ap arbe, kalöp gi naij gaiöl u, piñiñ gi miñan ap armim. Yad kalöp niñö hagabin, Isrel daun gau nibi bi gau kalip hag ñibe aragnab adö, yad Bi Ñi nipe aunabin.

24-25“Ñi pai skul hagpal gau kub midlö, hag ñeb bi kale gau pro midagpal. Pen hag ñeb bi midöp rö midaiun a göm me, skul hagpal. Nibi bi wög gi ñibal gau kub midlö, nibi bi kalip abad midpal gau pro midagpal. Wög gipal u, nibi bi kub midpal rö midaiun a göm, wög gipal. Anib u rö, nibi bi yad gau, yad midpin rö midaiun a göm, gipal. Pen nibi bi gau yip hag juöm, Seden hib nipe ap löm yip Bielsebul a gipal rö, kalöp bi wög gi ñeb yad u rö nöp hag juöm manö naij hagnaböl me.”^x

God nip nöp piñiñ gep

(Luk 12:2-7)

26“Nibi bi gau kalip niñmim piñiñ gagmim. Manö nihön miñi hari göl midöp u, hainö waiö mideinab. Nan nihön agamij gipal gau, hainö waiö niñnaböl.”^y 27Manö yad kalöp pi gem hagnabin u, kale am kalip waiö hag ñimim. Manö yad kalöp rimid it hagnabin u, ram adö lañ ammim, manö kub hag ñibe niñöl.

28“Kale nibi bi al pak libal bi gau niñmim piñiñ gagmim. Kale yihariñ hañ bad u nöp al pak linaböl; ana u halö gi naij göl rö lagöp. Piñiñ ginig me, Bi Kub nibi bi hañ romañ abe ana abe miñan mab ke inab yañ yunab u nip piñiñ gimim.”^z 29Yaur pro gau, nan yihariñ. Mani añ magö añi nöp yuöm, mihöp udpal. Nan yihariñ u pen, God kalip niñ midöp rö,

^u 10:17-20 Mak 13:9-11; Luk 12:11-12; 21:12-15 ^v 10:19-20 Jon 14:26 ^w 10:21 Mai 7:6; Mad 10:35; Mak 13:12; Luk 21:16 ^x 10:24-25 Mad 9:34; 12:24; Mak 3:22; Luk 6:40; 11:15; Jon 13:16; 15:20 ^y 10:26 Mak 4:22; Luk 8:17 ^z 10:28 Jem 4:12

ap yihariŋ luŋ pakagnab. ³⁰Umago kalöp u, God magöŋhalö wö ralöp. ³¹Anib u, piñiŋ gaggimim. Yaur gau nan pro yabiŋ; kale pen nan yabiŋ midpim.^a

Yad Jisas bi nipe a gimim waiö haggimim

(Luk 12:8-9)

³²“Nibi bi an yip lau adö midöm, nibi bi gau kalip waiö hag ñinaböl gau, yad pen Bapi yad kumi kabö adö laŋ midöp u nip, yip lau adö midpal, a gem, waiö hagnabin. ³³Pen nibi bi an, yip cig aij gagöm, nibi bi aip mideinaböl aŋ au hagnaböl, bi anibu yad niŋagpin, a ginaböl u, yad pen Bapi yad kumi kabö adö laŋ u nip, nibi bi gai i yad niŋagpin, a ginabin.^b

Pen pen ginaböl

(Luk 12:51-53; 14:26-27)

³⁴“Yad minöŋ naböŋ iŋ i aunö u, ‘Jisas nipe minöŋ naböŋ iŋ i aua rö, agamij mid aij ginabun,’ a gimim, gasi u niŋaggimim. Yad aunö u me, nibi bi gau manö kub haggöm, pen pen ginaböl. ³⁵Anig ginab: ñi gau uraköm, nap aip pen pen ginaböl. Pai gau uraköm, nime aip pen pen ginaböl. Ñi nibin gau uraköm, nipis aip pen pen ginaböl.^c ³⁶Anig ginaböl anibu, ram kale añi midpal u, kale ke nöp pen pen ginaböl.

³⁷“Nibi bi an, nime nap aka ñi pai gau nöp midmagö löm, yip midmagö lagnaböl u, nibi bi yad midöl rö lagnab. ³⁸Nibi bi an yip piŋ midniŋ gaböl, pen gasi ap niŋöm hagnaböl, ‘Nibi bi rimnap hanip gi naij göl rö löp,’ a göm, yip arö ginaböl u, nibi bi yad midöl rö lagnab. ³⁹Nibi bi an, yad ke nöp midem, mid aij ginam a ginab u, mab ke inab yaŋ u arnab. Nibi bi an pen hagnab, yad Jisas lau adö midnö, yip al pak linig al pak löl a ginab u, kamiŋ pör pör midep u udnab.^d

God kalip pen u rö nöp abad mideinab

(Mak 9:41)

⁴⁰“Kale arbe, nibi bi rimnap kalöp hag wiŋhai udaiöl u, yip abe hag wiŋhai udnaböl. Pen yip hag wiŋhai udnaböl rö, Bi yip hag yuö aunö u nip abe hag wiŋhai udnaböl.^e ⁴¹Nibi bi an, God manö hagep bi ap niŋöm hagnab, ‘Bi auöp i, God wög göp u me, nip udnabin,’ a göm, udnab u, aij yabiŋ ginab. God manö hagep bi anibu ud aij ginab rö, hainö God nip u rö nöp ud aij ginab. Nibi bi an, God nibi bi kamiŋ aij nipe ap niŋöm hagnab, ‘Bi auöp i, God bi kamiŋ aij nipe u me, nip udnabin,’ a göm udnab u, aij

^a 10:31 Mad 6:26 ^b 10:33 Mak 8:38; Luk 9:26; 2Di 2:12 ^c 10:35 Mai 7:6

^d 10:38-39 Mad 16:24-25; Mak 8:34-35; Luk 9:23-24; 17:33; Jon 12:25 ^e 10:40 Mak 9:37; Luk 10:16; Jon 13:20

yabił ginab. God nibi bi kamiŋ aij nipe u ud aij ginab rö, hainö God nip u rö nöp ud aij ginab. ⁴²Pen nibi bi an, bi yiħariŋ yad ap niŋöm, Jisas bi nipe u a göm, ñig mil dap ñinab u, God niŋö, aij gö, pen hauł gagnab,” a ga.

Jon bi nipe rimnap hag yuö, Jisas nip niŋnig arla
(Luk 7:18-35)

11 ¹Jisas bi nipe unbö migan laŋ gau kalip anig göl anig göl gimim a göm hag ñi aij göm, ram minöŋ anibu arö göm, daun yöp söl anib gau amöm, nibi bi gau kalip manö hag ña.

²Pen Jon bi ñig pak ñeb u nagi midöm, Kraiss nihön nihön ga manö u niŋöm, bi nipe rimnap hag yuö, Kraiss mideia au amjaköm, ³nip hag niŋöm hagla, “Hanip hag ñimön, ne bi ‘Kraiss’ a gun pör abad midpun u nöp auban, aka hon bi hain nibö anibu ke abad midaiun?” ö gila.

⁴Hageila, Jisas kalip haga, “Kale Jon midöp au ammim hagemim, ‘Hon amun amgö hon ke niŋun, rimid hon ke niŋbun, ⁵bi anibu nibi bi amgö we göp gau gajip amgö niŋbal. Nibi bi ma naij göp gau gajip adan aj aij gipal. Nibi bi wös hapeb löp gau gajip miłep göp. Nibi bi rimid migan pił göp gau gajip gasi wakö niŋbal. Nibi bi umbal gau gajip kauyaŋ urakpal. Nibi bi mög gep rö gau, u rö nöp Kraiss manö aij u hagö niŋbal,’ a gimim.^f ⁶Pen manö ap hagemim, ‘Nibi bi yip niŋ udöm, gasi ap ap niŋagnaböl gau, miñ miñ yabił ginaböl,’ a gimim,” a ga.

⁷Anig hagö, Jon bi nipe gau arlö niŋöl gi, Jisas nibi bi ap mideila gau kalip Jon manö adö u hagöm haga, “Kale nöd ram minöŋ kabö nöp midöp aŋ gau arbe ñin u, nihön niŋnig arbeŋ Hod miłö aŋi ap yigön ud daŋ i göp ap niŋnig arbe? ⁸Aka nihön niŋnig arbeŋ Bi wałij aij aij nöp libal bi ap niŋnig arbeŋ Bi wałij aij aij udun a göm niŋbal gau, bi kub ram kłiñ aij gau hanbal. Kale Jon midmidöp ram minöŋ nöp aŋ au han midagmidal. ⁹Pen nan nihön niŋnig arbeŋ Yiħariŋ aragpe. Jon bi God manö hagep, bi anibu niŋnig arbe. Bi God manö hagep aunab a gimim abad midmidim me, bi anibu me u. Pen Jon nipe God manö hagep bi nöp wasö. ¹⁰Jon nip gasi niŋöm, hadame nöp God nipe Ñi nipe nip manö haga manö anibu, God Manö yaŋ kali kłiñ riköm hagla,

‘Bi manö hagep yad u,

hag yunö nöd amöm,

nibi bi gau hag ñi aij gö,

hainö ne ke arnabön,’ a göm kali kłiñ rikla.^g

¹¹Kalöp hagabin, nibi bi minöŋ naböŋ ił i midpal gau, aŋi ap Jon rö wasö. Pen God nibi bi yiħariŋ yabił dam kumi kabö adö laŋ au abad mideinab gau, kale Jon rö midageinaböl; God nipe nibi bi yiħariŋ yabił

^f 11:5 Ais 35:5-6; 61:1 ^g 11:10 Mal 3:1; Luk 1:76

gau ud aij yabił gö, nibi bi aij nipe yabił mideinaböl. ¹²Jon bi ñig pak ñeb bi apöm manö aij hag ña ñin u riköm, nibi bi gau, God hanip udöm kumi kabö adö laɲ au abad midainim a göm, manö anibu kłö yabił gi dam dam, miñi u rö nöp kłö yabił gipal.

¹³“Bi God manö hagep manö kali kliñ rikla gau abe, Mosis God lo manö kali kliñ rika u abe, ił u me, God Mesaia u nip yuö, nipe nibi bi gau kalip udöm abad mideinab. Manö anibu nöp hag daulö daulö me, Jon aua.^h ¹⁴Pen manö hagnig gabin u udnabim aka niɲagpin. God Jon nip hagö, apöm nibi bi gau kalip manö hag ña u, God Manö kali kliñ riköm, ginab a gila rö nöp ga. Kali kliñ riköm hagla, bi God manö hagep Ilaija rö bi ap aunab, a gila.ⁱ ¹⁵Kale nibi bi gasi rimid midainim gau, manö hagabin i rimid li niɲ aij gimim.

¹⁶“Nibi bi miñi ñin i midpal gau yad niɲbin, kale ñi painaɲ rimnap maker au asiköm, ñi painaɲ rimnap meg migana dap ranöm kalip hagpal rö u midpal. ¹⁷Kale hagpal,

‘Hon aɲiɲ pu gino,

kale niñön ginig kugom ralongpim?

Kimap miłöɲ gep rö ap hagno,

kale niñön ginig miłöɲ gagpim?’ ö gipal.

¹⁸Anib u rö, God Jon nip yuö apöm, ñin rimnap nan magö niɲagöm, ñig wain niɲagöm gö, hagla, ‘Bi anibi nip nan niñön abaɲ alö anig göp?’ ö gila. ¹⁹Bi Ñi nipe pen auö hagpal, ‘Bi nan kub niñöm, ñig wain niñöm, bi dakis udpal gau aip ajöm, bi nan naij gipal gau aip ajöm göp,’ a gipal. Pen nibi bi God Manö u niɲ udöm, gi aij göm, mid aij ginaböl u, nibi bi gau niñöm hagnaböl, God Manö u manö aij yabił, a ginaböl,” a ga.^j

Manö kub udnaböl

(Luk 10:13-15)

²⁰⁻²¹Jisas daun kub nöđ gi ajöm, nan gagep iru nöp gö, nibi bi gau niɲla u pen kale, niñön ginig nan si nan naij gipun a göm, nan si nan naij gimidal u arö göm, Jisas nip niɲ udagla. Anig gilö, Jisas kalip hag göm haga, “Korasin daun nibi bi gau! Bedsaida daun nibi bi gau! Nan gagep gau ginö, niɲbe. Pen nan si nan naij gipim u arö gimim, yip niɲ udagpim. Anig gipim u, kale manö kub yabił udnabim. Daun kub Daia Juda nibi bi wasö gau, daun kub Saidon Juda nibi bi wasö gau, nan gagep anib gau kalip u rö nöp gaibnep, kale nan si nan naij gimidal gau arö göm, wadi asöl rö rimnap yimöm, run he löl gi löl gi midaiblap.^k ²²Anib u, manö kub hagep ñin u, Daia nibi bi abe, Saidon nibi bi abe, manö pro rö udnaböl; pen kale Korasin nibi bi abe, Bedsaida nibi bi abe, manö kub yabił udnabim.

^h 11:12-13 Luk 16:16 ⁱ 11:14 Mal 4:5; Mad 17:10-13; Mak 9:11-13 ^j 11:19 Mad 9:14

^k 11:20-22 Ais 23; Esi 26:1-28:26; Joe 3:4-8; Emo 1:9-10; Sek 9:2-4

23 “Kapaneam nibi bi gau. Ñin anibu kale kumi kabö adö laŋ au aragnabim; böŋ nöp mab ke inab ulöm migau yaŋ u arnabim. Nan gagep kale aŋ au ginö u, daun kub Sodom gaibnep, kale nan si nan naj gimidal gau arö göm, uri kamiŋ midaiblap.¹ 24 Adö anibu yad kalöp niŋö hagabin, manö kub hagep ñin u, Sodom nibi bi gau manö pro rö udnaböl; kale Kapaneam nibi bi manö kub yabił udnabim,” a ga.^m

Yip aumim ake limim

(Luk 10:21-22)

25-26 Ñin anibu Jisas Nap nip haga, “Bapi, yad hib ne hagnö adö laŋ araŋ. Ne Bi Kub, kumi kabö adö laŋ abe, minöŋ naböŋ ił i abe abad midpan u, gasi ne ke niŋö aij göp rö, nibi bi gasi kid hiik niŋun niŋbun a gipal gau, kalip manö yad hagabin ił u hag ñagpan; pen nibi bi ñi paiŋaŋ rö midpal gau kalip gasi aij ñimön, manö yad hagabin ił u hag waiö liban u, nöp aij a gabin,” a ga.ⁿ

27 Jisas aniŋ hagöm haga, “Bapi klö nipe midöp rö, yip ñöb. Nibi bi rimnap yip niŋ aij gagpal; Bapi nöp yip niŋöb. Yad nöp Bapi nip niŋ aij gipin. Pen nibi bi gasi aij ñinam a gem niŋbin gau, kalip gasi aij ñinö, Bapi nip niŋnaböl,” a ga.^o

28 Jisas aniŋ hagöm haga, “Kale nibi bi nan wañib kub iru maru pör ud ajmim gasi iru niŋmim midpim gau, yad aumim niŋöm nan wañib kub iru maru ud ajabim gau yad ke udnö ake linabim.^p 29 Yad bi hain aij agamij midpin; kal gagnabin; anib u, yip aumim, wög yad gi ñimim, hibur gasi midmagö kalöp aŋ daŋ ake limim. 30 Kale yip aumim wög yad geinabim u, ud marö ap gagnab; piła ginab.^q

God nip sabe gep ñin u, wid magö rik ñiŋla

(Mak 2:23-28; Luk 6:1-5)

12 1 Juda God nip sabe gep ñin u, Jisas bi nipe gau aip wid wög aŋ au amöl gi, bi nipe gau kiyö lö, wid magö anib gau rimnap udöm, hañ pak yuöm, ñiŋöl gi ñiŋöl gi areila.^r 2 Aniŋ geila, bi Perisi gau niŋöm, Jisas nip hagla, “Lo manö hon hagab, nibi bi God nip sabe gep ñin u wög gagnaböl. Pen bi ne gau nihön ginig God nip sabe gep ñin wög gagep i, wid magö hañ pak yuaböl?” ö giła.^s

3-4 Hageila, Jisas kalip haga, “Depid hadame nöp bi nipe gau aip kiyö lö, God sabe gep ram u amjaköm, bred God amgö ilö adö au löm, bi yihariŋ ñiŋagpal, bi God nip nan sabe gipal gau nöp ñiŋbal bred

¹ 11:23 Ais 14:13-15; Jen 19:24-28 ^m 11:24 Mad 10:15; Luk 10:12 ⁿ 11:25-26 1Ko 1:26-29
^o 11:27 Mad 28:18; Jon 3:35; 17:2; Plp 2:9; Jon 1:18; 10:15 ^p 11:28 Jer 31:25 ^q 11:30 1Jn 5:3
^r 12:1 Dud 23:25 ^s 12:2 Eks 20:10

u, kalip hag niñö nip ñilö, bi nipe gau aip ñiñla. Pen kiyö lö gila aiud anibu, God Manö yañ kali kñiñ rikla u kale niñagpim ar?^t

⁵“Kale Mosis God Manö kali kñiñ rika u niñagpim rö löp. Nipe kali kñiñ riköm haga, ‘Bi God nip nan sabe gep bi gau, God nip sabe gep ñin u, God sabe gep ram raul u am midöm, wög gipal. Pen God kalip manö kub hagagnab,’ a ga.” ⁶Pen yad kalöp hagabin, God sabe gep ram anibu nan kub wasö; yad ke pen Bi kub yabiñ midpin.” ⁷Pen manö ap God Manö kali kñiñ rikla u, niñ aij gagpim akan Manö anibu kali kñiñ riköm hagla, ‘Ñibi bi yip nan pak sabe gi ñinaböl u, yip aij gagnab; ñibi bi gau kalip mög niñaböl u, yip aij ginab,’ a gila. Manö anibu niñmim gagpim u me, bi yad gau gi aij gilö niñöl gi, kalip ud siñk hagpe.” ⁸“God nip sabe gep ñin! God nip sabe gep ñin!” a gipim u pen Bi Ñi nipe nöp God nip sabe gep ñin u abad midöp a gimim gasi u niñagpim.

Jisas bi ñimagö pino ga u gö, kamiñ la
(Mak 3:1-6; Luk 6:6-11)

⁹Jisas ram minöñ anibu arö göm, ram minöñ ap aramöm, Juda magum gep ram raul miñan u ara. ¹⁰Pen ram raul miñan anibu bi ñimagö pino ga ap mideia. Nibi bi ap mideila gau, Jisas manö rimnap hagö nip dam manö kub hagun a göm, nip manö pir alöm hagla, “God nip sabe gep ñin i, ñibi bi kamiñ lep aka wasö?” gila.^x

¹¹Hageila, Jisas kalip haga, “Kaj sipsip kale ap God nip sabe gep ñin i ulöm miñan areinab u, ud yunabim aka wasöñ Ud yunabim rö löp. ¹²Pen kaj sipsip u nan yihariñ. Nibi bi u nan yabiñ. God nip sabe gep ñin i kamiñ lañ a gun ginabun u, manö midagöp, ginabun,” a ga.^y

¹³Jisas anig hagöm, bi ñimagö pino ga u nip haga, “Ñin milöbö li!” a ga. Anig hagö, ñimagö milöbö labin a ga. Anig ga niñöm ñimagö pino ga u böñ nöp kamiñ löm, ñimagö böñ lau aij mideia u rö la.

¹⁴Anig gö niñöm, bi Perisi gau am magum göm, nip anig anig gun al pak lun, a göm, manö hag niñ hag niñ gila.^z

Jisas nipe God bi wög gi ñeb nipe

¹⁵Anig geila, Jisas niñöm, ram minöñ anibu arö göm, miñan ap arnig göm ara. Arö niñöl gi, ñibi bi iru nöp nip hain gila. Anig geila, ñibi bi nan ga gau, nipe gö magöñhalö kamiñ lö niñöl gi, ¹⁶kalip haga, “Bi u anig anig göp a gimim, hagagmim!” a ga.^a

¹⁷Jisas ga anibu, bi God manö hagep Aisaia ginab a ga rö nöp ga. Nipe kali kñiñ riköm haga,

^t 12:3-4 Lep 24:5-9; 1Sa 21:1-6 ^u 12:5 Nab 28:9-10 ^v 12:6 Mad 12:41-42

^w 12:7 Hos 6:6; Mad 9:13 ^x 12:10 Luk 14:3 ^y 12:11-12 Luk 14:5 ^z 12:14 Jon 5:16

^a 12:16 Mad 8:4; Mak 3:12

- 18 “Bi yad böŋ nöp hag libin i, wög yad gi ñab.
 Bi yad niŋnö, yip aij yabił göp me u.
 Yad nipe midmagö libin.
 Ana yad u nip ał ba gö,
 nibi bi kale aigöl göm asi mid aij gınaböl manö yad u,
 nibi bi gau magöŋhalö hag ñinab.
- 19 Pen nipe nibi bi gau niŋö mulu lugö,
 manö pen pen hagagnab.
 Nibi bi midpal gau, yip nöp niŋöl a göm,
 meg magö dap ranöm hagagnab.
- 20 Nibi bi niŋagpal gau
 kalip agamij hag aij ginab.
 Lam hoŋ ginig gö, kałasin rim lilö inmidöp rö u kalip hagnab.
 Nipe anig göl gi damöm me,
 God hagöp rö böŋ u apranö,
 nan si nan naij gep böŋ u böŋ nöp ap lugnab.
- 21 Nibi bi ram minöŋ gau nibö gau u rö nöp,
 nöp gasi halö abad mideinaböl,” a ga.^b

Jisas nipe Bielsebul kłö udöm nan gagep gab, a gila
(Mak 3:20-30; Luk 11:14-23; 12:10)

22 Bi kijaki abaŋ alö, amgö we göm, maj hañ pił göm ga bi ap dam Jisas mideia au daueila. Jisas kijaki u hag höŋ yuö, amgö yabił niŋöm, manö hagöm ga. 23 Nibi bi mideila gau, Jisas ga anibu niŋöm, aiö göm hagla, “Bi anibi bac Depid Ni nipe pör abad midpun u rö löp,” a gila.

24 Pen bi Perisi gau manö anibu niŋöm, gasi kale gau nöp niŋöm hagla, “Bi anibu God kłö nipe udöm hag höŋ yuagöp; nipe kijaki aiön pi nan gau, nap kale Bielsebul kłö udöm hag yuöp,” a gi gasi niŋla.^c

25-26 Pen gasi niŋla anibu, Jisas ke niŋöm, kalip haga, “Seden uraköm, nibi bi nipe rimnap hag yunab u, aige göm bi kub mideinabŋ Ram minöŋ ap, kale ke pen pen hagöm asik ke ke linaböl u, ap lug paknaböl. Ram minöŋ kub ap aka nibi bi ił añi ap, kale ke pen pen hagöm asik ke ke linaböl u, ap lug paknaböl. Kale anibu rö hagabim u pen Seden nipe yam nipe ke gau kalip hag yuagnab.

27 “Yip hagdipim, ‘Kijaki aiön pi nan gau nap kale Bielsebul kłö u udmön hag höŋ yuban,’ a gipim u pen kale yip hagpe niŋin: bi kale ke gau Bielsebul kłö u udöm kijaki aiön pi nan gau hag höŋ yubal aka nihön? Kale ke hagnaböl, ‘Nibi bi ap anig göl rö lagöp,’ a gınaböl.

^b 12:18-21 Mad 3:17; Ais 42:1-4 ^c 12:24 Mad 9:34; 10:25

28 “Pen God Ana klö u udem, kijaki aiön pi nan gau hag hörj yuabin u, nihön ginig God bi nipe nibi bi udöm abad mideinab ñin u hadö auöp i a gimim yip udagpim?^d

29 “Bi klö yabił ap midö, nan nip gau udnig, yihariñ aragnaböl. Nip böñ nöp nagi adik löm me, amöm nan nip gau udnaböl.

30 “Nibi bi yad pig midpal gau, nibi bi gau kalip yad daunaböl. Pen nibi bi yad wasö gau, nibi bi yad aunig gaböl gau kalip ridik gi yunaböl.^e 31 Anib u, kale niñ aij gimim. Nibi bi gau nan si nan naj nihön nihön geinaböl u, God niñöm arö ginab. Nibi bi God nip manö rib junaböl u, u rö nöp God niñöm arö ginab. Pen God Ana nip manö rib junaböl u, God niñöm arö gagnab.^f 32 Bi Ñi nipe u nip manö naj hageinaböl u, God niñöm arö ginab. Pen Ana Uł nip manö naj hageinaböl u, ñin i abe, ñin hain u abe, God nipe niñ nöp midöm arö gagnab.

Manö ke hagpim adö u kalöp manö kub hagnab

(Luk 6:43-45)

33 “Kale yip nihön ginig hagpim, ‘Seden abañ alö, wög aij u göp,’ a gipimñ Mab aij gau magö aij pilnab; mab naj gau magö naj pilnab. Mab magö pilnab magö anibu niñöm me, mab u aij mab u naj a ginaböl.^g

34 Kale haiño ñi pai yag daubal gau me anig hagabim. Kale nibi bi naj anibu rö, aige gimim manö aij hagnabimñ Nibi bi manö hagpal rö niñnabun me, hibur gasi midmagö kalip añ dañ nihön rö midöp u niñnabun.^h 35 Nibi bi aij gau, hibur gasi midmagö añ kale dañ nan aij midöp niñöm gi aij gipal; nibi bi naj gau, hibur gasi midmagö añ kale dañ nan naj midöp niñöm gi naj gipal. 36 Niñ aij gimim. Hainö manö kub hagep ñin u, God nibi bi gau kalip magöñhalö, manö hałöwałö hagöm nibi bi rimnap gi naj gila u, nihön ginig anig hagpe a göm, kalip hag ginab. 37 Anib u me, kale ke manö hagnabim u nöp God niñöm hagnab niñöm, kamiñ arnabim aka ilön udnabim,” a ga.

Nan gagep rö gö niñun, a gila

(Mak 8:11-12; Luk 11:29-32)

38 God lo manö hag ñeb bi rimnap abe, bi Perisi rimnap abe, apöm Jisas nip hagla, “Manö hag ñeb bi! Nan gagep rö ap gö, hon niñun me, ne God nöp hag yuöp auban a ginabun,” a gila.ⁱ

39 Hageila, Jisas haga, “Kale nibi bi nan si nan naj nöp gimim, God manö haga u niñagpim. Nan gagep rö ap gö niñun a gipim u, pen kalöp nan ap ginö niñagnabim. Bi God manö hagep Jona nip ga adö u nöp yip u rö nöp

^d 12:28 Ap 10:38; 1Jn 3:8 ^e 12:30 Mak 9:40; Luk 9:50 ^f 12:31 Hib 6:4-6

^g 12:33 Mad 7:16-20 ^h 12:34 Mad 3:7; 15:18; Luk 3:7; 6:45 ⁱ 12:38 Mad 16:1; Luk 11:16; Jon 6:30

gö, niñnabim.^j 40 Hadame nöp kabsaŋ kub u Jona nip pa bo yuö, hibur aŋ yaŋ ñin miñhau nigaŋ midöm, ado gi aua. Anib u rö, yad, Bi Ñi nipe, u rö nöp ñin miñhau nigaŋ minöŋ aŋ gau midem, ado gi aunabin.^k 41 Hadame nöp Jona amöm, daun kub Ninepa nibi bi kalip hagö, nan si nan naj gila gau yiñid arö göm, God nip niñ udla. Jona bi yihariñ u hagö niñla; kale pen Bi Kub yabiñ miñi midöp i, manö hagöp u udagpim. Anib u, hainö manö kub hagep ñin u, Ninepa bi kale uraköm kalöp manö kub haglö, kale manö kub udnabim.^l

42 “Ñibi kwini kub, ram minöŋ Siba nibö u, hadame nöp ga rö u niñbim. Ram minöŋ nipe milö gau nibö u pen, Juda kiñ kub Solomon gasi kid hiik niñeb bi u manö nip niñniñ aua. Solomon bi yihariñ u nip anig ga; pen niñöŋ ginig Bi Kub miñi midöp i manö hagöp u niñagpimñ Hainö manö kub hagep ñin u, Siba kwini uraköm kalöp manö kub hagö, kale manö kub udnabim.^m

Kijaki aiön pi nan gau kauyaŋ ado gi aunim rö löp, a ga
(Luk 11:24-26)

43 “Seden yam nipe kijaki nan gau ap nibi bi abaŋ al midöm, höŋ amöm, nibi bi rimnap abaŋ alin, a göm, niñ aj wasö niñöm, 44 ado gi apöm niñnab, bi nöd arik arnab kuö u aij aij nöp mideinab. 45 Nipe niñöm, kijaki naj nipe rö wasö, kijaki naj yabiñ, unbö mudun jñŋ u uŋ gi dapöm, bi anibu nip yuö hiiknaböl. Anig gö, nöd mid naj ga rö wasö; hainö mid naj yabiñ ginab. Kale nibi bi uri midpim kale nan si nan naj nöd gi midmidim rö wasö, hainö nan si nan naj yabiñ ginabim,” a ga.ⁿ

Jisas nime nimam bi
(Mak 3:31-35; Luk 8:19-21)

46 Jisas nibi bi gau kalip manö hagö niñöl gi, nime nimam nipe yabiñ gau höŋ yaŋ apöm hagla, “Hon Jisas nip manö hagnig aubun,” a gila. 47 Hageila, bi ap ram raul miñan amöm, Jisas nip haga, “Name namam ne gau, nöp manö hagnig ap midpal höŋ yaŋ,” a ga.

48-49 Hageia, nibi bi nipe aip ram raul miñan yaŋ mideila gau kalip niñ gigabö göm haga, “Niñö hagpan u pen, nibi bi ram raul miñan midpal gai i, kale ami yad, mam yad midpal. 50 Nibi bi Bapi yad kumi kabö adö laŋ manö hagöp rö niñöm anig unbö rö nöp giñal gau, ami yad, añ yad, mam yad gau nöp midpal,” a ga.^o

Jisas, God manö u niñ aij gilaŋ, a göm, manö hod riköm haga
(Mak 4:1-9; Luk 8:4-8)

13 1 Ñin añi anibu nöp, Jisas ram arö göm am Ñiñ Wanjö Galili goŋ au asikö, 2-3 nibi bi iru yabiñ nöp apöm nip big gigabö geila. Anig

^j 12:39 Mad 16:4; Mak 8:12 ^k 12:40 Jo 1:17 ^l 12:41 Jo 3:5 ^m 12:42 1Ki 10:1-10
ⁿ 12:45 2Pi 2:20 ^o 12:50 Ro 8:29

geilla niñöm nipe am ñig magib adö u asiköm, amöm ñig aŋ au daŋ midö niñöl gi, nibi bi ñig wañö goł au urak mideila.

Jisas nibi bi gau kalip manö hod riköm manö iru nöp hag ña. Hag ñöl gi haga, “Bi ap wid ranaŋ a göm, wid magö u dam wög naböŋ gau yueinab.^p ⁴Yiŋ yuö, rimnap adan adö au lugö, yaur gau apöm ñiŋnaböl. ⁵Rimnap kabö adö minöŋ pro pro mideinab au lugöm, yiŋid marep ginab ⁶pen kidil am pidöŋ gagnab rö, sidö niñöm miłep ginab. ⁷Pen rimnap nagi kali kali halö aŋ gau lugöm rannab pen nagi anibu hau göm pak ñiñö, miłep ginab. ⁸Pen rimnap minöŋ aij adö au lugöm, ran aij yabił göm, magö iru yabił nöp pilnab. Rimnap ñin juöl mamid u (100) rö pilnab; rimnap ñin juöl miħau niŋaŋ (60) rö pilnab; rimnap ñin juöl aŋi ap ado gi da unbö wajtem laŋ (30) rö pilnab. ⁹Kale nibi bi gasi rimid midainim gau, manö hagabin i rimid li niŋ aij gimim,” a ga.

Jisas niñön ginig manö hod riköm hagmidöp
(Mak 4:10-12; Luk 8:9-10)

¹⁰Jisas aniŋ hagö, bi nipe gau apöm, niŋ hag niñöm hagla, “Nibi bi gau kalip niñön ginig manö hod riköm nöp hagpan?” ö gila.

¹¹Hageila haga, “God nibi bi nipe udöm abad mideinab manö pi göl midmidöp u, kalöp gasi ñö niñnabim; pen nibi bi yihariŋ gau niñagnaböl. ¹²Nibi bi manö yiŋ niñöm udpal gau, manö rimnap halö niñöm, il u niŋ aij ginaböl; pen nibi bi manö yiŋ niñöm udagpal gau, manö pro niñbal u böŋ nöp ur ginab.” ¹³Kalip manö hod rikem hagpin u, kale amgö halö, gasi rimid halö u pen, hagöp me u a göm, niñagpal.

¹⁴“Giŋal anibu, bi God manö hagep Aisaia nöd ginab a göm kali kliñ rika rö nöp giŋal. Manö anibu kali kliñ riköm haga,

‘Manö niñnaböl u pen
manö hagöp aniŋ a göm niñagnaböl.

Amgö niñnaböl u pen
nan ap niñagnaböl.’

¹⁵Nibi bi gai i manö yad hagpin u kalip iru gö niñagpal.

God Manö niñno, hanip gö,
nibi bi nipe midaiun rö löp a göm,
rimid pił göm, amgö ju göm nöp midpal,’ a ga.

¹⁶⁻¹⁷“Anib u, kale niñagpal; pen God kalöp gasi aij ñö niñbim u, miñ miñ gimim. Yad kalöp niñö hagabin, God manö hagep bi gau abe, nibi bi God Manö hagöp rö niñöm gimidal gau abe, iru nöp Mesaia niŋ niñun a gimidal u pen yiŋ amgö niñagöm, manö yiŋ niñagla. Pen miñi kale yiŋ amgö niñmim, manö yiŋ apdi niñnabim u, miñ miñ gimim.”^s

^p 13:2-3 Luk 5:1-3 ^q 13:12 Mad 25:29; Mak 4:25 Luk 8:18; 19:26 ^r 13:14 Ais 6:9-10; Jon 12:40 Ap 28:26-27 ^s 13:16-17 Luk 10:23-24

Bi wid magö yua aiud haga u, Jisas manö it u hag ña
(Mak 4:13-20; Luk 8:11-15)

18 “Pen manö hod rikem hagajin u, bi narö u nipe wid magö dam wög naböŋ gau yua u, it u hagnö niŋim,” a ga.

19 “Wid magö rimnap adan adö au lugö, yaur gau apöm niŋnaböl a gipin u, nibi bi gau, God nibi bi udöm abad mideinab manö aij u niŋnaböl u pen it u niŋagnaböl niŋöm Seden nipe gö böŋ nöp hauŋ ginaböl, a gem haggpin.

20-21 “Pen magö rimnap kabö adö minöŋ pro pro mideinab au lugöm, yiŋid marep ginab pen kidit am pidöŋ gagnab rö, sidö niŋöm miŋep ginab a gipin u, nibi bi gau manö yip gisön niŋnaböl magö u, miñ miñ ginaböl, pen uri nöp nibi bi rimnap apöm, nibi bi manö yad niŋnaböl gau gasi naij niŋöm, kauŋ mauŋ rö midöm, kalip gi naij ginaböl niŋöm nibi bi manö yad nöd udla gau, uri manö yip u hauŋ göm, gasi adö rimnap niŋnaböl, a gem haggpin. 22 Magö rimnap lugnab nagi kali kali halö aŋ gau a gipin u, nibi bi gau manö yip u niŋnaböl u pen wög waryö, ram, kaj, ru miŋoŋ, uŋpö kiŋno kibap nan gau nöp gasi niŋöm, God manö aij u arö ginaböl niŋöm nan niŋeb rimnap pilagnab, a gem haggpin.^t 23 Pen magö rimnap minöŋ aij adö au lugöm, ran aij göm, magö iru pilnab a gipin u, nibi bi gau manö yad u niŋöm, ud pidöŋ yabiŋ löm, rimnap gi aij ginaböl, rimnap gi aij yabiŋ ginaböl, rimnap gi aij adö ke yabiŋ ginaböl, a gem haggpin,” a ga.

Nibi bi gi naij gipal gau God nibi bi nipe gau aip uŋ göm midpal

24 Jisas kalip manö ap halö manö hod riköm haga, “God nibi bi udöm abad mideinab u, aiud udabin i rö ginab. Bi kub ap wid magö gau ranaŋ a göm, dam wög naböŋ nipe gau yunab. 25 Pen sibön yaŋ han arnaböl magö u, bi naij ap nan yiŋ naij rimnap dapöm, aŋ anib gau yuöm arnab. 26 Anib u, wid yiŋ aij u rannab, pen nan yiŋ naij u abe rannab. 27 Anig gö, bi wög gi ñeb gau apöm bi kub u niŋ hagnaböl, ‘Bi kub! Nan yiŋ aij gau nöp dam wög naböŋ u yuban pen nan yiŋ naij gau gai nibö apöm halö ranab?’ ö ginaböl. 28 Nipe kalip pen hagnab, ‘Bi koŋmaŋ yad ap dap yuöp,’ a ginab. Pen kale hagnaböl, ‘Hon amun nan yiŋ naij ranab anib gau ud ju yuun aka?’ ginaböl. Bi wög naböŋ nap nibö u pen hagöm hagnab, 29 ‘Wasö! Niñ i, nan yiŋ naij anib gau ud juim a ginö, ammim nan yiŋ aij rimnap halö ud jumim rö löp! 30 Arö gipe mihöŋgöl rannim. Pen ranöm magö pilö, rikep niñ u bi nan rikep yad gau hagnabin, “Nan yiŋ naij anib gau ud jumim, dam ugan ugan adik libe, mab laulö in habik niŋ arnim; pen wid magö gau nöp ud magum gimim, dam wid magö lep raul miŋan yad u yumim,” a ginabin,’ a ginab,” a ga.

^t 13:22 Luk 12:16-21; 1Di 6:9-10,17

Mab masded magö u, manö hod riköm haga
(Mak 4:30-32; Luk 13:18-19)

³¹⁻³²Jisas kalip manö ap pen manö hod riköm haga, “Bi ap mab masded magö pro u dam wög naböŋ nipe u yueinab, ran kub göm, lö aij u lö, yaur gau apöm, lö ke ke ram ginaböl. Anib u rö me, God nibi bi udöm, ram minöŋ aij nipe kumi kabö adö laŋ au abad mideinab u,” a ga.

Yis u, manö hod riköm haga
(Luk 13:20-21)

³³Manö ap pen hod riköm haga, “Nibi gau nan yis a gipal u, ud plaua rin kub yaŋ halö ud ado malo gilö, nan kub yabił ranöb. Anib u rö me, God nibi bi udöm, ram minöŋ aij kumi kabö adö laŋ au abad mideinab u,” a ga.

Jisas ai ginig nibi bi gau manö hod riköm hagmidöp
(Mak 4:33-34)

³⁴Jisas nibi bi gau kalip manö rimnap hag ñinig göm waiö hagagmidöp; manö hod riköm nöp kalip hag ñimidöp. ³⁵Ga anibu, bi God manö hagep ap nöd ginab a göm kali kliñ rika rö nöp ga. Nipe manö anibu kali kliñ riköm haga,

“Ram minöŋ hadame dagol gi la ñin u riköm,
mid damöm miñi midpun ñin i, manö niŋagla u,
manö hod rikep manö u nöp kalip hag ñinabin,” a ga.”

Jisas wid magö manö hod riköm haga u, manö it u haga

³⁶Jisas anig hagöm, nibi bi gau kalip arö göm, ram raul migan arö niñöl gi, bi nipe unbö migan laŋ u apöm, nip hagla, “Nan yiŋ naj wög naböŋ aŋ gau ranöb a gimön, manö hod rikmön hagpan u, hanip hagö niñun,” a gila.

³⁷Hageila, haga, “Bi nan yiŋ aij yuöp a gipin u, yad Bi Ñi nipe.
³⁸⁻³⁹Wög naböŋ a gipin u, minöŋ naböŋ it i magöŋhalö. Nan yiŋ aij a gipin u, nibi bi God udöm abad mideinab gau. Bi nan yiŋ naj dap yuö ranöb a gipin u, bi yip niñö mulu lugöp Seden nip nöp hagpin. Nan yiŋ naj ranöb a gipin u, Seden nibi bi nipe gau kalip hagpin. Pen wid magö ałi ginab ñin a gipin u, ñin ram minöŋ it i ur ginab ñin anibu hagpin. Bi rik daupe a gipin u, ejol gau kalip hagpin. ⁴⁰Nan hałöwałö ranöb gau ud juöm, dam mab inab yaŋ yunaböl a gipin u, ñin ram minöŋ it i ur ginab ñin anibu me u.” ⁴¹Bi Ñi nipe ejol nipe gau kalip hag yuö, apöm, nibi bi nan si naj gipal gau abe, nibi bi nibi bi rimnap kalip hagailö, kale nan si

^u 13:35 Sam 78:2 ^v 13:40 Jon 15:6

nan naj gipal gau abe, ejol kale apöm kalip udöm^w 42 mab ke inab migan yaŋ u yunaböl, ilön gö niŋjöl gi, meg hau ribiköm miŋöŋ ginaböl, a gem haggpin.^x 43 Ñin anibu, nibi bi Bap kale udöm kumi kabö adö laŋ abad mideinab gau, kale sidö mailö rö paköl gi mideinaböl. Kale nibi bi gasi rimid midainim gau, manö hagabin i rimid li niŋ aij gimim.^y

Mani kes pi gila u, manö hod riköm haga

44 “Pen God nibi bi udöm abad mideinab u, aiud adö i rö midöp. Bi ap amöm niŋnab, mani kes hadame nöp pi gila ap wög adiŋ ap mideinab. Nipe niŋöm, nan rimnap ud pa ribik aij göm, ram arnab. Amöm, ñiñi yabiŋ löm, nan nipe gau magöŋhalö sikim göm, mani udöm, mani anibu damöm, wög adiŋ anibu rauöm, am mani kes anibu udnab.

Kibap aij aij u, manö hod riköm haga

45-46 “Pen God nibi bi udöm abad mideinab u, aiud adö i rö midöp. Bi sikim gep gau kibap ulhai niŋ ajöm, kibap aij aij yabiŋ ap niŋöm, ram amöm, nan kale gau magöŋhalö sikim göm, mani udöm, am kibap anibu raunaböl.

Uben u, manö hod riköm haga

47 “God nibi bi udöm abad mideinab u, aiud adö i rö midöp. Nibi bi rimnap uben damöm, ñig waŋö au yulö, kabsaŋ iru nöp apöm migan anibu arbal. 48 Anig gilö, uben lip gi dam goŋ gau amöm, kabsaŋ aij gau lihu kabsaŋ lep rin migan u löm, kabsaŋ naj gau ud yubal. 49 Ram minöŋ it i ur ginab ñin u anib unbö rö ginab. God ejol nipe gau apöm, nibi bi God Manö hagöp rö gila gau ke löm, nibi bi God Manö hagöp rö gagla gau ke löm, 50 dam mab ke inab yaŋ u yunaböl. Yulö ilön gö, meg kale hau rib göm, miŋöŋ gi mideinaböl,” a ga.^z

51 Anig hagöm haga, “Yad manö hagajin gau niŋbim?” ö ga.

Hageia, bi nipe gau hagla, “Yau, niŋbun,” a gila.

52 Hageila, haga, “Kale nöd God lo manö u nöp hag midmidim u pen uri kale God nibi bi udöm abad mideinab manö aij haggpin u niŋbim. Anig niŋöm kale uri nibi bi gau hag ñinabim u, kale God Manö aij nöd nibö u abe, God Manö aij hain nibö u abe hag ñinabim,” a ga.

Nasared nibi bi Jisas nip niŋ udagla

(Mak 6:1-6; Luk 4:16-30)

53-54 Pen Jisas nipe manö hod riköm manö haga anibu hag pis göm, daun nipe ke Nasared amöm, Juda magum gep ram raul migan u amöm,

^w 13:41 Mad 24:31; 25:31; Mak 13:27 ^x 13:42 Mad 8:12 ^y 13:43 Dan 12:3

^z 13:50 Mad 13:42 Luk 13:28

nibi bi gau kalip hag nõ, kale niñöm aiö yabił gila. Kale pen hagla, ‘Bi anibi nipe aige gôm gasi kid hiik niñöm nan gagep unbö rö gab?’ ö gila. Hainö pen hagla,^a 55-56 “Bi anibi nime nap, niñin nimam nipe gau, hon aip midpal u pen, nipe aige gôm bi kub rö midöm, manö ke hagöm, nan gagep rö gau gabŋ Nap nipe u bi kapeda; nime Maria; nimam nipe gau Jems u, Josep u, Saimon u, Judas u. Anib u, nipe aige gôm apöm anig gab?” ö gila.^b 57 Anig hagöm, kale Jisas nip naij niñöm, manö nipe haga u, udagla.

Pen Jisas kalip haga, “Bi God manö hagep gau ram minöŋ milö gau amöm haglö, niñö haggal a gôm niñnaböl; pen ram minöŋ kale ke u haglö, piral haggal rö löp a gôm arö gipal u rö gabim,” a ga.^c 58 Manö haga u niñagla u me, ram minöŋ anibu nan gagep rö iru nöp gaga.

Herod hagö, Jon Bi Niğ Pak Ñeb u nabic cög riğ gi dö gila
(Mak 6:14-29; Luk 3:19-20; 9:7-9)

14 ¹Pen gapman bi kub ram minöŋ Galili abad midmidöp Herod, Jisas nipe nihön nihön ga manö u niñöm, ²am bi nip wög gi ñeb rimnap kalip haga, “Bi Jisas nan gagep rö göp u, nipe bi ap ke wasö; nipe Jon bi niğ pak ñeb u nöp. Nip al pak linö u pen kauyaŋ uraköm ap midöp rö, nan gagep rö anib gau gab,” a ga.

³⁻⁵Pen Jon nip nagi löm, al pak la manö it u anig göl midöp. Herod nipe nimam Pilip nibin nipe u Herodias ud arö, Jon Herod nip haga, “Ne unbö gipan, gi naij gipan. Bi ap nimam nipe kamiŋ mideinab nuwi nipe udagnab,” a ga. Jon anig hagö, nibi anibu Herodias nipe Herod nip manö haga niñöm Herod Jon nip dam nagi löm, al pak lin a gôm gasi niña u pen nibi bi gau, Jon nip bi God manö hagep hon a gila rö, piñiŋ gôm arö ga.^d

⁶Pen hainö Herod nime nip yag daua ñin u nöp, nibi bi iru nöp ap magum gôm, nan magö lau niñniğ gila. Ñin anibu, Herodias pai nipe u apöm aŋ anib au kugom ralö, Herod niñö, aij yabił ga. ⁷Anig gö, nipe pai anibu nip manö hagöm haga, “Yad manö niñö yabił hagem nöp hagabin, ne nan ap hag niñeinabön, nöp hałöwałö ud ñinabin,” a ga. ⁸Hageia, pai anibu, nime haga rö niñöm haga, “Jon bi niğ pak ñeb nabic cög u, kinaŋ cög miğan yaŋ limön, dap ñimön,” a ga.

⁹⁻¹⁰Anig hagö, Herod niñö mög ga, pen nibi bi gau niğ midlö niñöl gi, pai anibu nip waiö manö niñö hag löm haga, “Ne nan ap hag niñeinabön, nöp hałöwałö ñinabin,” a ga rö niñöm, bi rimnap hag yuö, am Jon nagi mideia au amöm, nabic cög nip u riğ gi dö gôm, ¹¹ud kinaŋ cög miğan yaŋ löm, dap pai anibu nip ñila. Ñeila, nipe pen damöm nime nip ña.

^a 13:53-54 Jon 7:15 ^b 13:55-56 Jon 6:42 ^c 13:57 Jon 4:44 ^d 14:3-5 Lep 18:16; 20:21; Mad 21:26; Luk 13:19-20

12 Pen Jon bi nipe gau apöm, wip dam rigöl göm, am Jisas nip hag ñila.

Jisas bi unbö paip dausan nan ñö ñiñla

(Mak 6:30-44; Luk 9:10-17; Jon 6:1-14)

13 Jisas manö anibu niñöm, am ram minöñ ke miñan ap mideinam, a göm, ñig magib udöm, ram minöñ anibu arö göm, hada. Pen nibi bi gau, Jisas arab au hain arun, a göm, ram minöñ kale gau arö göm, iñ adö aramöm, Jisas arnig ga gau arla. 14 Jisas nipe pen ram minöñ miñan anibu apjaköm, ñig magib u arö göm, goñ gau apöm niña, nibi bi iru nöp mideila. Kalip niñö, mög gö, nibi bi nan ga gau gö, kamiñ la.

15 Pen dugo magö u, bi nipe gau Jisas mideia au apöm, nip hagla, “Söl sib ginig gab. Midö nöp nan magö ñiñeb magö u padiöp. Gai i ram minöñ nöp añ au. Nibi bi iru nöp gai i hagö, ram añ gai i amöm, nan magö kale rimnap rau ñiñlañ,” a gila. 16 Anig hageila, Jisas kalip haga, “Wasö, kale aragnaböl. Kale ke kalip nan magö ñimim,” a ga. 17 Hageia, hagla, “Hon nan magö iru midagöp. Yihariñ bred magö unbö mamid kabsať mihöp midöp,” a gila.

18 Hageila, Jisas haga, “Nan anib gau ud yip dauim,” a ga. 19 Anig hagöm, nibi bi gau kalip hagö, nan uñañ adö gau bis gilö niñöl gi, bred kabö u udöm, kabsať miñau u udöm, gilañ gi niñöm, God nip aij a göm, bred u ud jö göm, bi nipe gau kalip ñö niñöl gi, kale udöl gi, nibi bi gau kalip nime li ñila. Kabsať u u rö nöp gila.^e 20 Anig göl nime li ñeila, ñiñlö, ñiñlö, mudun gö, ñiñ haköl rö laga. Naböñ naböñ arö gila gau me, Jisas bi nipe gau wadi unbö miñan lañ u ud yaglö, böñ nöp ajmañ raua. 21 Nibi bi nan ñiñla anib gau, nibi gau wasö, ñi pai pro gau wasö, bi gau nöp me paip dausan rö ara.

Jisas ñig uť adö au abö gi ara

(Mak 6:45-52; Jon 6:15-21)

22 Jisas, bi nipe gau kale ñig böñ lödañ arlañ a göm hagö, ñig magib udöm arla niñöm nipe nibi bi gau kalip hag yuöm, 23 nipe ke God nip sabe ginig ram minöñ dum ap ara. Midö, ram dugniñ geia pen nipe añi nöp halö dum anib lañ mideia.^f 24 Pen bi nipe gau ñig magib udöm ñig wañö añ kub au arlö niñöl gi, piñöm asad kub yabiť u apöm, ñig magib u ud ado ginig rö ga. 25 Magö anibu ram gisön nöp runig geia u me, Jisas ñig uť adö u abö gi apöm, bi nipe gau mideila söl au aueia, 26 kale niñöm, “U wip ana ap auab!” a göm, aninñ gö piñiñ göm, aiö kub blaťö gila.^g

27 Jisas pen kalip haga, “Piñiñ gagmim! Yad nöp auabin!” a ga.

28 Hageia, Pida haga, “Bi Kub! Ne nöp auaimön u, yip abe hagö, ñig uť adö au abö gi yagol au niñ,” a ga.

^e 14:19 Mad 15:35-39; Mak 8:6-10 ^f 14:23 Luk 6:12; 9:28 ^g 14:26 Luk 24:37

29-30 Hageia, Jisas haga, “Anib u, au!” a ga.

Hagö, Pida ñig magib u arö göm, ñig ul adö u abö gi am Jisas mideia au am am an au amöm niña, yigön kub yabił u apöm, ñig u ral auajip. Anig geia nipe piñin göm, ñig yan had lugöl gi, wiñ kub alöm haga, “Bi Kub! Ne yip yinid ud yu!” a ga.

31 Anig hagö, Jisas yinid nip ud sisi udöm haga, “Niñ udep magö ne u ulep yabił göp. Nihön ginig gasi mihöp niñajan?” ö ga.^h

32 Anig hagöm, Jisas aip Pida aip ñig magib migan u arlö niñöl gi, pinöm asad kub udeia u ur ga. 33 Anig gö niñöm, bi nipe ñig magib migan yan asik mideila gau, Jisas hib nipe haglö adö arö niñöl gi hagla, “Niñö! Ne God Ñi nipe yabił!” a gila.

Genesared nibi bi nan ga gau Jisas gö, kamiñ la

(Mak 6:53-56)

34 Pen kale ñig wañö juöm, ram minöñ Genesared böñ lödañ amjakla. 35 Amjaklö, nibi bi midmidal gau Jisas nip niñöm, Jisas nöp auöp a göm, nibi bi ram minöñ söl anib gau magöñhalö wiñ allö, nibi bi nan ga gau magöñhalö daula. 36 Dapöm, Jisas nip neb neb göl gi hagla, “Hanip yau a gö, nibi bi nan göp gai i, wañij nöp goł au nöp ud niñlö, kamiñ lañ,” a gila. Hageila nipe yau a gö, nibi bi wañij nipe ud niñla gau kalip magöñhalö kamiñ la.ⁱ

Nipis nihi bi gimidal rö, Perisi kai u rö nöp gimidal

(Mak 7:1-13)

15 ¹Pen ñin anibu, bi Perisi rimnap, bi lo manö hag ñeb bi rimnap, Jerusalem nibö apöm Jisas nip hagla, ²“Bi ne gai i, nihön ginig apis bac bi manö pör u arö göm, ñimagö kale ñig li yuöm wasö, yihariñ nöp nan niñbal?” ö gila. ³Hageila, Jisas pen haga, “Kale nihön ginig God Manö nipe u arö gimim, bac bi gila rö nöp gabim? ⁴God haga, ‘Name nap kalip gi aij gimim ud aij gimim,’ a ga. God manö ap hagöm haga, ‘Bi ap nime nap kalip manö najj rimnap hagnab u, kale bi anibu nip al pak löł,’ a ga.^j ⁵⁻⁷Pen kale manö anibu kabö göl hag ñagpim. Bi ap, ami bapi arö ginabin a ginab u, kalip hagnab, ‘Ami bapi, yad nan aij rimnap kalpe mihöñ ñibnep pen mani kalpe mihöñ ñeb mani u, uri yad God nip ñinabin a gipin, niñöm mani kalpe mihöñ ñeb ap midagöp,’ a ginab. Anig gilö, kale niñmim hagpim, ‘Kale anig gipal u, manö midagöp,’ a gipim. Anig hagpim u, ‘God Manö hagabun,’ a gipim u pen kale piral yabił hagemim, kale ke hagpim rö gagpim. Kale manö anibu rö nibi bi gau kalip hag ñibim u, God manö hagep bi ne Aisaia nipe bi kalöp rö nöp gasi niñöm, manö niñö yabił ap kali kñiñ rika. Manö anibu kali kñiñ riköm haga,

^h 14:31 Mad 8:26; Mak 4:39 ⁱ 14:36 Mad 9:20-21 ^j 15:4 Eks 20:12; 21:17; Dud 5:16

8-9 ‘Nibi bi gai i manö pir alöm hagpal,
 “God Bi Kub hon,” a gipal u pen
 yihariñ manö nöp hagpal;
 yip midmagö lagpal.
 Yip sabe göm,
 yihariñ manö nöp hagpal.
 God Manö nibi bi gau kalip hag ñabun a gipal u pen
 bi ram minöñ if i nibö
 manö kale ke hagmidal manö u nöp ud hag ñi ajaböl!’ a ga,” a ga.^k

Nibi bi nan gac göp gau

(Mak 7:14-23)

10 Jisas aniñ hagöm, nibi bi mideila gau wiñ alö aueila haga, “Manö hagabin i, niñ aij gimim! 11 Nibi bi gau nan magö gau hałöwałö ñiñlö, hibur añ kalip yañ amöm pri gagöp; hibur añ kale yañ gasi naij niñöm hagpal u me, pri gac halö midpal,” a ga.^l

12 Pen Jisas bi nipe gau apöm Jisas nip hagla, “Bi Perisi gau manö hagpan u niñlö, nöp mulu lugöp u, ne niñban?” ö gila. 13 Hageila, Jisas haga, “U manö midagöp. Bap yad kumi kabö adö lañ midöp u, nan yij nipe yimagöp gau magöñhalö if halö big ju ud yunab. 14 Bi aniñ gau kale amgö we. Bi amgö we ap, bi amgö we ap nip uł gi damöm, mihöñgöl ulöm miñan u ap lug paknabil,” a ga.^m

15 Jisas aniñ hageia, Pida haga, “Manö aniñbu manö hod rik hagpan if u hanip hag ñö niñun,” a ga.

16-17 Hageia, haga, “Kale niñagpal rö, kale u rö nöp niñagpim arñ Niñim! Nan niñön niñön hałöwałö ñiñbal gau, God niñö, manö midagöp. U yihariñ niñöm, hib halö kil yubal. 18 Hibur añ kale yañ gasi naij niñbal u me, pri halö midpal. 19 Gasi kale ke niñöm, gasi naij niñöm, nibi bi al pak löm, nibi si bi si göm, nan gau si udöm, manö kub hagnaböl ñin u manö piral hagöm, nibi bi rimnap kalip hag juöm, gipal. 20 Gipal aniñbu me, God niñö gac halö midpal; pen nan niñniñ, ñimagö ñig li yuagöm hałöwałö ñiñbal u, God niñö gac gagöp,” a ga.

Kenan nibi ap Jisas manö haga rö niñ uda

(Mak 7:24-30)

21 Jisas ram minöñ Genesared aniñbu arö göm, ram minöñ kub, daun kub mihöp Daia Saidon añ gau ara. 22 Amöm aniñ gau ram minöñ Kenan gau midö, nibi ram minöñ aniñ gau nibö ap, Jisas nip apöm haga, “Bi Kub, Depid Ñi nipe, yip mög niñmön! Pai yad u kijaki abañ alö, mid aij gagöp,” a ga.

^k 15:8-9 Ais 29:13 ^l 15:11 Mad 12:34 ^m 15:14 Luk 6:39; Ro 2:19

²³Hageia, Jisas pen hagaga. Pen bi nipe gau apöm, Jisas nip hagla, “Nibi i hanip hain göl gi, manö hauñ nöp gab. Nip hag yu gau aran!” a gila.

²⁴Hageila, Jisas haga, “God yip yuö aunö u, Juda nibi bi God nip arö gipal gau, kalip nöp udnam, a gem, aunö,” a ga.” ²⁵Anig hageia, nibi Juda wasö anibu apöm, Jisas mideia iñ au kugom yimöm haga, “Bi Kub, yip gi ñimön!” a ga.

²⁶Hageia, Jisas haga, “Nan magö ñi pai hon ñeb u, nihön ginig ud kain gau mukun?” ö ga.

²⁷Hageia, nibi anibu pen haga, “Bi Kub, niñö hagpan u pen, bi kub gau nan ñiñlö, naböñ naböñ gau abañ mo gau lugö, kain gau halö ñiñaböl,” a ga.

²⁸Hageia, Jisas haga, “Nibi me, yip niñ ud pidöñ gipan u me, nan hag niñban u ginabin,” a ga. Anig hagö niñöl gi, kijaki u magö anibu nöp pai nipe u nip arö göm höñ arö, nip kamiñ la.

Jisas nibi bi iru nöp kalip gö, kamiñ la

²⁹Jisas ado gi Ñig Wanjö Galili goñ böñ lödañ amöm, sir u gilañ göm, am dum lañ asika. ³⁰Asik midö niñöl gi, nibi bi iru nöp, nibi bi ma naij ga gau, amgö we ga gau, ñimagö ma gi ga be wa be ga gau, añab ado gö manö hagagla gau, nan nihön nihön ga gau magöñhalö dapöm, Jisas mideia ma iñ au lilö niñöl gi, kalip gö kamiñ la. ³¹Anig gö, nibi bi anib gau niñöm, aiö göm hagla, “Hon Isrel nibi bi God hon u aij yabiñ. Nibi bi añab ado ga gau gö, manö hagaböl; nibi bi ñin ma gi ga be wa be ga gau gö, kamiñ löp; nibi bi ma naij ga gau gö, aj aij gaböl; nibi bi amgö we ga gau gö, amgö ñil niñaböl,” a göm, hib nipe haglö adö ara.^o

Jisas bi po dausan rö nan ñö ñiñla

(Mak 8:1-10)

³²Jisas bi nipe unbö miñan lañ kalip wiñ al hagö, aueila, haga, “Nibi bi gai i kalip mög niñabin. Ñin mihau niñan yad aip midajal pen kale nan magö midagöp. Kalip yihariñ hag yunö, amöm adan añ au amgö miñainö auö, ap lug paköl rö löp,” a ga.^p

³³Hageia, bi nipe gau hagla, “Ram minöñ nibi bi iru midagpal añ anib gai i, nan magö gai nibö uñhai niñun dapun, nibi bi iru nöp anib gai i ñino ñiñaböl?” ö gila. ³⁴Hageila, Jisas haga, “Bred magö kale aigöl gi rö midöp?” ö ga.

Hageia, hagla, “Bred unbö mudun jiñ kabsañ pro rimnap halö midöp,” a gila. ³⁵Hageila, Jisas nibi bi gau kalip hagö, minöñ adö anib au asikla. ³⁶Kale anig göm asiklö niñöl gi, nipe bred magö unbö mudun jiñ u udöm,

ⁿ 15:24 Mad 10:6 ^o 15:31 Mak 7:37 ^p 15:32 Mad 14:14

kabsal pro gau abe udöm, God nip aij a göm, ud jö göm, bi nipe gau kalip ñö, kale pen udöm, nibi bi gau kalip nime li ñila. ³⁷Anig göl nime li ñeila, ñinjlö, ñinjlö, mudun gö, ñin haköl rö laga. Naböñ naböñ arö gila gau me, Jisas bi nipe gau wadi unbö mudun jin ud yaglö, böñ nöp ajman raua.

³⁸Nibi bi nan ñinla anib gau, nibi gau wasö, ñi pai pro gau wasö, bi gau nöp me, po dausan rö ara.

³⁹Pen anig nan ñinöm, Jisas nibi bi anib gau kalip hag yuöm, nipe ñig magib udöm, ram minöñ Magadan böñ lamij amöm, ram minöñ anj anib gau ara.

Jisas nip hagla, “Nan gagep rö ap gö niñun,” a gila

(Mak 8:11-13; Luk 12:54-56)

16 ¹Bi Perisi rimnap, bi Sadyusi rimnap, Jisas nihön gainim nip hag juun a göm, apöm nip hagla, “Ne Mesaia u midpin a gipan u, nan gagep rö ap kumi kabö adö lañ nibö gaimön, niñö hagpan a gun, niñun,” a gila.^q

²Hag niñeila, Jisas haga, “Sidö wad amöm, kumi kabö hagape hagape gö niñöl gi hagnabim, ‘Ram rik aij ginab,’ a ginabim. ³Sib halö sidö lim ginig göm hagape hagape göm kumi wam ñö niñöl gi, hagnabim, ‘Möñ alnig gab,’ a ginabim. Anig gimim niñ aij gipim u, pen yad uri nan nihön nihön gabin i, kale niñabim pen il u niñagpim. ⁴Kale nibi bi miñi midpin gau, mid aij gagmim, God nip gasi u niñagpim. Nan gagep rö ap gö niñun, a gipim u, yad ginö niñagnabim. Bi Jona nip ga rö, adö u yip gö, niñnabim,” a ga. Jisas anig hagöm, kalip arö göm miñan ap ara.^r

Nan yis a gipal rö u, Jisas manö hod riköm haga

(Mak 8:14-21)

⁵Jisas abe, bi nipe gau abe ñig magib udöm, ñig wañö böñ lödan amöm niñla, bred gau hauñ göm dauagla. ⁶Anig niñöm Jisas bi nipe gau kalip haga, “Bi Perisi, bi Sadyusi, yis kale u, niñ aij gimim,” a ga.^s ⁷Jisas anig haga niñöm, bi nipe gau, ke hag niñ hag niñ göm hagla, “Hon bred dauagpun u me, anig hagab,” a gila.

⁸⁻⁹Pen Jisas kale hageila anibu ke niñöm haga, “Kale nihön ginig bred dauagpun, a gimim, hag amil apil gabimñ Kale yip niñ ud aij gagpim. Bi paip dausan rö mideila ñin u, bred magö unbö mamid u udem, ud jö gi ñainö, ñinöm naböñ naböñ pil pali geila, wadi aigegö rö yagpe ajman raua?^t

¹⁰“Pen ñin hain u, bred magö unbö mudun jin udem, bi po dausan rö mideila u ñainö, ñinöm naböñ naböñ pil pali geila, wadi aigegö rö yagpe

^q 16:1 Mad 12:38; Luk 11:16 ^r 16:4 Mad 12:39; Luk 11:29 ^s 16:6 Luk 12:1

^t 16:8-9 Mad 14:17-21

ajmaŋ raua?" ¹¹ Ñin anibu kale ke midmim, bred wadi yagpe u pen miñi manö hod rik hagajin u niŋagmim, 'Bred nan a gi hagab,' a gipim. Bred nan a gi hagagabin. Bi Perisi gau abe, bi Sadyusi gau abe, yis kale u kalöp udnim rö löp u, a gem, hagabin," a ga. ¹² Anig hagö, kale niŋla nan yis bred halö libal u hagaga; bi Perisi gau abe, bi Sadyusi gau abe, manö hag ñibal u niŋagmim, a göm, manö hod riköm haga.

Pida Jisas nip haga, "Ne Mesaia u, God kamiŋ u Ñi nipe yabił," a ga
(*Mak 8:27-30; Luk 9:18-21*)

¹³ Hainö Jisas daun kub Sisaria Pilipai aŋ au amjaköm, bi nipe gau kalip hag niŋöm haga, "Ñibi bi gau Bi Ñi nipe bi an a gipal?" ö ga.

¹⁴ Hageia, bi nipe gau hagla, "Rimnap Jon bi ñig pak ñeb u, a gipal; rimnap, Ilaija, a gipal; rimnap, Jeremaia, a gipal; rimnap pen bi God manö hagep ap, a gipal," a gila.^y

¹⁵ Hageila, Jisas kalip haga, "Kale ke pen, yip an a gimim niŋbim?" ö ga.

¹⁶ Hageia, bi nipe Saimon Pida haga, "Ne Mesaia u, God kamiŋ u Ñi nipe yabił," a ga.^w

¹⁷ Hageia, Jisas haga, "Jona ñi nipe Saimon. Manö hagpan anibu, aij hagpan. Ne gasi kabö rö niŋban anibu, ke gau nibö auagöp; Bap kumi kabö adö laŋ u nöp, nöp gasi anibu ñö, ne kabö rö niŋban.^x

¹⁸ "Yad nöp hagabin, ne Pida. Gasi kabö rö niŋban anibu, yad ni bi yad gau gau uł gi dapem, cöc yad kabö anibu adö u linabin. Umeb magö u cöc yad gö, lug paknim rö lagöp.^y

¹⁹ "God ram minöŋ kumi kabö adö laŋ au, ki rib u nöp ñinabin. Ne minöŋ naböŋ ił i midmön, nagi adö mai niŋmön kabö rö gagöp, wasö geinabön u, God kumi kabö adö laŋ au, u rö nöp wasö ginab. Pen nagi adö mai niŋmön kabö rö midöp, yau a geinabön u, God kumi kabö adö laŋ au, u rö nöp yau a ginab," a ga.^z

²⁰ Jisas anig hagöm, bi nipe gau kalip haga, "Ñibi bi gau kalip, yad Mesaia me anibu, a gimim, hagagmim," a ga.

Jisas, "Ilön udem umem uraknabin," a ga
(*Mak 8:31-9:1; Luk 9:22-27*)

²¹ Ñin aŋ anib u, Jisas bi nipe gau kalip, bi gau yip anig anig ginaböl, a göm, waiö hagöm haga, "Yad hainö Jerusalem arnö, bi manö ud asikep gau löm, bi God nip nan sabe gep bi kub gau löm, bi God lo manö hag ñeb bi gau löm, yip ilön ñöm al pak linaböl. Pen ñin mihöp midem, ñin mihöp niŋaŋ u kauyaŋ uraknabin," a ga.

^w 16:10 Mad 15:34-38 ^y 16:14 Mad 14:1-2; Mak 6:14-15; Luk 9:7-8 ^z 16:16 Jon 6:69

^x 16:17 Gal 1:15-16 ^y 16:18 Jon 1:42; Ep 2:20 ^z 16:19 Mad 18:18; Jon 20:23

²²Anig hageia, Pida, Jisas nip dam goł au amöm, manö klö rö hagöm haga, “Bi Kub! Nöp anig gagnim! Manö anibu hag aij gagpan. God nöp abad midö, anig gagnim,” a ga.

²³Hageia, Jisas ado göm, Pida nip haga, “Seden, yip arö gimön aru! Yip nihön ginig wasö gimön hagabön? God gasi niñjöb rö niñagpan; nibi bi gasi niñbal rö nöp niñmön hagabön,” a ga.

²⁴Jisas anig hagöm, bi nipe gau kalip haga, “Nibi bi an an yip lau adö midun a gaiöl u, nan minöñ naböñ it i gasi kub niñbal u arö göm, hañ roman kale ke gasi kub niñbal u arö göm, mab kros ud kag göm yip hain göl.^a ²⁵Nibi bi an, yad Jisas nip udnö aij gagnab, a göm, niñnab u, kamiñ midagnab; pen nibi bi an, yad Jisas nip niñ ud midainö yip nihön gaiöl u, manö midagöp a ginab u, pör nöp kamiñ nöp mideinab.^b

²⁶“Nibi bi an nan minöñ naböñ adö it i udnam, a göm, gö arnab u, gasi kub nipe u adö anibu nöp areinab me, kamiñ pör midep u udagnab. Aka God nip nan anib gau rauöm, kamiñ pör midep u udnabñ Wasö yabi!^c

²⁷“Hainö yad Bi Ñi nipe, Bapi mailö pidöñ udem, ejol gau aip ado gi aunabin ñin u, manö kub u niñem, nibi bi gi aij gipal gau ke lem, nibi bi gi naj gipal gau ke lem, pen ñinabin.^d

²⁸“Yad kalöp niñjö yabił hagabin, kale nibi bi midpim gai i, rimnap kamiñ mideinabim me, Bi Ñi nipe nibi bi udöm, kumi kabö adö lañ au abad mideinab ñin u, Bi Ñi nipe auö niñöl gi, nip niñnabim,” a ga.

Jisas hañ roman ke yabił la

(Mak 9:2-13; Luk 9:28-36)

17 ¹Jisas manö anibu hagöm, ñin unbö kagoł jñ u midöm, Pida, Jems, Jems nimam Jon kalip yam ut gi, dum i gilañ ap amöm, ke mideila. ²Anig göm midlö niñöl gi, Jisas hañ roman nipe u ke yabił löm, mulu adij u sidö rö niñöm, waliñ nipe u mimailö yabił ga.^e ³Anig gö niñöl gi, kale niñla, bi God manö hagep nöd umlö, Mosis aip Ilaija aip, apil Jisas aip manö hag mideila. ⁴Kale niñöm, Pida Jisas nip haga, “Bi Kub. Hon au midpun u, aij yabił midpun. Ne yau a gimön, ram bada miñau niñan gun, nöp ap, Mosis nip ap, Ilaija nip ap,” a ga. ⁵Pida anig hagö niñöl gi, kumi rud yabił ap apöm, kalip magöñhalö pału gi yuö yua. Pału gi yuö yuö niñöl gi, manö ap kumi an anibu nibö haga, “Ñi midmagö yad i, yip aij yabił göp. Manö nihön nihön hagnim u, niñ udmim,” a ga.^f ⁶Manö anibu anig göl auö niñöm, Jisas bi nipe gau gasi iru niñöm, piññ göm, am minöñ it au paköm, mulu adij kale u minöñ yañ li mideila. ⁷Jisas apöm, kalip ud niñöm haga, “Piññ gagmim. Urakim!” a ga. ⁸Hagö, uraköm niñla, Jisas nipe nöp mideia.

^a 16:24 Mad 10:38; Luk 14:27 ^b 16:25 Mad 10:39; Luk 17:33; Jon 12:25

^c 16:26 Mad 4:8-9 ^d 16:27 Mad 25:31; Sam 62:12; Pro 24:12; Ro 2:6; Rep 22:12

^e 17:2 2Pi 1:16-18 ^f 17:5 Sam 2:7; Ais 42:1; Mad 3:17; Mak 1:11; Luk 3:22; Dud 18:15

⁹Pen sir u giyaŋ göl gi, Jisas kalip haga, “Miñi nihön nihön gajip niŋbim anibu, nibi bi gau kalip hag ñagmim. Hainö Bi Ñi nipe umöm uraknab ñin u me, nibi bi gau kalip hag ñinabim,” a ga.

¹⁰Hageia, nip hagla, “Lo manö hag ñeb bi gau nihön ginig haggpal, ‘Iaija nöd aueinab; hainö Mesaia minöŋ naböŋ if i aunab,’ a gipal?” ö gila.^g

¹¹Hageila, haga, “Niŋö haggpal. Manö anibu midöp: ‘Iaija nöd apöm, kalip hag aij gö, hainö Mesaia u aunab.’ ¹²Pen niŋim. Iaija aua u pen auö nip niŋagla. Gasi kale ke niŋla rö, nip gi naj gila. Bi Ñi nipe u nip u rö nöp ginaböl,” a ga.^h

¹³Jisas aniŋ hagö, bi nipe gau niŋla, Jisas Iaija hib haga u pen Jon bi ñig pak ñeb u nip nöp haga.ⁱ

Kijaki abaŋ ala ñi ap, Jisas gö, kamiŋ la
(*Mak 9:14-29; Luk 9:37-43a*)

¹⁴Pen kale ban yaŋ amjaköm niŋla, nibi bi iru nöp mideila. Bi ap, nibi bi mideila aŋ anib au apöm, Jisas mideia au kugom yimöm haga, ¹⁵“Bi Kub. Ñi yad u mög niŋmön. Nip hauł alö, mid aij gagöp. Pör amöm, mab inöb aŋ gau abe, ñig aŋ gau abe gi dam pakab. ¹⁶Nip dam bi ne gau midajal gau ud arnö, gi wasö niŋöm arö gipal,” a ga.

¹⁷Hageia, Jisas haga, “Kale nibi bi miñi ñin i midpim gau, God nip gasi niŋmim niŋ udagpim; God haga rö gagpim. Mañ mai kale niŋ udmim ke ginabimŋ Ñi anibu ud yip aui dauim,” a ga.

¹⁸Hagö, ñi anibu daueila, Jisas kijaki nip abaŋ ala u hag gö, höŋ arö, magö u nöp kamiŋ la.

¹⁹Aniŋ gö, Jisas bi nipe gau nipe mideia au apöm, ke nöp midöl gi, nip hag niŋöm hagla, “Nihön gö, kijaki abaŋ ala anibu, hag yu wasö niŋun arö gipun?” ö gila.^j

²⁰Hageila, Jisas haga, “Niŋ udep magö kale u ulep göp u me, hag yu wasö niŋmim arö gipim. Pen niŋim! Niŋ udep magö kale u mab masded yiŋ magö pro midöp rö u mideinab u, nan nihön nihön hageinabim, hagnabim rö ginab. Nö ilö i, ‘Ke gidan aru,’ a ginabim u, arnab.^k ²¹Pen kijaki abaŋ alöp anibu, yihariŋ hag yumim rö lagöp. Nan magö arö gimim, God nip sabe göl gi midmim me, hag yunabim,” a ga.

Jisas kuöyaŋ haga, “Umem uraknabin,” a ga
(*Mak 9:30-32; Luk 9:43b-45*)

²²Jisas bi nipe gau aip ram minöŋ Galili apöm magum göm, kalip haga, “Söl midöp, Bi Ñi nipe nip dam nibi bi rimnap kalip ñeinaböl,^l ²³nip böŋ nöp al pak lilö umnab u pen ñin mihöp midöm, ñin miŋhau niŋaŋ u kauyaŋ uraknab,” a ga.

^g 17:10 Mal 4:5 ^h 17:12 Mad 11:14 ⁱ 17:13 Luk 1:17 ^j 17:19 Mad 10:1

^k 17:20 Mad 21:21; Mak 11:23; Luk 17:6; 1Ko 13:2 ^l 17:22 Mad 16:21

Jisas anig hagö, bi nipe gau nip mög niñöm, gasi iru yabiñ niñla.

Jisas God sabe gep ram dakis u ña

²⁴Pen hainö, Jisas bi nipe gau aip daun pro Kapaneam amjaklö, bi God sabe gep ram dakis udep gau kale apöm Pida nip hagla, “Manö hag ñeb bi kale u dakis ñöb halö?” ö gila.^m ²⁵Hageila, Pida haga, “Yau, nipe dakis ñöb halö,” a ga. Pen Pida anig hagöm, ram raul arö niñöl gi, Jisas nipe nöd hagöm, Pida nip hag niñöm haga, “Gasi ne nihön niñban? Gapman bi kub gau, dakis mani gai nibö udpalñ Nibi bi kale ke gau nibö udpal aka nibi bi milö gau nibö udpal?” ö ga.

²⁶Hageia, Pida haga, “Nibi bi milö gau nibö udpal,” a ga. Hageia, Jisas haga, “Niñö, bi kale ke gau dakis ñagpal. ²⁷Pen hol ñagnabul u, kalip mulu lugnim rö löp. Anib u, ne ñig wañö au ammön, nagi huk yumön, kabsañ nöd udnabön u, meg miñan ud lakmön niñnabön, mani magö añi ap meg miñan u mideinab. Ud dam dakis hol mihöñ u ñimön,” a ga. Hageia me, am haga rö nöp ga.

Bi kub midaiun, a göm, manö pen pen hagla

(Mak 9:33-37; Luk 9:46-48)

18 ¹Jisas bi nipe gau apöm, nip hag niñla, “Nibi bi God udöm, kumi kabö adö lañ au abad mideinab gau, an nibi kub bi kub mideinab?” ö gila.ⁿ

²Hageila, Jisas ñi pai pro ap wiñ alö auö, ud amgö ilö adö kalip au urak ñöm, ³haga, “Yad kalöp niñö yabiñ hagabin, kale ñi pai pro gau gasi niñbal rö niñagnabim u, God ram minöñ kumi kabö adö lañ au aragnabim.” ⁴Anib u, nibi bi hon nibi bi kub midagpun a göm, ñi pai pro i rö mideinaböl u me, God nibi bi nipe ke udöm, abad mideinab añ au, nibi bi kub rö mideinaböl,” a ga. ⁵Pen nibi bi yip niñ udöm, ñi pai pro i rö ud aij ginaböl u, kalip nöp wasö, yip abe ud aij ginaböl.^p

Ñi pai kalip nan naj gi yambal u

(Mak 9:42-48; Luk 17:1-2)

⁶“Pen nibi bi rimnap apöm, ñi pai yip gasi niñ udpal gau, kalip nan si nan naj adö u gi yamlö, kale gasi yip u hauñ göm, nan si nan naj ginaböl. Nibi bi anig ginig geinaböl u, nöd kabö kub ap uñam u nagi ud li ribiköm, dam ñig solwara añ au yublap u aij. Kamiñ midöm, anig gi naj yabiñ ginaböl u, ilön kub yabiñ udnaböl.

⁷“Nibi bi minöñ naböñ iñ i midpal gau marö yabiñ ginab. Nagi naj adö u göm, nibi bi rimnap kalip gasi ñilö, adö anibu göm ap lug paknaböl u, naj yabiñ ginab. Nagi adö anibu nöd gimidal, miñi gipal, hainö u rö nöp ginaböl. Anig ginab pen nibi bi adö anibu gi yamnaböl gau, ilön ke yabiñ udnaböl.

^m 17:24 Eks 30:13; 38:26 ⁿ 18:1 Luk 22:24 ^o 18:3 Mad 19:14; Mak 10:15; Luk 18:17

^p 18:5 Mad 10:40; Luk 10:16; Jon 13:20

⁸“Ñimagö ma kale u niñmim, nan si nan naj ginig gainim, ñimagö ma u rib gi dö gi yumim. Anig gimim me, nan si nan naj gep adö u arö gimim, God ram minöñ au ammim, pör mideinabim. Wasö u, ñimagö ma halö midmim, pen mid aij gagmim, nan si nan naj gep adö u gi dammim, ram minöñ mab ke pör inmidöp u arnabim.^q

⁹“Pen amgö u niñmim, nan si nan naj ginig gainim, amgö böñ anib lau ud gulu gi yumim. Anig gimim me, nan si nan naj gep adö u arö gimim, God ram minöñ au ammim, pör mideinabim. Wasö u, amgö mihöp halö midmim, pen mid aij gagmim, nan si nan naj gep adö u gi dammim, ram minöñ mab ke pör inmidöp u arnabim.

¹⁰“Kale niñ aij gimim, ñi pai pro gau nan yhariñ, a gimim, gasi u niñagmim. Yad kalöp hagabin, ñi pai pro gau ejol kale gau, Bapi yad amgö ilö adö nipe u ram minöñ kumi kabö adö lañ au midpal.^r

Jisas, kaj sipsip ur ga u, manö hod riköm haga

(Luk 15:3-7)

¹¹“Bi Ñi nipe u, nibi bi ur gipal gau, kalip udnig aua.^s

¹²“Bi ap kaj sipsip nipe ñin juöl unbö mamid u rö mideinab. Pen añi ap ur geinab u, nipe nihön ginabñ Sipsip nipe rimnap kalip arö gö, nan uñañ uñañ ñiñlö niñöl gi, sipsip nipe ur ginab u nip ulhai niñ arnab. Am ulhai ulhai udöm, miñ miñ yabiñ ginab. ¹³Kalöp niñö hagabin, kaj sipsip nipe magöñhalö miñ miñ göp, pen kaj sipsip nipe ap ur gö, ulhai niñ dam dam udnab u, sipsip anibu nöp miñ miñ yabiñ ginab. ¹⁴Anib u rö, Bapi kale kumi kabö adö lañ midöp u, ñi pai pro nipe ap ur gagnim, a göm, niñ nöp midöp.

Añ mam kale gau kalöp gi naj gaiöl u

¹⁵“Nibi bi añ mam, a ginabön gau, bi ap nöp gi naj gainim, ne pen ammön, nip aip ke midmön, nöp nan nihön ga anibu waiö hagnön. Anig hagö, niñ udö me, nañin namam ne yabiñ mideinab.^t ¹⁶Pen ne anig gö, nipe niñagnab u, ne ammön, añ mam mihöp rö ul gi dammön, kale niñ midlö niñöl gi, ne bi anibu aip manö hagnil.^u ¹⁷Pen ne anig gö, nipe manö udagainim u, nibi bi cöc aubal rö magöñhalö niñ midlö niñöl gi, manö anibu kalip hag ñimön. Pen ne anig gö, niñ udageinab u, ne arö gimön. Anig ga niñmön hagnön, ‘Bi anibu nibi bi God Manö niñagöm, bi dakis udep rö u me, anig göp,’ a gimön, nip arö gimön.

¹⁸“Anib u, yad kalöp niñö hagabin, minöñ naböñ adö il i wasö geinabim u, God nipe kumi kabö adö lañ midöm, u rö nöp wasö ginab; pen yau a geinabim u, nipe u rö nöp yau a ginab.^v

^q 18:8 Mad 5:29-30 ^r 18:10 Hib 1:14 ^s 18:11 Luk 19:10 ^t 18:15 Luk 17:3; Gal 6:1

^u 18:16 Dud 19:15; Jon 8:17 ^v 18:18 Mad 16:19; Jon 20:23

19“Yad kalöp hagabin, nibi bi mihöp minöñ naböñ it i midmil, manö hag adö añi limil, Bapi yad kumi kabö adö lañ midöp u nip hag niñeinabil u, hag niñnabil rö ginab.” 20Pen nibi bi mihöp aka mihau nigan rö, gasi yip niñöm, ap magum geinaböl u, yad kalip anj anib au mideinabin,” a ga.

Bi wög gi ñeb najj u

21Pida Jisas mideia söi au apöm haga, “Bi Kub. Mam ap yip gi najj gainim u, ñin aigegö rö gi najj geinab, yad niñem arö ginamñ Ñin unbö mudun jij u rö aka?” ga. 22Hageia, Jisas haga, “Ñin unbö mudun jij wasö; ne bi anibu nöp gi najj ginab u niñmön arö ginabön u, ñin juöl ñin juöl unbö mudun jij u niñmön arö ginabön.” 23God nibi bi udöm ram minöñ kumi kabö adö lañ au abad mideinab u, aiud adö i rö midöp. Kiñ ap nipe bi wög gi ñeb nipe rimnap kalip mani rimnap ñöm, hainö pen ñim a ginab. Hainö nipe gasi niñöm hagnab, ‘Kale naböñ ñilañ,’ a ginab. 24Pen midöp u pen ñinaböl, a gö, bi ap nipe mani ilöñ ñin juöl iru yabiñ nan naböñ midnab bi u daunaböl. 25Pen bi anibu pen nipe kub yabiñ midnab u me, pen ñinim rö lagnab. Anig gö, bi kub u niñöm, bi wög gep nipe rimnap kalip hagnab, ‘Nipe göp anibu rö, nip udmim, nibin ñi pai, nan nipe nihön nihön midöp gau magöñhalö udmim, dam sikim gipe, rauaiöl niñöl gi, mani anibu dap yip ñimim,’ a ginab. 26Anig hagö, bi anibu pen, kugom yimöm, kiñ u nip hagnab, ‘Ne yip mög niñmön, abad midaimön; nan adiñ ne anib gau magöñhalö naböñ ralnabin,’ a ginab. 27Hagö, kiñ u nip mög niñöm, nan naböñ nipe u, arö gimön aru, a ginab.

28“Anig göm arö gö niñöl gi, bi wög gi ñeb anibu nipe pen amöm niñnab, bi nipe aip wög gimidil bi ap mideinab. Nip niñöm, uñam ud sisi löm hagnab, ‘Nöp mani ilöñ añi ap ñinö u, naböñ ral!’ a ginab. 29Hagö, bi nipe aip wög gimidil anibu kugom yimöm manö neb neb gi hagöm hagnab, ‘Ne yip mög niñmön, abad midaimön; nan naböñ ne anibu magöñhalö naböñ ralnabin,’ a ginab. 30Hagö, bi anibu manö nip u niñagöm hagnab, ‘Nöp dam nagi leinabin, nan naböñ anibu naböñ ralmön nöp me, höñ arnabön,’ a göm, nip dam nagi linab. 31Anig gö, bi nipe aip wög gimidal gau, kalip hibur najj gö, amöm kiñ u nip manö anibu magöñhalö hag ñinaböl. 32Hag ñilö, bi kub u, bi nipe anibu nip wiñ alö aueinab hagnab, ‘Ne wög gi ñeb bi najj yabiñ. Ne yip miñöñ gajan, nöp mög niñem, nan naböñ yad nöp midöp u arö gipin. 33Ne pen nihön ginig, bi ne aip wög gipil u nip u rö nöp mög niñmön, arö gagpan?’ ö ginab. 34Bi anibu bi nipe aip wög gimidil u nip mög niñagnab u me, bi kub anibu kal juöm, wög gi ñeb bi anibu nip dam nagi lep ka abadep bi gau ñöm hagnab, ‘Nip nagi lö, ilön gö niñöl gi midöm, nan naböñ yip u

¶ 18:19 Mak 11:24; Jon 15:7 * 18:22 Luk 17:4

naböŋ magöŋhalö ralöm nöp höŋ arnab,' a ginab.^y ³⁵Kale añ mam rimnap kalip u rö nöp geinabim, Bapi yad kumi kabö adö laŋ au midöp u, kalöp pen u rö nöp ginab. Anib u, nañin namam kale gau kalöp gi najj geinaböl u, kalip mög niŋmim, midmagö limim, arö gimim," a ga.^z

Bi nibi udnig, böŋ nöp udnab; hainö nip hag yuagnab
(Mak 10:1-12; Luk 16:18)

19 ¹Jisas manö anibu hag pis göm, ram minöŋ Galili arö göm, ram minöŋ Judia, ñiŋ Jodan böŋ lödaŋ adö ara. ²Areia, nibi bi iru yabił nip hain geila niŋöm nibi bi nan ga gau gö kamiŋ la.

³Pen bi Perisi gau, Jisas nip hag niŋno, manö najj rimnap hagnim, a göm, apöm hagla, "God Mosis nip hag ña lo manö u, nibi ap nan pro ap gi najj ginab u, bi nipe nip hag yuniŋ, hag yunab aka wasöŋ Ne nihön gasi niŋban?" ö gila.

⁴Hageila, Jisas haga, "God Manö kali kliñ rikla u kale amgö li niŋagpim arŋ Ram minöŋ hadame dagol gi la ñin u, bi ap, nibi ap, gi la.^a ⁵God haga, 'Adö anibu me, bi gau nime nap aip midöm, nibi udöl gi, nime nap arö göm, kale ber mi hau jim ñöl han midlö hañ romaŋ añi yabił linab,' a ga.^b ⁶Anib u me, God hagö hañ romaŋ kale mihöp wasö; uri jim ñöl añi linab anibu, bi ap apöm, kalip hag ud asik ke ke lagnab wasö," ga.

⁷Jisas aniŋ hageia, bi Perisi gau nip hagla, "Pen nihön ginig Mosis manö ap kali kliñ riköm haga, 'Nibi hag yuniŋ, nibi i böŋ nöp arö gabin, a gimim, köp ap kali kliñ rik ñimim, hag yumim,' a ga?" ö gila.^c

⁸Hageila, Jisas haga, "Kale nibi bi manö niŋ udagpim u me, Mosis aniŋ haga. Pen God nibi bi hadame gau gi la ñin u, aniŋ gagmidal. ⁹Pen yad kalöp hagabin, bi an, nibin u bi ap aip ud gilö wasö, yi hariŋ nöp hag yuöm, nibi hain nibö udnab u, nibi si udnab niŋöm God niŋö najj yabił ginab; nipe nibi si udep bi me u," a ga.^d

¹⁰Jisas aniŋ hagö, bi nipe gau hagla, "Bi gau nibi kale yi hariŋ hag yuagnaböl u, bi praj midöm nibi udagöl u aij," a gila.

¹¹Hageila, Jisas haga, "Bi magöŋhalö yi hariŋ midaiöl rö lagöp. God bi yi hariŋ midaiöl, a göm, hag la gau nöp, yi hariŋ midaiöl rö löp. ¹²Bi rimnap, kale wała lagö yag daubal gau, nibi udagpal. Bi rimnap, bi rimnap wała kalip rib gi dö gipal gau, nibi udagpal. Pen bi rimnap, God nibi bi udöm kumi kabö adö laŋ au abad mideinab wög u gun, a göm, nibi udagpal. Kale bi praj midun, a gimim, bi praj mideinabim u aij," a ga.

Jisas ñimagö ara nipe u ñi pai pro nabic cög adö laŋ la
(Mak 10:13-16; Luk 18:15-17)

¹³Nibi bi gau, "Jisas ñimagö ñi pai hon nabic cög adö laŋ löm, God nip sabe gaŋ," a göm daueila, pen bi nipe gau kalip niŋ ij halö löm hag gila. ¹⁴Aniŋ gilö,

^y 18:34 Mad 5:25-26 ^z 18:35 Mad 6:15; Mak 11:25; Ep 4:32; Kol 3:13 ^a 19:4 Jen 1:27; 5:2

^b 19:5 Jen 2:24; Ep 5:31 ^c 19:7 Dud 24:1-4; Mad 5:31 ^d 19:9 Mad 5:32; 1Ko 7:10-11

Jisas pen ñi pai anib gau wiñ alö aueila niñöl gi, bi nipe gau kalip haga, “Nihön ginig kalip anig hag gipimñ Ñi pai pro anib gau arö gipe yip aulan. God nibi bi udöm, kumi kabö adö lañ au abad mideinab u, ñi pai pro anib gau rö,” a ga.^e
 15 Anig hagöm, God ñi pai pro anib gau kalip pig mideian, a göm, Jisas ñimagö ara nipe u ñi pai pro nabic cög adö lañ löm, ram minöñ migan ap ara.

Bi ap nan nipe iru nöp mideia
(Mak 10:17-31; Luk 18:18-30)

16 Bi ap Jisas mideia au apöm haga, “Manö hag ñeb bi. Yad nan nihön aij u gem, pör midep u udnam?” ö ga.

17 Hageia, Jisas haga, “Yip nihön ginig, nan aij mai, a gimön, hag niñabön? God añi me Bi aij. Pen pör pör mideinam, a gimön u, lo manö hagöm kali kliñ rikla gau niñmön hagöp rö gimön,” a ga.^f

18 Hageia, haga, “Lo adö mai rö hagabön?” ö ga. Hageia, Jisas haga, “Wip al pak gagmön; nibi si bi si gagmön; nan si udagmön; manö kub hagnaböl u, manö piral hagagmön;^g 19 name nap manö hagöl adö u nöp niñmön hain gimön; ne ke midmagö liban rö, nibi bi rimnap kalip midmagö limön,” a ga.^h

20 Anig hageia, bi praj anibu haga, “Lo manö gau magöñhalö niñ hakpin. Pen yad nihön nan aij u gem, kamiñ pör midep u udnam?” ö ga.

21 Hageia, Jisas haga, “Mid aij yabiñ ginam, a gimön u, nan ne gau magöñhalö yumön, mani udmön, nibi bi mög gep rö gau kalip ñimön me, mid aij gep ne u mideinab God ram minöñ kumi kabö adö lañ au. Pen yad hagpin rö gimön, aumön, yad aip ajaiul,” a ga.

22 Hagö, bi praj anibu nan nipe iru mideia rö, manö anibu niñöm, gasi iru niñöl gi ara.

23 Pen nipe anig göl arö niñöl gi, Jisas bi nipe gau kalip haga, “Yad kalöp niñö yabiñ hagabin, nibi bi mani nan kale iru mideinab gau, God nip uñham gasi niñ udlö, kalip udöm kumi kabö adö lañ au abad mideinab. 24 Kaj kamel gau, kali mauöñ nagi yubal migan u arnig arnaböl; pen nibi bi nan iru midöp gau, God nip uñham gasi niñ udlö, kalip udöm abad mideinab,” a ga.

25 Jisas bi nipe gau manö anibu niñöm, gasi kub niñöm hagla, “Pen bi aij anibu, God ud kumi kabö adö lañ au ud aragnab, a gipan u, nibi bi an rö ud arnab?” ö gila.

26 Hageila, Jisas kalip niñöl gi haga, “Nibi bi gau ke göl rö lagöp. God nöp me, nan nihön nihön ginig, ginab,” a ga.

27 Jisas anig hageia, Pida haga, “Nöñ! Hon nan hon gau magöñhalö arö gun, ne aip nöp cig gun ajpun u, hon pen nan nihön udnabun?” ö ga.

28 Hageia, Jisas haga, “Yad kalöp niñö hagabin, ñin hain u yad mailö pidöñ halö apem, nibi bi magöñhalö abad mideinabin. Ñin anibu me,

^e 19:14 Mad 18:2-3 ^f 19:17 Lep 18:5; Luk 10:28 ^g 19:18 Eks 20:12-16; Dud 5:16-20

^h 19:19 Eks 20:12-16; Lep 19:18

kalöp bi yip hain geinabim gau hagnö, Isrel nibi bi il ke ke unbö migan laŋ gau, kalip abad mideinabim.ⁱ ²⁹Nibi bi yip niŋ udöm, ram, niñin nimam, nime nap, ñi pai, wög adiŋ, nan nihön nihön gau arö ginaböl gau, God kalip hauŋ gagnab; nan anib gau rö kalip pen iru yabiŋ ñöm, pör midep kalip ñinab. ³⁰Pen nibi bi uri nöd araböl gau, hainö iru nöp jöl adö yabiŋ gau mideinaböl. Pen nibi bi uri jöl adö yabiŋ au midpal gau, hainö iru nöp nöd am mideinaböl.^j

Nibi bi nagi wain wög gipal gau, manö hod riköm haga

20 ¹Jisas anig hagöm haga, “God nibi bi udöm abad mideinab u, aiud adö i rö midöp. Bi wain wög nap nibö ap, bi rimnap am daunö, wög yip u gilaŋ, a göm, ram gisön rika magö u uraköm, am bi rimnap uŋhai niñöm, ²kalöp mani silpa magö aña aña raunabin, a göm, kalip aip manö hag adö aña löm, hag yuö, am wain wög niŋe u wög geila. ³Pen sidö yöp aŋ au ap ranab magö u, am maker au amöm niŋa, bi rimnap yihariŋ mideila. ⁴Kalip niñöm haga, ‘Kale u rö nöp am wög yad u geinabim, yad kalöp mani kabö rö raunabin,’ a ga. ⁵Hagö, am wög niŋe u geila. Pen sidö aŋ kub laŋ magö u abe, sidö gamiŋ gab magö u abe, manö anibu nöp hagöm, bi rimnap halö udö, wög niŋe u geila. ⁶Sidö wad arniŋ gab magö u, kuöyaŋ maker au amöm niŋa, bi rimnap halö ap midep nöp mideila. Kalip haga, ‘Kale nihön ginig ñin i wög gagmim, yihariŋ yabiŋ midpim?’ ö ga. ⁷Hageia, nip hagla, ‘Bi ap hanip wög ap ñagöp,’ a gila. Hageila, kalip haga, ‘Kale u rö nöp am wain wög yad u gimim,’ a gö, am wög geila. ⁸Duga magö u, wain wög nap u, bi abad midep niŋe u nip haga, ‘Ne ammön, bi wög yip gaböl gau kalip hagö, aulö, bi hainö hagnö aubal gau, mani kalip u nöd ñimön; bi nöd hagnö aubal gau, mani kalip u hainö ñimön,’ a ga.^k

⁹“Hagö, bi abad midep u, bi anib gau kalip wiñ alö aueila, bi sidö wad arö niñöl gi, ap wög gila gau, ap mani kale u nöd udla. ¹⁰Pen kale anig göl udlö niñöl gi, bi nöd hagö, ap wög gila gau, hag niŋla e, ‘Hon mani kub u udnabun,’ a gila u, pen hainö udöl gi niŋla, kale mani aña anibu nöp udla. ¹¹Udöm, adiŋ bi wain wög nap nibö u aip pen pen hagöm hagla, ¹²‘Hon nihön ginig, bi hain aubal gau mani udpal aña u rö nöp udpun? Hon hilim halö urakun, sidö kal niñö niñöl gi, wög gino gino iru göp u, pen bi ap pro magö ap wög gajal mani ñiban rö nöp hanip ñiban!’ a gila. ¹³Hageila, bi wög naböŋ nap nibö u niñöm, bi kale ap nip haga, ‘Mam, nöŋ! Nöp gi naij gagpin. Nöp mani ñinabin a gipin rö ñibin. ¹⁴⁻¹⁵Bi hain aubal gau, bi nöd aubal gau aip adip adip ñinigi, ñinabin. U nan yad. Anib u, bi rimnap ai ginig göm wasö ginabölŋ Kalip haŋöwaŋ ñibin u, ne ai ginig gimön mulu lugöpŋ Mani ñibin u ud ram ne aru!’ a ga,” a ga.

ⁱ 19:28 Mad 25:31; Luk 22:30; Rep 3:21 ^j 19:30 Mad 20:16; Luk 13:30 ^k 20:8 Lep 19:13; Dud 24:15

¹⁶ Jisas aiud anibu hagöm, haga, “Nibi bi hain midpal gau, nöd mideinaböl; nibi bi nöd midpal gau, hain mideinaböl,” a ga.^l

Jisas kuöyaŋ haga, yip al pak lilö umem uraknabin, a ga
(Mak 10:32-34; Luk 18:31-34)

¹⁷ Jisas Jerusalem amöl gi, adan aŋ au, bi nipe unbö migan laŋ kalip dam goŋ gau amöm, ke midaila niŋöl gi kalip haga, ¹⁸ “Kale niŋim! Hon Jerusalem arno, Bi Ñi nipe nip mumug göm, nip dam God nip nan sabe gep bi kub gau abe, lo manö hag ñeb bi gau abe, ñimagö adö kalip u leinaböl, kale nip manö kub hagöm hagnaböl, ‘Bi i nip al pak lep,’ a ginaböl.”^m ¹⁹ Anig hagöm, Juda bi wasö gau kalip ñeinaböl, nip hag juöm, rapin paköm, dam mab ba laŋ al pak lilö umnab. Ñin mihöp midöm, ñin mihau nigaŋ u kauyaŋ uraknab,” a ga.

Jems aip Jon aip bi kub midnig gasi niŋlö
(Mak 10:35-45)

²⁰ Sebedi ñi nipe mihöp, nime ñi anib mihau uŋ gi, Jisas mideia au apöm, ubör yihöŋ göm haga, “Yad manö ap midajip auabin,” a ga.

²¹ Hageia haga, “Manö anibu nihön?” ö ga.

Hageia, haga, “Yip aij ginab u, hainö ne kiŋ midmön, nibi bi abad mideinabön ñin u, ñi yad mihau ba nöp au asiknabil,” a ga.ⁿ

²² Anig hageia, Jisas haga, “Manö yip hag niŋbil u, niŋ aij gagpil. Ñig asi yad ñiŋnig gabin u, kale mihöŋ u rö nöp ñiŋnabil?” ö ga. Hageia haglö, “Yau! Ñiŋnabil!” a gilö.^o

²³ Hagailö haga, “Niŋö hagabil. Nig asi ñiŋnig gabin u ñiŋnabil. Pen bi an yijig böŋ lau, bi an sidagö böŋ lau asik mideinabil u, hagagnabin. Manö u manö yad wasö; Bapi manö nipe. Nibi bi nipe ke hag löp gau anib rö mideinabil,” a ga.

²⁴ Bi nipe anib mihau manö anibu anig hagailö, bi nipe unbö siduŋ laŋ manö u niŋlö, mulu lugö, mamil mihau kalip manö hag gila.

²⁵ Jisas pen bi nipe gau kalip magöŋhalö hagö aueila haga, “Kale niŋbim, Juda nibi bi wasö gau, kiŋ kale ktö göm, abad midpal; bi kub kale manö nihön nihön hagnaböl u niŋöm, ana udöm, hain ginaböl me.^p ²⁶ Pen kale gipal rö gagmim. Bi an bi kub midainim u, bi pro rö midöm, nibi bi rimnap kalip wög gi ñeb bi rö midainim.^q ²⁷ Bi an bi kub yabiŋ midainim u, bi pro ramö gau rö midöm, nibi bi rimnap kalip nagi wög gep bi rö midainim. ²⁸ Bi Ñi nipe u, nibi bi gau kale

^l 20:16 Mad 19:30; Mak 10:31; Luk 13:30 ^m 20:18 Mad 16:21; 17:22-23

ⁿ 20:21 Mad 19:28; Luk 22:30 ^o 20:22 Mad 26:39; Jon 18:11 ^p 20:25 Luk 22:25-26

^q 20:26 Mad 23:11; Mak 9:35

wög yip gilaŋ a göm, auaga; wög kalip gi ñi damem, hainö nan si nan naj gipal adö u haji gi umnö, kale kamiŋ aröl, a göm, aua,” a ga.^r

Jisas bi amgö we ga mihau gö, amgö ñil niŋlö

(Mak 10:46-52; Luk 18:35-43)

²⁹Pen Jisas daun kub Jeriko arö göm arö niŋöl gi, nibi bi iru nöp nip hain gila. ³⁰Bi amgö we mihau adan goŋ au asik midlö niŋöl gi, “Jisas auab,” a gilö niŋmil, meg migan dap ranmil haglö, “Depid Ñi nipe, halip mög niŋmön!” a gilö.

³¹Hagailö, nibi bi gau kalip mihöŋ niŋ ij halö hagöm hagla, “Manö hauŋ gagemil!” a gila. Anig hagla u pen, manö kalip u udagöm, meg magö rapin dap ranmil haglö, “Depid Ñi nipe, halip mög niŋmön!” a gilö.

³²Anig hagailö, Jisas pidöŋ göm, kalip mihöŋ wiŋ alöm haga, “Halip nihön gaŋ, a gimil, yip wiŋ alabil?” ö ga. ³³Hageia haglö, “Bi Kub, halip amgö we göp u gö ñil niŋul!” a gilö. ³⁴Hagailö, Jisas kalip mihöŋ mög niŋöm, amgö kalip u ud niŋö, yöp magö u nöp amgö ñil niŋlö, nipe arö niŋöl gi, hain gilö.

Jisas Kiŋ rö Jerusalem ara

(Mak 11:1-11; Luk 19:28-40; Jon 12:12-19)

21 ¹Jisas bi nipe gau aip Jerusalem sösöl göm, ram minöŋ pro Bedpagi, Olip Dum söŋ amjakla. Amjaköm, bi nipe mihöp hag yuöm haga, ²“Kale mihöŋ ram riŋig aŋlö nö lödaŋ ammil niŋnabil, kaj donki nime pi amil mihau nagi adik linaböl mideinabil. Niŋmil, nagi u hubikmil paŋid daumil. ³Pen nibi bi ap apöm, nihön ginig kaj donki hon u hubik ud arabil a gainim u, pen hagemil, ‘Bi Kub u wög midö, hagajip udnig aubul,’ a gimil, yiŋid yau a geinab, daunabil,” a ga. ⁴Pen kalip mihöŋ hag yuö arlö anibu, bi God manö hagep ap ginaböl, a göm, kali kliŋ rika rö nöp ga. Nipe haga,

⁵“Jerusalem nibi bi kalip hagemim,

‘Kiŋ kale bi hain u, kaj donki adö u asiköm, kalöp auab.

Nipe kaj donki pi adö u asiköm auab,’ a gëmim,” a ga.^s

⁶Pen Jisas bi nipe hag yuö arlö anib mihau, haga haga rö, ⁷kaj donki nime abe, pi marep abe paŋid dauailö, bi nipe gau waŋij milö ud juöm, kaj donki adö laŋ laila, Jisas adö au asika. ⁸Nibi bi iru nöp, Bi Kub auab, a göm, waŋij milö kale adö laŋ rol limidal gau ud juöm, adan majö au lila. Rimnap am köp uŋaŋ, mab uŋaŋ gau riŋ gi dö gi dapöm adan majö au lila. ⁹Nibi bi gau Jisas nip biŋ giŋabö göl amöl gi meg magö dap ranöm hagla, “Niŋim! Depid rikö, rik damöm riköp u, auöp i.

Nip aij a gabun!

^r 20:28 Luk 22:27; Plp 2:7 ^s 21:5 Sek 9:9

Bi Kub níp yuö auöp bi anibi me,
níp aij a gabun!" a gila.^t

¹⁰Jisas Jerusalem amjakö niñöl gi, nibi bi gau magöñhalö hag amil apil göm hagla, "Bi anibu an?" ö gila. ¹¹Hageila, nibi bi Jisas aip aula gau hagla, "Bi i me Jisas, bi God manö hagep Nasared, ram minöñ Galili nibö u," a gila.

Jisas nibi bi God sabe gep ram nan sikim geila gau kalip ridik gi höñ yañ yua
(Mak 11:15-19; Luk 19:45-48; Jon 2:13-22)

¹²Jisas God sabe gep ram raul yañ amöm niña, nibi bi gau nan sikim gi mideila. Nipe niñöm, kalip magöñhalö ridik yuöm, abañ bad mani löm, pen pen yimjik gaila gau ud ado göm, bi yaur sikim göm, mab po adö asik mideila gau, ud ado ga. ¹³Anig göm kalip hag göm haga, "God Manö kali kñiñ rikla u, God haga,

'Ram yad u yip sabe gep ram, pen kale gipim u,
bi nan si udep ram ap rö löp,' a ga," a ga.^u

¹⁴Pen Jisas nipe God sabe gep ram raul miñan anibu midö niñöl gi, nibi bi amgö we ga rimnap, nibi bi ma naj ga rimnap aueila, kalip gö kamiñ la. ¹⁵Nipe nan gagep rö gö, ñi pai pro gau wiñ alöl gi hagla, "Nöp aij a gabun! Depid Ñi nipe! Use!" gila. Pen kale anig geila, bi God níp nan sabe gep bi kub gau abe, bi lo manö hag ñeb bi gau abe niñlö, kalip mulu yabiñ luga. ¹⁶Mulu lugö hagla, "Nöp hagaböl u niñabön?" ö gila. Hageila, Jisas kalip haga, "Yau! Hagaböl u niñabin u pen kale manö rimnap kali kñiñ riköm hagla, 'God, ne ginabön niñöm ñi pai pro ñi paiñan gau hib ne haglö adö arnab,' a gila. Kale manö kali kñiñ rikla anibu, amgö li niñagam ar?" a ga.^v

¹⁷Anig hagöm, kalip arö göm, am ram riñig aglö Bedani hana.

Jisas hagö, mab kia u miñep ga
(Mak 11:12-14,20-24)

¹⁸Ruö Jisas ado gi Jerusalem aramöm adan añ gau arö, níp kiyö lö, ¹⁹adan majö goñ au niña, mab kia ur ap mideia. It au amöm niña, magö ñiñeb pilaga; uñan au nöp mideia. Anig gö Jisas haga, "Ne hainö magö ap pilagnabön!" a ga. Anig hagö niñöl gi, magö anibu nöp kia mab ur u miñep ga. ²⁰Anig gö, bi nipe gau niñöm, aiö göm hagla, "Aige göm mab anibi yinid miñep göp?" ö gila. ²¹Hageila, Jisas kalip haga, "Yad kalöp niñö hagabin, hon hagno God u rö nöp ginab, a gimim, gasi mihöp wasö, gasi añi nöp niñnabim u, ginab. Pen mab kia miñep ga u nöp wasö; dum ilö anibi hñi gi ñig kub añ au aru, a ginabim u, arnab."^w

²²"Pen kale God níp niñ ud midmim, níp hag niñnabim u, hagnabim rö nöp ginab," a ga.^x

^t 21:9 Sam 118:25-26 ^u 21:13 Ais 56:7; Jer 7:11 ^v 21:16 Sam 8:2 ^w 21:21 Mad 17:20; Luk 17:6; 1Ko 13:2; Jon 14:12 ^x 21:22 Mad 7:7-11; 18:19

Jisas nip hagla, “Nöp an hagö anig hag ajabön?” ö gila
(Mak 11:27-33; Luk 20:1-8)

²³ Jisas God sabe gep ram u amöm, nibi bi gau kalip manö hag ñö niñöl gi, bi God nip nan sabe gep bi kub gau abe, bi manö ud asikep gau abe apöm nip hagla, “Nöp an ne anig gimön, a göp, niñmön anig gi ajabön?” ö gila.

²⁴ Hageila, Jisas pen haga, “Yad kalöp manö ap hag niñnö, yip hag ñibe, yad pen an hagö wög gipin u, kalöp hag ñinabin. ²⁵ Jon nibi bi gau kalip ñig pak ña u, nipe ke gasi niñöm aua aka God hagö, apöm anig ga?” ö ga. Jisas anig hagö, kale ke hag niñ hag niñ göm hagla, “Hon, ‘God yuö apöm ga,’ a geinabun u, hanip hagnab, ‘Anib u, Jon hagöp u nihön ginig niñ udagpim?’ ö ginab. ²⁶ Pen, ‘Jon gasi nipe ke niñöm apöm ga,’ a geinabun u, nibi bi gau hanip kal ginaböl. Gasi kale u, Jon nipe bi God manö hagep bi ap aua,” a gila.^y ²⁷ Anig hagöm, Jisas nip hagla, “Hon niñagpun,” a gila. Hageila, Jisas kalip haga, “Kale yip hag ñagpim rö, yad pen an hagö yad apem gabin u, kalöp u rö nöp hag ñagnabin,” a ga.

Jisas bi madöl miñau, manö hod riköm haga

²⁸ Jisas anig hagöm haga, “Pen kale nihön gasi niñabimñ Bi ap ñi nipe miñöp mideinab. Ñi nipe nañi u nip hagnab, ‘Ñi me! Miñi wain wög u am wög gi,’ a ginab. ²⁹ Hagö, ñi nipe hagnab, ‘Yade am gagnam,’ a göm, hainö pen gasi adog niñöm, am wain wög u geinab. ³⁰ Nap pen am ñi wañig u nip u rö nöp hag niñö, hagnab, ‘Yau, ginam!’ a ginab u pen am gagnab. ³¹ Pen ñi anib miñau, an nap hagnab rö ginab?” ö ga. Hageia, Juda bi kub anib gau hagla, “Ñi nipe nañi u nöp nap hagnab rö ginab,” a gila. Hageila, Jisas haga, “Yad kalöp niñö hagabin, kale yihariñ midpe niñöl gi, bi dakis udpal bi gau abe, bi si udep nibi gau abe, God nibi bi udöm kumi kabö adö lañ au abad mideinab ram minöñ u, kalöp abhak löm arnaböl. ³² Jon bi ñig pak ñeb u, kale nihön nihön gipe God nip aij ginab u, kalöp hag ña, pen manö nipe u udagpe. Bi dakis udöm mani piral rimnap halö udpal gau abe, bi si udep nibi gau abe, kale Jon manö haga adö anibu niñöm, udla. Udla anibu kale hadö niñbe, pen kale ke, Jon manö u udmim, nan si nan naij gipim u, nihön ginig anig gipun a gimim, arö gagpe,” a ga.^z

Bi naij wain wög abadpal, manö hod riköm haga
(Mak 12:1-12; Luk 20:9-19)

³³ Jisas haga, “Miñi manö hod rikem ap halö hagnig gabin i niñim. Bi wög adiñ nap nibö ap nagi wain wög u gi yimöm, waryö göm, nagi wain magö pak hib jakep miñan ap geinab. Gi löm, nagi wain magö ap si niñnaböl u, niñ midaiun, a göm, ram milö kub ap göm, bi rimnap kalip hagnab, ‘Kale nagi wög yip u abad

^y 21:26 Mad 14:5 ^z 21:32 Luk 3:12; 7:29-30

midaimim, hainö pilöm po gö, yip rimnap, kale rimnap udmim,' a göm, ram minöj milö yabił gau arnab.^a ³⁴Nagi wain magö u po gö niñjöl gi, bi nipe gau kalip hagnab, 'Wain wög yad gau ammim, bi wög abad midpal gau hagmim, nagi wain magö yip rimnap dauim,' a ginab. ³⁵Kale wain wög gau amjaklö, bi wain wög gi mideinaböl gau uraköm, bi ap nip gabi paknaböl, bi ap nip böj nöp al pak lilö umnab, bi ap nip kabö ju paknaböl. ³⁶Anig gilö, bi nagi wain wög nap nibö anibu, bi nipe rapin bad ap pen hag yunab. Hag yuö, areinaböl, bi nagi wain wög geinaböl gau, kalip u rö nöp ginaböl. ³⁷Anig gilö, bi wain wög nap nibö u hagnab, 'Ni yad u yunö me, manö nip u niñnaböl,' a göm, hag yuö arnab. ³⁸Ni nipe u amjakö, bi wain wög gi mideinaböl gau, nip niñöm, kale ke hagnaböl, 'Bi wög nap nibö ni nipe u auab i. Nap hainö umeinab, nan wög gai i ni nipe udnab. Anib u, nip al pak lino umö, hainö nan wög gai i magöñhalö udnabun,' a ginaböl.^b ³⁹Anig hagöm, nip dam wög adin goł gau amöm, böj nöp al pak linaböl.^c

⁴⁰"Anig geinaböl u, hainö bi nagi wain wög adin nap nibö u apöm, kalip nihön nihön ginig gab?" ö ga.

⁴¹Hageia hagla, "Bi naji ginaböl anib gau kalip geinab, ilön kub yabił udöm umnaböl; hainö pen nibi bi rimnap halö udöm, kalip nagi wain wög u linab, wög anibu ginaböl. Nagi wain magö po ginab nin u, nip rik dam ninaböl," a gila.

⁴²Hageila, Jisas haga, "God Manö kali kliñ rikla u niñagpim rö löp. Kale kali kliñ riköm hagla,

'Bi ram gep gau, kale kabö ram ginig göm,
 kabö ap udöm hagla, "Kabö i kabö naji göp gö arö gun," a gila.
 Pen Bi Kub nipe geia niñöm
 kabö anibu nöp ram nipe au kabö aij ke yabił midöp.
 Bi Kub nipe anig gaia,
 hon niñun aiö yabił gabun,' a gila.^d

⁴³"Kabö aij udagpim anibu, God kalöp Juda kai arö göm, nibi bi ke gau nibö, nan nip ñeb ninaböl gau, kalip udöm abad mideinab. ⁴⁴Nibi bi kabö adö anibu ap lug paknaböl gau, kalip rapin nöp paknab; pen kabö anibu ju lugöm, nibi bi pak ribiknab gau, böj nöp pa jö ma jö gi arnab," a ga.

⁴⁵Bi God nip nan sabe gep bi kub gau abe, bi Perisi gau abe, Jisas manö hod riköm haga anibu, kalip nöp haga u niñöm, ⁴⁶nip nagi lun, a göm, gasi niñla u pen nibi bi gau, Jisas nip bi God manö hagep a gila u me, hanip kal hagnaböl, a göm, nip nan ap göl rö laga.

Bi nibi udöm nan kub niñbal

(Luk 14:15-24)

22 ¹Jisas kauyañ manö hod riköm haga, ²"God nibi bi udöm abad mideinab u, aiud adö i rö:

^a 21:33 Ais 5:1-2 ^b 21:38 Mad 27:18 ^c 21:39 Hib 13:12 ^d 21:42 Sam 118:22-23;
 Ro 9:33; 1Pi 2:6-8

“Bi kiŋ ap ñi nipe u nibi udnig gö, nan kub ñiŋniŋ, nan magö dap magum ginaböl. ³Anig göm, bi nipe rimnap hag yuöm hagnab, ‘Nibi bi hag linö gau am hagpe aulö, nan kub ñiŋjun,’ a ginab. Anig hagö, kale am nibi bi anib gau kalip hagnaböl u pen kale arö ginaböl. ⁴Anig gilö, bi nipe rimnap pen kauyaŋ hag yuöm hagnab, ‘Kale am nibi bi anib gau kalip hagemim, “Kiŋ u, kaj kau kub rimnap, kaj kau pi marep rimnap pak lauöm, nan gau magöŋhalö gi jin göm, ‘Auöl,’ a göp,” a gimim,’ a ginab. ⁵Anig hagö, kale am hagnaböl u pen manö kalip u ud yunaböl. Rimnap nan wög kale gau arnaböl; rimnap mani wög kale gau geinaböl; ⁶pen rimnap, kiŋ bi nipe gau gi naj göm, al pak lilö umnaböl.^e

⁷“Anig gilö, kiŋ anibu niŋö, hibur nip u naj gö, ami bi nipe gau hag yuö, am nibi bi bi nipe al pak linaböl anib gau kalip magöŋhalö al pak hak löm, daun kub kale u lau ju yulö arnab. ⁸Pen bi nip wög gi ñeb gau kalip hagnab, ‘Nan magö nan gau hadö magum gipun, pen nibi bi nöd wiñ alnö gau auöl rö lagöp. ⁹Anib u, kale adan ramö gau ammim, nibi bi niŋmim gau, kalip magöŋhalö, “Aube nan kub ñiŋjun,” a gimim, haŋöwaŋö uŋ gi daube, nan kub ñiŋjun,’ a ginab. ¹⁰Anig hagö, bi nipe gau am adan ramö ramö gau amöm, nibi bi aij gau, nibi bi naj gau kalip magöŋhalö, ‘Aube nan kub ñiŋjun,’ a göm haŋöwaŋö uŋ gi dapöm, bi nibi udöm nan kub ñiŋnaböl ram raul anibu amöm, sisi göl mideinab.

¹¹“Kiŋ anibu pen, nibi bi aubal gau niŋin a göm, ram raul yaŋ amöm niŋnab, bi ap, nan ñiŋniŋ waŋij libal u löm wasö, yihariŋ nöp mideinab. ¹²Anig gö, nip hagnab, ‘Bi me! Nihön ginig, nibi udöm nan ñiŋniŋ waŋij libal u limön wasö, yihariŋ nöp auban?’ ö ginab. Hagö, bi anibu pen manö ap hagageinab. ¹³Pen kiŋ u bi nipe gau kalip hagnab, ‘Bi i ñimagö ma nip gau nagi limim, dam sibön göp aŋ yaŋ ud yube, nibi bi anib gau aip meg magö hau jö göl gi, miŋöŋ magö göl gi midlaŋ,’ a ginab,” a ga.^f

¹⁴Jisas aiud anibu hag pis göm, kalip haga, “God nibi bi iru nöp wiñ alnab, pen kalip magöŋhalö udagnab. Nibi bi rimnap nöp udnab,” a ga.

“Gapman bi kub Sisa nip dakis ñeb aka wasö?” gila

(Mak 12:13-17; Luk 20:20-26)

¹⁵Pen bi Perisi gau, Jisas nip manö nihön hagno, pen hagö niŋjun, nip dam nagi lun, a göm, manö hag niŋ hag niŋ göm,^g ¹⁶bi kale ke rimnap, Herod bi nipe rimnap yulö, Jisas mideia au amöm hagla, “Manö hag ñeb bi. Ne bi manö niŋö yabiŋ nöp hagabön. Bi rimnap niŋmön piŋiŋ gagpan. God hagöp rö nöp niŋmön, nibi bi hag ñabön. ¹⁷Anib u, ne gasi nihön niŋban? Hon Isrel nibi bi, Sisa bi kub daun kub Rom nibö u, nip dakis ñeb aka ñagep wasö?” gila. ¹⁸Hageila, Jisas gasi naj kale niŋöm haga, “Yip nihön ginig neb neb göl gi apim, anig göl hag niŋabim?”

^e 22:6 Mad 21:35 ^f 22:13 Mad 8:12; 25:30; Luk 13:28 ^g 22:15 Mak 3:6

19 Kale dakis ñibal kabö magö ap ñibe, niñin!" a ga. Hagö, nip kabö magö ap dap ñeila. 20 Jisas kabö magö anibu niñöm kalip haga, "Kabö magö i, bi nabic cög i, an nabic cög midöpñ Hib u, an hib midöp?" ö ga. 21 Hageia hagla, "U bi kub Sisa," a gila. Hageila, Jisas kalip haga, "Anib u, Sisa nan nipe midainim, Sisa nip ñimim. God nan nipe midainim, God nip ñimim!" a ga.^h 22 Anig hagö, kale gasi iru niñöm, nip arö göm arla.

Umöm kauyañ uraknaböl aka göm, Jisas nip hag niñla
(Mak 12:18-27; Luk 20:27-40)

23 Ñin anibu nöp, Sadyusi bi rimnap Jisas mideia au aula. Sadyusi nibi bi anib gau hagnidal, nibi bi umöm kauyañ uraknaböl, a gimidal.ⁱ 24 Kale Jisas mideia au apöm hagla, "Manö hag ñeb bi. Mosis haga, 'Bi ap nibi udöm, ñi pai yag dapöm wasö, yihariñ umeinab, nimam nipe u, nibi anibu udöm, ñi pai nipe gau, a göm, yag daunim,' a ga.^j 25 Anib u, bi il halö unbö mudun jin u mideinaböl. Nimam nañi u nibi udöm, ñi pai yag dapöm wasö yihariñ umnab. Anig gö, nimam yigwö añ nibö u pen nibi anibu nöp udnab. 26 Nimam yigwö añ nibö u pen nibi anibu udöm, u rö nöp ñi pai yag dapöm wasö, yihariñ umnab. Anib u, nimam yigwö nigañ nibö u nibi anibu udöm, u rö nöp ñi pai yag dapöm wasö, yihariñ umnab. Anibu nöp gi dam dam, nimam unbö mudun jin u, magöñhalö ñi pai yag dapöm wasö, yihariñ nöp umnaböl. 27 Pen nibi u, u rö nöp umnab. 28 Nimam gau kale magöñhalö nibi anibu udla. Anib u, nibi bi umbal gau uraknaböl ñin u, nibi anibu an udnab?" ö gila.

29 Hageila, Jisas kalip pen haga, "Kale God Manö hagöp u abe, God klö midöp u abe, niñagpim u me, dui hagnim hagnim, 'Nibi bi gau umöm uraknaböl,' a gipim. 30 Nibi bi uraknaböl ñin u, nibi gau bi udagnaböl, bi gau nibi udagnaböl. Ejol kumi kabö adö lañ midpal rö u mideinaböl. 31 Kale, 'Nibi bi umöm uraknaböl,' a gipim u, God Manö kali ktiñ rikla rimnap niñagpim ar? 32 God haga, 'Yad Ebrahim, Aisak, Jekop, God kale me yad midpin,' a ga. Bi gau böñ nöp umblap u, God bi nöd umla anib gau kalip hagöm, 'God kale yad midpin,' a gaggöp. Bi umlö, rigöl gila anib gau kamiñ midpal u me, kalip haga, 'God kale yad midpin,' a ga," a ga.^k

33 Jisas manö anibu hag ñö, nibi bi mideila gau niñöm, aiö waiö gila.

Lo kub yabił u
(Mak 12:28-34; Luk 10:25-28)

34 Jisas manö anibu hag aij gö, Sadyusi bi gau manö ap pen hagöl rö laga. Pen Perisi bi rimnap, Jisas anig ga u niñöm Jisas mideia au aula.

^h 22:21 Ro 13:7 ⁱ 22:23 Ap 23:8 ^j 22:24 Dud 25:5 ^k 22:32 Eks 3:6 Mad 8:11

³⁵ Bi kale lo manö niŋ aij ga ap, Jisas nihön rö hagnim, a göm haga,
³⁶ “Manö hag ñeb bi. Lo manö u, manö adö mai manö kub yabił midöp?”
 ö ga.

³⁷ Hageia, Jisas haga, “Gasi rimid ne u magöŋhalö God lau adö arö, nip midmagö yabił limön.^l ³⁸ Manö kub nöd yabił me u. ³⁹ Manö kub yigwö aŋ nibö u pen anigöl midöp: ne ke midmagö liban rö, nibi bi ke nibö gau abe midmagö limön.^m ⁴⁰ Manö mihau hagajin i, Mosis lo manö kali kłiñ rika manö u magöŋhalö abe, God manö hagep bi gau kali kłiñ rikla manö u magöŋhalö abe, manö ił kub yabił me manö anib mihau nöp,” a ga.ⁿ

**Jisas hag niŋa, “Mesaia a gipim u, nip bi an ñi nipe
 a gimim niŋbim?” ö ga
 (Mak 12:35-37; Luk 20:41-44)**

⁴¹ Perisi kai ap magum göm midlö niŋöl gi, Jisas kalip manö ap hag niŋöm haga, ⁴² “Kale Mesaia u nip nihön gasi niŋbimŋ Nip bi an ñi nipe a gimim niŋbim?” ö ga.

Hageia hagla, “Depid ñi nipe,” a gila.^o

⁴³ Hageila, Jisas haga, “God Ana u Depid nip gasi ñö niŋöl gi, Depid nipe Mesaia u nip ‘Bi Kub yad’ a ga. Depid haga,

⁴⁴ ‘Bi Kub manö hagöm, Bi Kub yad u nip hagöp,
 “Ne ñimagö yijig yad lau adö midmön me,
 yad ginö, kauł mauł ne gau

kalip ab lił gi yunabön,” a göp,’ a ga.^p

⁴⁵ Depid nap iłan nipe a gipim u pen Depid nip ‘Bi Kub yad’ a ga. Anib u, kale nihön gasi niŋbim?” ö ga. ⁴⁶ Jisas manö nipe u hag aij gö, kale nip pen hagöl rö lagö me, piñig gi mideila niŋöm hainö Jisas nip manö rimnap halö hag niŋagla.

**Lo manö hag ñeb bi gau abe, bi Perisi gau abe gipal rö gagmim, a ga
 (Mak 12:38-39; Luk 11:43,46; 20:45-46)**

23 ¹ Hainö ñin ap, Jisas bi nipe gau abe, nibi bi rimnap abe, kalip manö hagöm haga, ² “Lo manö hag ñeb bi gau abe, bi Perisi gau abe, Mosis ka nipe u udöm, God lo manö Mosis hadame nöp kali kłiñ rika rö hag ñibal. ³ Anib u, bi anib gau kale God lo manö nihön hagöl u niŋ udmim hain gimim; pen nagi kale göl adö u niŋmim, hain gagmim. God lo manö hag ñibal u pen kale ke manö anibu hain gagpal.^q ⁴ Nan gau gimim, nan gau gagmim a gipal u, manö iru yabił nöp hagpal. Kale hagpal anibu, wadi marö kub yabił u rö, nibi bi gau kalip gam ñibal u, pen kalip mög niŋöm, rimnap ud asik gagpal. ⁵ Nibi bi gau hanip nöp

^l 22:37 Dud 6:5 ^m 22:39 Lep 19:18; Mad 7:12 ⁿ 22:40 Ro 13:10; Gal 5:14

^o 22:42 Jon 7:42 ^p 22:44 Sam 110:1; Mad 26:64 ^q 23:3 Mal 2:7-8

niŋlaŋ, a göm, God Manö kali kliñ rikla manö rimnap ud nable cög adö laŋ abe, ñimagö gau abe li ribiköm ajpal. Hon God bi nipe me gau, a gilaŋ, a göm, waŋij milö kub nagi adiŋ halö aij gau rol gipal.^r ⁶Kale nan kub ñiŋeb aŋ u amöm aka Juda magum gep ram gau amöm, bi kub mab po asikpal adö u nöp asikpal. ⁷Gasi kale niŋbal u, nibi bi iru midpal aŋ gau arno, ‘Manö hag ñeb bi kub auabön e!’ gilö, hanip aij ginab, a göm, niŋbal.

⁸“Pen kale mam il aña midpim rö, kalöp, ‘Hag ñeb bi kub yad,’ a göm hagagöl. Hag Ñeb Bi Kub kale aña ap nöp midöp. ⁹Minöŋ naböŋ il i bi ap, ‘Bapi bi kub yad,’ a gimim hagagmim. Nap kale aña ap nöp midöp ram minöŋ kumi kabö adö laŋ au. ¹⁰Kale u rö nöp, ‘Bi nabic bi kub yad,’ a göm hagagöl. Bi nabic bi kub kale aña ap nöp, Mesaia u nöp midöp. ¹¹Kale aŋ au, nibi bi an nipe nibi bi kub rö midainim, nipe nibi bi wög gi ñeb rö midnab.^s ¹²Nibi bi hib kale ke haglö adö arnab gau, hib kale lugnab; pen nibi bi hib kale ke haglö adö aragnab gau, hainö hib kub yabiñ mideinab.^t

**Lo manö hag ñeb bi gau abe, bi Perisi gau abe, kale manö pir
alöm gi najj gep bi**

(Mak 12:40; Luk 11:39-42,44,52; 20:47)

¹³“Kale God lo manö hag ñeb bi gau abe, bi Perisi gau abe, kale manö pir alöm gi najj gep bi. God kalöp gi najj ginab. Kale ke God nibi bi udöm kumi kabö adö laŋ au abad mideinab miŋan u aragmim, nibi bi arniŋ gipal gau kalip adan rikpim.

¹⁴“Kale God lo manö hag ñeb bi gau abe, bi Perisi gau abe, kale manö pir alöm gi najj gep bi. God kalöp gi najj ginab. Kale nibi paŋpaŋ ram halö si udpim. Anibu pen, nibi bi hanip niŋöl, a gimim, God nip manö milö kub piral gau nöp haggpim. Gipim anibu me, ilön kub yabiñ udnabim.

¹⁵“Kale God lo manö hag ñeb bi gau abe, bi Perisi gau abe, kale manö pir alöm gi najj gep bi. God kalöp gi najj ginab. Nibi bi gau manö hanip u niŋöm hain gilaŋ, a gimim, ram minöŋ milö gau uŋhai niŋ ajmim, rimnap niŋmim hag ñibe, kale ke Seden bi nipe midpim rö wasö, kale Seden nibi bi nipe yijig göl yabiñ linaböl.

¹⁶“Nibi bi gau kalip God adan la u yam aij gipun, a gipim u, pen kale bi amgö we u me, kale ke niŋagpim! Aniŋ gipim anibu, manö kub yabiñ midöp. Nibi bi gau kalip manö pir almim haggpim, ‘Hon, “God sabe gep ram midöp rö, niŋö hagabun,” a ginabun u, hainö arö gun, a ginabun u, arö ginabun. Pen gol udöm, nan God sabe gep ram raul yaŋ gila gau, hib anibu hagöl gi, “Niŋö hagabun,” a ginabun u, hagnabun rö nöp ginabun me; arö gagnabun,’ a gipim.^u ¹⁷Kale bi amgö we, bi hau! Kale gasi niñön

^r 23:5 Mad 6:1; Eks 13:9; Dud 6:8; Nab 15:38-39 ^s 23:11 Mad 20:26; Mak 9:35; Luk 22:26

^t 23:12 Pro 29:23; Luk 14:11; 18:14 ^u 23:16 Mad 15:14

niñbim: gol u nan yabił aka God sabe gep ram uł u nan yabiłñ Nan yabił me, God sabe gep ram uł nipe u. Ram uł mideinab u, nan ram raul midöp abe uł mideinab me.

¹⁸Manö ap u rö nöp, niñi bi gau kalip manö pir almim haggim, ‘Hon, “God kabö bid nipe midöp rö niñö hagabun,” a ginabun u, manö niñö hagnabun u nan yihariñ; hainö gasi ap niñun, arö gun, a ginabun u, arö ginabun. Pen, nan God kabö bid adö au God nip pak sabe gi ñibal gau, hib anibu hagöl gi, “Niñö hagabun,” a ginabun u, hainö gasi ke ap niñun ke gun rö lagnab; hagnabun rö nöp ginabun,’ a gipim. ¹⁹Kale bi gasi rimid lagöp gau, nan nihön u nan kubñ Nan God nip pak sabe gi ñibal nan u, aka kabö bid adö au sabe gi ñibal uñ Nan yabił me, kabö bid u. Kabö bid adö au mideinab u me, nan anibu nan God nip ñeb rö linab. ²⁰Pen ‘Kabö bid midöp rö, niñö hagabun,’ a ginaböl u, bid adö anibu nan dap laumidal halö hagnaböl. ²¹Pen ‘God sabe gep ram midöp rö, niñö hagabun,’ a ginaböl u, u God ram nipe niñöm God hib nipe halö hagnaböl. ²²‘Kumi kabö adö lañ midöp rö, niñö hagabun,’ a ginaböl u, God sea kiñ asik midöp au niñöm sea kiñ anibu abe, God sea kiñ anibu asik midöp u abe midöp rö, niñö hagabun a ginaböl.’

²³“Kale God lo manö hag ñeb bi gau abe, bi Perisi gau abe, kale manö pir alöm gi najj gep bi. God kalöp gi najj ginab. Manö niñi bi rimnap kalip haggim adö u kale ke gaggim. Kamöñ asi, nan hałöwałö wög adiñ ranöb u niñbe, nan yabił rö lö, wö ralbe, am siduñ lañ arö, God nip añi ap ñun, a gimim, pör nan kale God nip ñibim. Nan pro pro anibu rö pör anig gipim, pen nihön ginig manö il yabił u anig gaggimñ Niñi bi gau kalip najj ginim nagi adö u gaggim; kabö rö ginim adö u gimim. Kalip mög niñmim, ud aij gimim. Ginabun a gimim, gimim.” ²⁴Niñi bi gau kalöp adan yamun, a gipim, pen kale ke bi amgö we. Nan pro pro gau niñbe, nan yabił rö löp, pen nan kub nan hib waiö midöp gau niñaggim.

²⁵“Kale God lo manö hag ñeb bi gau abe, bi Perisi gau abe, kale manö pir alöm gi najj gep bi. God kalöp gi najj ginab. Pler kap kale gau rö, höñ adö gau ñig li yu aij gipim u, pen añ yañ nan si nan najj pri u ajmañ rauöm midöp. Hon nan iru udun, a gimim, hañ romañ hon ke gi aij gun, a gipim.” ²⁶Kale Perisi bi gau gasi rimid lagöp. Pler kap kale añ yañ ñig li yu aij gibep, höñ adö gau u rö nöp mid aij giböp.

²⁷“Kale God lo manö hag ñeb bi gau abe, bi Perisi gau abe, kale manö pir alöm gi najj gep bi. God kalöp gi najj ginab. Wip kabö miñan gau rigöl göm, ajöñ pił göm, ped rud mailö aij gö, niñi bi gau niñlö, aij göp, pen miñan añ yañ wip le haññ najj apöl gi midöp; kale unbö rö nöp midpim.” ²⁸Kale unbö rö nöp, höñ adö hañ romañ niñbun u, kale bi aij rö

† 23:22 Ais 66:1; Mad 5:34 * 23:23 Lep 27:30; Mai 6:8 * 23:25 Mak 7:4

† 23:27 Ap 23:3

löp u, pen kalöp aŋ yaŋ, manö piral gau abe, nan si nan najj gau abe, pri u ajmaŋ rauöm midöp.^z

God kalöp pen gi najj ginab, a ga
(Luk 11:47-51)

²⁹“Kale God lo manö hag ñeb bi gau abe, bi Perisi gau abe, kale manö pir alöm gi najj gep bi. God kalöp gi najj ginab. Bi God manö hagep hadame nöp allö rigöl gila uŋöm ka adö u rib adik gi aij göl gi haggim, ³⁰‘Apis bac bi gila rö u, hon God manö hagep bi gau kalip al pakagbnoŋ,’ a gipim. ³¹Pen haggim anibu, bi God manö hagep gau kalip al pak limidal it u me, hon midpun, a gimim, haggim.^a ³²Anib u, apis bac bi gi najj gila u rö, kale u rö nöp ginabun, a gimim u, u rö nöp gimim! ³³Kale haiŋo ñi pai gai i. Hainö God nibi bi manö kub haggöm, mab ke inab yaŋ yunab ñin u, kale aigö gimim piñiŋ gi ke gau arnabimŋ Wasö yabiŋ. Adan kale ap midageinab.^b

³⁴“Anib u, yad kalöp hagabin, yad bi God manö hagep rimnap, bi gasi kid hiik niñeb rimnap, bi manö hag ñeb rimnap yunö, kalöp aueinaböl, rimnap al pak linabim, rimnap mab ba laŋ al pak linabim, rimnap Juda magum gep ram raul miŋan kale u paknabim, rimnap piñiŋ gi arlö niñöl gi, ram minöŋ gau gau ridik gi yunabim. ³⁵Anib u me, God nibi bi kamiŋ aij nipe gau, hadame nöp allö auöp i rö, manö marö u udnabim. Adam ñi nipe, gi aij nöp gimidöp bi u, Ebol nip nöd it göm al pak löm, al dapöm, al dapöm, hainö Berekaia ñi nipe Sekaraia nip, God nip sabe gep ram au daŋ, kabö ud gila bid au daŋ midö niñöl gi, nip aŋ au al pak lila.^c ³⁶Yad kalöp niñö yabiŋ hagabin: nan gipim anibu, manö anibu kalöp miñi midpun gai i ado gi aunab.

Jisas Jerusalem niñö, mög gö, miŋöŋ ga
(Luk 13:34-35)

³⁷“Jerusalem nibi bi, nibi bi mög gep rö yad gai i. Bi God manö hagep God kalip yua bi gau, ram minöŋ kalöp u aulö, kabö jumim pör nöp al pak libim. Yad kalöp kiŋakiŋ nime pi gau gipal rö, dam auan mo yad gau linam a gi libin u pen yip niñmim arö gipim. ³⁸God nipe God sabe gep ram kale u arik ara; cög nöp midöp.^d ³⁹Uri yip niŋagnabim; hainö, ‘God bi hanip a göm yua bi i, aij yabiŋ auab,’ a gimim, ñin anibu nöp, yad kauyaŋ niñnabim,” a ga.^e

God sabe gep ram u ud waŋ ginaböl, a ga
(Mak 13:1-2; Luk 21:5-6)

24 ¹Jisas God sabe gep ram u arö göm, höŋ arö niñöl gi, bi nipe gau nip hagla, “God sabe gep ram aij gai i nöŋ!” a gila.

^z 23:28 Luk 16:15 ^a 23:31 Ap 7:52 ^b 23:33 Mad 3:7; 12:34; Luk 3:7 ^c 23:35 Jen 4:8; 2Kr 24:20-21 ^d 23:38 1Ki 9:7-8; Jer 22:5 ^e 23:39 Sam 118:26

²Hageila, kalip haga, “Kale nan anib gau magöŋhalö niŋmim hagabim u pen yad kalöp niŋö yabiŋ hagabin, hainö ram i ud waŋ ginaböl u, kabö ap kabö ap adö u rö midageinab,” a ga.^f

Hainö mid aij gagnaböl
(*Mak 13:3-13; Luk 21:7-19*)

³Jisas am Olip Dum laŋ asik midö niŋöl gi, bi nipe gau apöm, kalpe ke nöp ap Jisas nip agamij hag niŋöm hagla, “God sabe gep ram ud waŋ ginaböl a gipan u, mañ mai rö anig ginabölŋ Hon nan nihön u gö niŋun, ne söl aunabön niŋöm ram minöŋ naböŋ iŋ i ur ginab, a gun niŋnabun?” ö gila.

⁴Hageila, Jisas haga, “Niŋ aij yabiŋ gimim. Nibi bi rimnap kalöp piral hagnaböl. ⁵Bi iru nöp apöm, nibi bi gau kalip pir alöm, hib yad u udöm hagnaböl, ‘Yad nöp Kraiŋ u,’ a ginaböl. Nibi bi iru nöp manö piral kale u niŋ udnaböl.^g ⁶Söl au pen pen gilö, gu gö niŋnabim; pen milö yabiŋ gau pen pen ginaböl u, manö u nöp auö niŋnabim. Anig gö niŋmim, ñin hain u aunig gab a gimim piñiŋ gagmim. U yihariŋ pen pen alnaböl. Ñin hain u hainö aunab. ⁷Nibi bi miŋan rimnap uraköm, nibi bi miŋan rimnap aip pen pen ginaböl. Kiŋ miŋan rimnap uraköm, kiŋ miŋan rimnap aip pen pen ginaböl. Ram minöŋ gau magöŋhalö munmon udöm, kiyö kub yabiŋ apöm ginab. ⁸Anig geinab, kalöp nibi ñi pai ñiŋöb rö u gö, söl midöp a gimim niŋnabim.

⁹“Kale nibi bi yad mideinabim rö, nibi bi ram minöŋ gau magöŋhalö kalöp iru niŋöm, dam nagi löm, gi najj göm, böŋ nöp al pak linaböl.^h ¹⁰Ñin anibu, nibi bi God nip niŋ udpal gau iru nöp niŋ udep magö kale u arö göm, mideimam kale ke gau niŋlö mulu lugö, kalip ud bi kauaŋ mauaŋ ñimagö adö u linaböl. ¹¹Pen nibi bi iru nöp apöm, “Hon God manö hagep bi,” a göm, manö piral haglö, nibi bi iru nöp manö piral kale u udnaböl.ⁱ ¹²Nibi bi gau nagi najj adö u gilö gilö, magöŋhalö rö gasi adö anibu niŋöm, midmagö lep adö u hauŋ ginaböl. ¹³Pen nibi bi an God manö aij u niŋ ud pidöŋ göm, hagöp rö göm, nibi bi ke nibö gau midmagö löm gi nöp mideinaböl gau, God nibi bi anib gau kalip magöŋhalö ud kamiŋ yunab.^j ¹⁴Pen God nibi bi udöm abad mideinab manö aij u, ram minöŋ ke gau gau nibi bi ke ke gau nibö gau nibö magöŋhalö yabiŋ haglö haglö am hakniŋ gab u me, ñin hain anibu aunab.^k

Bi ap God sabe gep ram u gi najj yabiŋ ginab, a ga
(*Mak 13:14-23; Luk 21:20-24*)

¹⁵“Pen bi God manö hagep Daniel hadame nöp haga rö u ginab. Nipe haga, ‘Kale niŋnabim, God sabe gep ram raul miŋan uŋ u, nan asi masi najj yabiŋ gep

^f 24:2 Luk 19:44 ^g 24:5 Mad 24:23-24 1Jn 2:18 ^h 24:9 Mad 10:22 ⁱ 24:11 Mad 24:5,24 1Jn 4:1 ^j 24:13 Mad 10:22 ^k 24:14 Mad 28:19

ap urak mideinab,' a ga. (Kale nibi bi manö i uri nöp amgö li niñabim gau, manö anibi it u niñ aij gimim!)^y ¹⁶Kale nibi bi ram minöñ Judia mideinabim gau, nan naj anibu niñmim, yinid piñiñ gi nö ilö gau armim. ¹⁷Nibi bi ram adö lañ mideinabim gau, nan hon rimnap udun a gimim, ado gi ram raul aragmim.^m ¹⁸Nibi bi wög naböñ gau ajeinabim gau, walij milö ap udun a gimim, ado gi ram aragmim. ¹⁹Pen ñin anibu nibi ñi mudun halö mideinabim gau abe, nibi ñi painañ ci ñeinabim gau abe, ultham yabiñ arnabim.

²⁰“Pen God nip sabe gimim hagnim, ram yigön göp ñin u piñiñ gi aragun, a gimim; God nip sabe gep ñin kale u gagnim, a gimim. ²¹Nihön ginig, God hadame dagol gau ram minöñ gi la ñin u riköm, mid damöm miñi midpun ñin i, nan naj anibu rö gaga; hainö anibu rö gagnab.ⁿ ²²Yihariñ u, nan naj anibu pör gö, nibi bi magöñhalö um hakblap. Pen Bi Kub u nibi bi nipe udnab gau kalip gasi niñöm, wasö gö me, nan naj anibu yöp magö ap ginab.

²³“Ñin anibu nibi bi rimnap kalöp hagnaböl, ‘Niñim! Krais midöp i! Krais midöp dan!’ a ginaböl u, pen niñö haggal a gimim, niñagmim.^o ²⁴Nibi bi rimnap, God nibi bi nipe hag la gau, böñ hanip lau aulañ a göm, piral hagöm hagnaböl, ‘Yad me Krais; yad me bi God manö hagep bi ap,’ a göm, nan gagep rö rimnap ginaböl. Pen God nibi bi nipe hag la gau udagnaböl, wasö.^p ²⁵Anib u, niñ aij gimim. Nan nihön nihön hainö ginab u, yad kalöp hadö hagnö niñbim u me, niñ aij göl gi midaimim.

²⁶“Anib u, nibi bi rimnap apöm kalöp hagnaböl, ‘Krais apöm midöp ram minöñ kabö nöp midöp an gau,’ a gaiöl u, anib gau aragmim. Rimnap pen hagnaböl, ‘Krais apöm pi göl midöp gai i,’ a gaiöl u, niñö haggal a gimim niñagmim.^q ²⁷Yad Bi Ñi nipe aunabin ñin u, añim añim udöm, amdam magö bol u adiñ miñ nibö adiñ jin aröp rö u gö niñöl gi, aunabin.^r ²⁸Wal wayöñ ap umöl mideinab u, yaur apöm magum geinaböl.^s

Bi Ñi nipe aunab ñin u
(*Mak 13:24-27; Luk 21:25-28*)

²⁹“Pen marö kub anibu gi dam pis gö niñöl gi, sidö u mailö gagnab; rakin u mailö gagnab; gapi gau kumi kabö lañ nibö ju lugnab; nan kumi kabö adö lañ gau, gau nibö gau nibö ginab.^t ³⁰Ñin anibu, Bi Ñi nipe aunig gö niñöl gi, kumi kabö adö lañ ke lö, nibi bi ram minöñ gau ke ke midpal rö niñöm, miñöñ ginaböl. Bi Ñi nipe Nap pidöñ u udöm, mailö aij unbö ke halö kumi bad adö au auö niñöl gi, niñnaböl.^u ³¹Añiñ magö kub hagö niñöl gi, ejol nipe gau hag yuö, nibi bi nipe, udnabin, a göm hag la gau udnig, ram minöñ it i midöp midöp rö gau gau amöm, udöm nip daunaböl.^v

^l 24:15 Dan 9:27; 11:31; 12:11 ^m 24:17 Luk 17:31 ⁿ 24:21 Dan 12:1 ^o 24:23 Mad 24:5

^p 24:24 Dud 13:1-3; 2De 2:8-9; Rep 13:13-14 ^q 24:26 Luk 17:23-24 ^r 24:27 Mad 24:37-39

^s 24:28 Luk 17:37 ^t 24:29 Ais 13:10; 34:4; Esi 32:7; Joe 2:10,31; 2Pi 3:10; Rep 6:12-13

^u 24:30 Sek 12:10; Rep 1:7; Dan 7:13 ^v 24:31 1Ko 15:52; 1De 4:16

Mab rauan u niŋmim
(Mak 13:28-31; Luk 21:29-33)

³²“Kale niŋbim, mab rauan uŋaŋ siŋip löm, söl pidöŋ ginig gab niŋöl gi, sidö linig gab a gimim niŋbim. ³³Anib u rö, hainö nan hagpin gau gö niŋöl gi, “Bi Ni nipe ado gi aunab ñin u miñi söl yabiŋ midöp; magö pro marap midöm, apjaknab,” a gimim, niŋnabim. ³⁴Yad kalöp niŋö hagabin, nibi bi miñi midpal gau umagnaböl, kamiŋ midlö niŋöl gi, nan anib gau magöŋhalö ginab.” ³⁵Kumi kabö adö laŋ abe, minöŋ naböŋ iŋ i abe ur ginab, pen manö magö yad ur gagnab.”^x

Ñin mai yad Bi Ñi nipe aunabin u, nibi bi ap niŋagöp, a ga
(Mak 13:32-37; Luk 17:26-30,34-36)

³⁶“Yad magö mai rö, ñin mai rö aunabin u, nibi bi niŋagpal; ejol gau niŋagpal; yad ke God Ñi u pen yad abe niŋagpin; Bapi nipe ke nöp niŋöb.”^y

³⁷“Yad Bi Ñi nipe ado gi aunabin ñin u, Noa mideia ñin u, gi midmidal rö nöp gi mideinaböl.”^z ³⁸Hadame nöp Noa mideia ñin anibu, ñig u nibi bi gau kalip ud yuö yuaga magö u, kale nan ñiŋöl gi, ñig ñiŋöl gi, nibi bi udöl gi, gi midlö niŋöl gi, Noa ñig magib kub miŋan u arö, ñig apöm kalip magöŋhalö ud yuö yua. ³⁹Pen kale nan ap ginab a göm niŋagla; ñig u kalip ud yuö yuö niŋöl gi nöp niŋla. Hainö yad Bi Ñi nipe aunabin mañu, aniŋ unbö rö nöp ginab.”^a ⁴⁰Ñin anibu, bi mihöp wög adiŋ gau wög gi mideinabil u, bi ap udem, ap arö ginabin. ⁴¹Pen nibi mihöp plaua ginig, wid magö pa jö ma jö luŋatug geinabil u, ap udem, ap arö ginabin.

⁴²“Yad Bi Kub aunabin ñin u niŋagpim u me, niŋ aij göl gi midaimim.”^b ⁴³Bi ram nap nibö u, bi nan si udep u magö mai aunab u niŋböp, niŋ aij giböp; ram nipe pa jö gi raul daŋ am nan nipe gau si udagböp.”^c ⁴⁴Anib u rö, kale gi jin gimim midaimim. Wasö u, Bi Ñi nipe auagab a gimim, hauŋ padö gi mideinabim ñin u nöp aunabin.

Bi wög gi ñeb rimnap wög gi aij gipal, rimnap wög gi aij gagpal, a ga
(Luk 12:14-48)

⁴⁵“Bi kub ap adan arniŋ göm, bi an wög gi aij ginab u nip hag löm hagnab, ‘Bi wög yip gi ñibal rimnap kalip abad midmön, nan magö kalip gau nime li aij göl gi midaimön,’ a göm, arnab. ⁴⁶Hainö ado gi apöm niŋnab, haga rö nöp geinab. Aniŋ niŋöm nip ud aij yabiŋ gö niŋöl gi, bi wög gi ñeb nipe miñ miñ ginab. ⁴⁷Yad kalöp niŋö hagabin, nip hag lö, nan nipe gau magöŋhalö abad mideinab.”^d

^w 24:34 Mad 16:28 ^x 24:35 Mad 5:18 ^y 24:36 Ap 1:7; 1De 5:1-2 ^z 24:37 Jen 6:5-8

^a 24:39 Jen 7:21-23 ^b 24:42 Mad 25:13 ^c 24:43 Luk 12:39-40; Rep 16:15

^d 24:47 Mad 25:21,23

48 “Pen bi nipe hag linab anibu mid damöm, bi kub miñi auagnab, a göm, 49 nibi bi wög gi ñeb rimnap kalip miñu magö paköm, am bi ñig ñiñöm hauḷ libal gau aip aḷ haköm, nan ñiñöm, ñig ñiñöm gi mideinab. 50 Bi wög gep anibu, bi kub yiñid auagnab, a göm, hauḷ padö göm mideinab ñin u nöp, bi kub aunab. 51 Apöm, nip gi naji yabiḷ göm, nibi bi piral hagöm, “Hon Bi Kub nibi bi nipe me,” a göm piral hagnab gau aip hag yunab. Hag yuö, kale am meg hau ribiköm, miḷöḷ gi mideinaböl.

Nibi praj unbö siduḷ laḷ, manö hod riköm haga

25 1 “God nibi bi udöm abad mideinab ñin anibu, aiud adö i rö ginab. Bi ap nibi udnig gab. Nibi praj unbö siduḷ laḷ nan kub ñiñig arnaböl. Nibi praj anib gau, bi anibu nip am adan aḷ au niñun uḷ gi dam ram aunabun a göm, lam ke ke udöm arnaböl.^e 2 Pen nibi praj anib gau, unbö mamid u gasi niñ aij ginaböl; unbö mamid u gasi niñ aij gagnaböl. 3 Nibi praj gasi niñ aij gagnaböl gau, lam udöm, lam lauep wel rimnap halö ud aragnaböl. 4 Pen nibi praj gasi niñ aij ginaböl anib gau, lam udöm, lam lauep wel rimnap ral barol miḷan u löm, halö halö ud arnaböl. 5 Pen nibi praj anib gau kale magöḷhalö amjaköm, abad midlö midlö, bi nibi udnig ginab u yiñid auageinab me, uhön auö hon han arnaböl.

6 “Pen sibön aḷ kub yaḷ, nibi bi rimnap wiñ alöm hagnaböl, ‘Bi nibi udnig gab u auab. Nip am adan aḷ u niñmim, uḷ gi dauim,’ a ginaböl. 7 Anig hageinaböl, nibi ugan unbö siduḷ laḷ anibu magöḷhalö uraköm, lam wik kale gau gi aij ginaböl. 8 Anig göm, nibi gasi niñ aij gagnaböl ugan u, nibi gasi niñ aij ginaböl ugan u kalip hagnaböl, ‘Lam hon gau hon ginig gab u, wel köḷ gau hanip rimnap ñim,’ a ginaböl. 9 Anig hageinaböl u, pen nibi gasi niñ aij ginaböl ugan u hagnaböl, ‘Wasö! Hon wel hon köḷape rimnap ñinabun u, wel hon uḷep ginab. Kale wel rauep ram ap gau ammim, kale ke rauim,’ a ginaböl. 10 Anig hageinaböl, wel rauep ram u arnaböl magö u, bi nibi udnig ginab u apjaknab. Nibi gasi niñ aij ginaböl ugan u, bi anibu aip ram raul miḷan arlö niñöl gi, nipe ajöḷ gi ñinab. 11 Hainö pen nibi praj gasi niñ aij gagnaböl ugan u apjaköm hagnaböl, ‘Bi kub! Bi kub! Hanip ajöḷ u hiik,’ a ginaböl.^f 12 Hageinaböl, hagnab, ‘Yad kalöp niñö yabiḷ hagabin, yad kalöp niñagpin,’ a ginab,” a ga.^g 13 Jisas manö anibu hagöm nibi bi gau haga, “Anib u, kale Bi Kub u ñin mai aka magö mai aunab u niñagpin rö, niñ aij gimim midaimim,” a ga.^h

Bi kub ap bi wög gi ñeb nipe gau kalip mani ña, manö hod riköm haga (Luk 19:11-27)

14 “Pen aiud udnig gabin adö i rö ginab. Bi kub ap ram minöḷ miḷö kub gau arnig, bi wög gi ñeb nipe gau kalip wiñ alö aulö, nan nipe gau abad

^e 25:1 Rep 19:7; Luk 12:35 ^f 25:11 Luk 13:25-27 ^g 25:12 Mad 7:23 ^h 25:13 Mad 24:42

midellaŋ, a göm, kalip ñinab. ¹⁵⁻¹⁶Bi nipe anib gau, wög ginaböl ginaböl rö niŋöm, mani nime löm, bi ap nip paip dausan ñinab, ap nip du dausan ñinab, ap nip wan dausan ñinab. Ñöm, nipe am gau midö niŋöl gi, bi paip dausan udnab u, mani anibu udöm, sikim gi dam amil apil göm, mani siniŋ paip dausan udnab.ⁱ ¹⁷Bi du dausan udnab u, u rö nöp, mani anibu udöm, sikim gi dam amil apil göm, mani siniŋ du dausan udnab. ¹⁸Pen bi mani wan dausan udnab u, damöm, ulöm udöm minöŋ ñinab.

¹⁹“Hainö mid damöm, bi wög gi ñeb anib gau bi kub kale u ado gi apöm, mani ñibin anibu nihön nihön gipal, a göm, kalip hag niŋnab. ²⁰Hag niŋö, bi paip dausan udnab u, mani nipe u dap ñöm hagnab, ‘Bi kub, nöŋ! Yip mani paip dausan nöp ñina pen yad mani anibu udem, sikim gi ado malo gi damem, paip dausan mani siniŋ udpin me i,’ a ginab. ²¹Hagö, bi kub u pen hagnab, ‘Aij göp. Ne wög gi ñeb bi aij. Ne yip wög gi aij gi ñiban u me, anig gipan. Ne nan pro u anig gi aij gipan u, nöp hagnö, nan kub gau abad mideinabön. Ne apön, ram yad u miñ miñ yabił göl gi midaimön,’ a ginab.^j

²²“Bi mani du dausan udnab u, u rö nöp mani nipe u dap ñöm hagnab, ‘Bi kub. Yip du dausan nöp ñina pen yad mani anibu udem, sikim gi ado malo gi damem, du dausan mani siniŋ udpin me i,’ a ginab. ²³Hagö, bi kub u hagnab, ‘Aij göp. Ne wög gi ñeb bi aij. Ne yip wög gi aij gi ñiban u me, anig gipan. Ne nan pro u anig gi aij gipan u, nöp hagnö, nan kub gau abad mideinabön. Ne apön, ram yad u miñ miñ yabił göl gi midaimön,’ a ginab.

²⁴“Pen bi mani wan dausan udnab u, mani nipe u dap ñöm hagnab, ‘Bi kub. Yad nöp niŋbin; ne bi kal yabił. Nibi bi ne rimnap wög waryö kale gipal gau, ne yihariŋ hal dapön niŋban. ²⁵Ne anig gipan rö, yad piñiŋ gem, mani ñina u damem, ulöm udem minöŋ ñinö midmidöp u, miñi mani ne dap ñabin me i,’ a ginab.

²⁶“Hagö, bi kub u hagnab, ‘Ne bi naij wög gagep ap. Nibi bi yip wög waryö gipal gau, nan yihariŋ hal dapem niŋbin, a gipan ar? ²⁷Anib u, ne mani yip i dam beg pasbuk libnap, miñi yad apem mani siniŋ rimnap halö yihariŋ udbnep,’ a ginab. ²⁸Anig hagöm, bi nipe rimnap kalip hagnab, ‘Anig göp u, mani wan dausan anibu ju udmim, bi den dausan midöp u nip ñimim. ²⁹Pör hagnap rö, nibi bi gep gau, kalip rimnap halö ñilö udöm mid aij ginaböl; pen nibi bi gep wasö gau, nan pro kale midöp u pił gi udlö, yihariŋ mideinaböl.^k ³⁰Anib u, bi wög gagöp anibu nip dam sibön kub auöp höŋ adö au yaŋ yube, nibi bi meg hau ribiköm, miłöŋ gi midpal gau aip mideiaŋ,’ a ginab,” a ga.^l

ⁱ 25:15-16 Ro 12:6 ^j 25:21 Mad 24:45-47; Luk 16:10 ^k 25:29 Mad 13:12; Mak 4:25; Luk 8:18 ^l 25:30 Mad 8:12; Luk 13:28

Manö kub hagep ñin u

31 “Bi Ñi nipe Kiñ kub midöm, mailö aij unbö ke halö aunab ñin u, ejol gau magöñhalö aip apöm, sea Kiñ nipe asik midep adö u asikö,^m 32 nibi bi ram minöñ ke gau gau midpal rö magöñhalö apöm, amgö ilö nip au magum gilö niñöl gi, kalip nime li böñ u ke löm, böñ u ke löm ginab. Bi kaj sipsip kaj meme mukep bi gau, kaj sipsip gau migan ap ke yuöm, kaj meme gau migan ap ke yuöm gipal rö u ginab.ⁿ 33 Nibi bi kaj sipsip rö midpal gau niñöm, ñimagö yijig böñ lau linab; nibi bi kaj meme rö midpal gau niñöm, ñimagö sidagö böñ lau linab. 34 Nipe Kiñ kub u me, nibi bi ñimagö yijig böñ lau kalip hagnab, ‘Bapi kalöp ud aij göp u me, miñ miñ gimim. Nipe ram minöñ hadame dagol gau gi la ñin u, ka kalöp u gi la. Apim, ka aij anibu udim. 35 Pen nihön: yip kiyö lö, nan magö ñibim. Yip ñig nan gö, ñig ñibim. Yad ram minöñ milö gau nibö aunö, yip hag udmim, dam ram kale u libim.^o 36 Yad walij midagö, yip walij u ñibim. Yad nan gö, yip gi aij gipim. Nagi midainö, yip am niñbim,’ a ginab.

37 “Anig hageinab, nibi bi aij gau nip pen hagnaböl, ‘Bi Kub. Magö mai nöp kiyö lö nan magö ñibun? Magö mai ñig nan gö, nöp ñig ñibun? 38 Magö mai ne bi milö gau nibö rö auö, nöp hag udun dam ram hon u libun? Magö mai walij u midagö, nöp walij ñibun? 39 Magö mai ne nan ga aka ne nagi midaina, nöp am niñbun?’ ö ginaböl.

40 “Hageinaböl, Kiñ u hagnab, ‘Mam yad yihariñ ap gi aij gipim u me, yip gi aij gipim,’ a ginab.^p 41 Kalip anig hagöm, nibi bi ñimagö sidagö böñ lau mideinaböl gau, kalip hagnab, ‘God kalöp niñöm gasi naji niñab. Nipe Seden nip abe, Seden ejol nipe gau abe, kalip ilön gö niñöl gi mideilan, a göm, ka mab ke inab ap gi la. Kale nibi bi naji, ilön kub udnabim gau, yip arö gimim, mab ke inab ka anibu arim.^q 42 Nihön ginig: yip kiyö lö, nan magö ñagpe. Yip ñig nan gö, ñig ñagpe. 43 Yad milö gau nibö aunö, yip hag udmim, dam ram kale u lagpe. Yad walij midagö, yip walij ñagpe. Yad nan ga ñin u, aka nagi midainö ñin u, yip ap niñmim gi aij gagpe,’ a ginab.

44 “Hageinab, nip hagnaböl, ‘Bi Kub. Ñin mai ne kiyö midaina, nan magö ñagnoñ Ñin mai ne ñig nan gö, ñig ñagnoñ Ñin mai ne milö gau nibö auö, nöp hag udagnoñ Ñin mai ne walij midagö, nöp ñagnoñ Ñin mai ne nan ga aka nagi midaina, nöp am niñun gi aij gagno?’ ö ginaböl.

45 “Anig hageinaböl, Kiñ u hagnab, ‘Yad kale niñö hagabin, kale mam yad yihariñ ap gi aij gagpim u me, yip u rö nöp gi aij gagpim,’ a ginab. 46 Anig hagöm, kalip hag yuö amöm, pör nöp ilön gö niñöl gi mideinaböl

^m 25:31 Mad 16:27; 19:28 ⁿ 25:32 Esi 34:17; Rep 20:11-13 ^o 25:35 Ais 58:7

^p 25:40 Pro 19:17; Mad 10:42; Mak 9:41 ^q 25:41 Mad 7:23

ka u arnaböl; pen nibi bi aij nipe gau hagö, kale amöm, pör nöp pör nöp kamiñ midep ram minöñ au arnaböl,” a ga.^r

Jisas nip ai göl gun al pak lun, a göm, agamij hag niñla

(Mak 14:1-2; Luk 22:1-2; Jon 11:45-53)

26 ¹Jisas manö anibu hagöm, bi nipe unbö migan lañ gau kalip haga, ²“Kale niñbim, ñin mihöp midöm, Pasopa ñin kub u miñi, a göm, ap magum göm yihariñ mideinaböl. Pen kale anig göl ap magum göm, yip Bi Ñi nipe u, ud gapman bi kub gau kalip ñöm hagnaböl, ‘Nip mab ba lañ al pak limim,’ a ginaböl,” a ga.^s

³Pen God nip nan sabe gep bi kub gau abe, bi manö ud asikep gau abe apöm bi God nip nan sabe gep bi kub yabiñ Kaiapas ram kub nipe u magum göm, ⁴Jisas nip ai göl gun, agamij ud sisi lun, al pak linabun, a göm, manö hag li mideila. ⁵Pen kale hagla, “Pasopa nan niñeb yihariñ midep ñin i, hon anig gino, nibi bi iru nöp midpal gai i pen pen göl rö löp. Anib u, miñi arö gun, ñin ap nip al pak lun,” a gila.

Nibi ap Jisas nabic cög nip wel li ña

(Mak 14:3-9; Jon 12:1-8)

⁶⁻⁷Jisas ram riñig aglö Bedani am midöm, Saimon bi wös hapeb nöd la u ram nipe u am nan niñeila. Nan niñlö niñöl gi, nibi ap wel hañij aij auep, mani kub raubal u, barol halö dapöm, Jisas nabic cög adö u hoñ ga. ^t ⁸⁻⁹Hoñ gö, Jisas bi nipe gau niñlö, hibur kale u naij gö, hagla, “Wel anibu damöm mani kub udöm, nibi bi nan midagöp gau kalip ñeb rö u, pen nihön ginig anig göl yihariñ hoñ göp?” ö gila.

¹⁰Manö anibu hageila, Jisas ke niñöm, kalip haga, “Nibi anibi nipe yip gi aij yabiñ göp u, nihön ginig anig hagabim? ¹¹Nibi bi nan midagöp gau aip pör mideinabim, pen yad aip pör midageinabun.” ¹²Nibi bi umlö, wip rigöl ginig, wel li ñöm dam rigöl gipal. Yip rigöl ginig gaböl u me, nipe wel anibu hañ romañ yip li ñöb. ¹³Pen yad kalöp niñö hagabin, hainö ram minöñ it i ke gau gau magöñhalö, manö aij yad u hagöl gi, nibi anibi anig gajip u aiud udöl gi, ga anibu hauñ gagnaböl,” a ga.

Judas Jisas nip mumug niña

(Mak 14:10-11; Luk 22:3-6)

¹⁴⁻¹⁵Ñin anibu, Jisas bi nipe Judas Iskariod, Jisas nip kain gi dam ñinö al pak löl a göm, God nip nan sabe gep bi kub gau kalip hagnig ara. Amöm haga, “Yad Jisas nip kain gi dapem kalöp ñeinabin u, yip nan

^r 25:46 Dan 12:2; Jon 5:29 ^s 26:2 Eks 12:1-27; Mad 20:18 ^t 26:6-7 Luk 7:37-38

^u 26:11 Dud 15:11

nihön ñinabim?” ö ga. Hagö, nip silpa magö ñin juöl añi ap ado gi da unbö siduŋ laŋ (30) ñila.^v ¹⁶Ñeila, Judas nipe, “Yad ai göl gem Jisas nip mumug ginö, nip ud sisi löm ud aröl,” a göm, gasi u niŋa.

Jisas bi nipe gau aip Pasopa nan ñiŋla
(*Mak 14:12-21; Luk 22:7-13,21-23; Jon 13:21-30*)

¹⁷Hainö nan ñiŋeb kub Bred Yis Midagöp a gimidal ñin u iŋ gö, ñin wañignibö u nöp, bi nipe gau Jisas mideia u apöm hagla, “Pasopa sipsip pi pak ñiŋnabun ñin u söl midöp. Anib u, hon ram mai amun nan ñiŋnabun gau gi li aij gun?” ö gila.^w ¹⁸Hageila, kalip haga, “Kale daun kub u ammim, bi ap midöp au ram nipe ammim nip hagmim, ‘Manö hag ñeb bi hagöp, “Ñin yad u söl midöp u me, bi yad gau aip kaj sipsip pi pak lau ñiŋnabun ram ne u,” a göp,’ a gimim,” a ga.

¹⁹Jisas anig hagö, bi nipe gau haga rö niŋöm, amöm kaj sipsip anibu ram anibu pak lauöm, gi li aij geila. ²⁰Dugo magö u, bi nipe unbö migan laŋ gau aip asiköm, ²¹nan ñiŋöl gi haga, “Yad kalöp niŋö hagabin, bi hon aip nan ñiŋabun i, ap yip kain gi dam arnab,” a ga.

²²Hageia, bi nipe gau gasi milö löm, añi añi nip hag niŋöl gi hagla, “Bi Kub! Yad hagpan aka?” gila.

²³Hageila haga, “Bi yad aip kinaŋ migan añi ñiŋabul i, yip kain gi dam arnab.^x ²⁴God Manö u hadame nöp kalí kliñ riköm hagla rö, yip kain gi damöm, al pak lilö umnabin u, pen bi yip kain gi dam arnab u, God bi anibu nip gi naij ginab. Nime nip yag dauagböp u aij. Pen yag dauö, midöl gi anig ginab u, hainö ilön kub yabiŋ udnab,” a ga.

²⁵Hageia, bi nipe Judas, nip kain ginig ga u haga, “Manö hag ñeb bi. Yip hagagpan aka?” ga. Hageia haga, “Me nöp hagabin,” a ga.

Jisas bi nipe gau kalip bred ñig wain ña
(*Mak 14:22-26; Luk 22:14-20; 1Ko 11:23-25*)

²⁶Nan ñiŋ midöl gi, Jisas bred udöm, God nip aij a göm, ud jö göm, bi nipe gau kalip ñöl gi haga, “Kale ud ñiŋim. U hañ romaŋ yad,” a ga.

²⁷Anig hagöm, ñig wain kap u, u rö nöp udöm, God nip aij a göm, kalip ñöl gi haga, “Kale magöŋhalö ñiŋim. ²⁸U hagape yad lugnab u nöp. Lugö, God hadame gau haga manö u pidöŋ arnab. Lugö, niŋi bi iru nöp nan si nan naij gipal gau, God niŋöm arö ginab,” a ga.^y

²⁹Anig hagöm haga, “Yad kalöp niŋö hagabin, ñig wain i miñi rimnap halö ñiŋagnabin. Hainö, God niŋi bi udöm kumi kabö adö laŋ au abad mideinab ñin u nöp, yad kauyaŋ kale aip ñig wain u ñiŋnabin,” a ga. ³⁰Anig hagöm, bi nipe gau aip God hib dap raneb kimap ap hagöl gi, Olip Dum arla.^z

^v 26:14-15 Sek 11:12; Jon 11:57 ^w 26:17 Eks 12:14-20 ^x 26:23 Sam 41:9

^y 26:28 Eks 24:8; Jer 31:31-34; Sek 9:11; 1Ko 10:16 ^z 26:30 Luk 22:39; Jon 18:1

Jisas Pida nip, “ ‘Jisas nip niŋagpin,’ a ginabön,” a ga
(*Mak 14:27-31; Luk 22:31-34; Jon 13:36-38*)

³¹Jisas haga, “God Manö u kali kññ riköm hagla,

‘Yad bi kaj sipsip mukep u nip pak linö,

kaj sipsip nipe gau magöŋhalö piñiŋ gi arnaböl,’ a gila.

Hagla anibu me, midö sibön aŋ yaŋ kale magöŋhalö yip arö gimim, piñiŋ gi arnabim.^a ³²Pen yad umem urakem, ram minöŋ Galili nöð areinabin, kale hain ninabim,” a ga.^b

³³Hageia, Pida haga, “Bi magöŋhalö nöð arö göm, jöl ñinaböl rö löp, pen yad aniŋ gagnabin,” a ga.

³⁴Hageia, Jisas haga, “Yad nöð manö niŋö hagabin, sibön aŋ yaŋ yaur kiŋakiŋ wiñ alagnab magö u, ‘Jisas nip niŋagpin,’ a gimön, magö mihau niŋaŋ hagnabön,” a ga.^c

³⁵Hageia, Pida klö yabiŋ göm haga, “Yip al pak liniŋ, al pak linaböl u pen, ‘Jisas bi yad wasö,’ gem hagagnabin,” a ga. Jisas bi nipe magöŋhalö u rö nöð Pida haga rö nöð hagla.

Jisas God nip sabe gi mideia
(*Mak 14:32-42; Luk 22:39-46*)

³⁶Jisas bi nipe gau aip mab wög adiŋ Gedsemani amöm, bi nipe rimnap kalip haga, “Kale aui asik midaimim. Yad au daŋ amem, Bapi nip sabe göl gi mideinabin,” a ga. ³⁷Aniŋ hagöm, Pida aip, Sebedi ñi nipe mihöp Jems Jon aip kalip ut gi ara. Amöl gi, Jisas nipe gasi milö löm, ³⁸kalip yam haga, “Midmagö yip u big ñöl nöð löp u, umnam rö löp. Kale aui midmim, yip abad midaimim,” a ga.^d

³⁹Aniŋ hagöm, kalip anib au hag löm, nipe yöp söl dagol au amöm, ubör yihöŋ göm, mulu adiŋ u ud minöŋ yaŋ löm, God nip sabe göm haga, “Bapi, nan yip ginig gab anibu, wasö ginig, wasö gimön. Pen yad gasi niŋbin adö u gagmön; gasi ne ke niŋban adö u rö gimön,” a ga.

⁴⁰Aniŋ hagöm, ado gi apöm niŋa, bi nipe gau hon haneila. Jisas Pida nip haga, “Kale magö añi ap nöð yip abad midagim ar? ⁴¹Nan naij gun rö löp, a gimim, God nip sabe göl gi midaimim. Gasi kale u gimim rö löp u pen hañ romaŋ u nöð masös göp,” a ga.

⁴²Jisas aniŋ hagöm, kauyaŋ am Nap nip sabe göm haga, “Nan yip ginig gö ilön udnabin u, arö gep rö midagöp u, haŋöwaŋö gaŋ; gasi ne ke niŋban adö u rö gimön,” a ga. ⁴³Aniŋ hagöm, kauyaŋ ado gi apöm niŋa, bi nipe gau amgö niŋ midageila; hon haneila.

⁴⁴Pen nipe ado gi amöm, Nap nip nöð sabe ga rö nöð, kauyaŋ sabe göm, ⁴⁵ado gi apöm, bi nipe gau kalip haga, “Kale masös gö, han midpim

^a 26:31 Jon 16:32; Sek 13:7 ^b 26:32 Mad 28:7,16 ^c 26:34 Mad 26:69-75

^d 26:38 Jon 12:27

arŋ Bi gau me, niŋim! Bi yip kain göm, Bi Ñi nipe, bi nan si nan naij gipal gau kalip ñinig gab. ^eUrakpe arun! Niŋim! Bi kain göp bi auab i,” a ga.^e

Judas Jisas nip kain gi ud ara

(Mak 14:43-50; Luk 22:47-53; Jon 18:3-12)

⁴⁷Jisas manö hagö niŋöl gi, bi nipe unbö miŋan laŋ ap, Judas, bi God nip nan sabe gep bi kub gau abe, bi manö ud asikep gau abe, nip hagla rö, bi kale iru nöp dapöm apjaka. Kale ru milö kid rimnap, ur pakep rimnap udöm, aula. ⁴⁸Judas nöd kalip hag löm haga, “Yad bi ap nip am hag wihai udem, ud bom haluem, mulu ñiŋeinam u, bi u me, a gimim, nip ud sisi limim,” a ga. ⁴⁹Pen Judas nipe Jisas mideia au yiŋid nöp apjaköm, “Manö hag ñeb bi, ne midpan?” a göm, nip mulu ñiŋa.

⁵⁰Anig gö, Jisas haga, “Bi me. Nan ginig gabön u yiŋid gi!” a ga.

Hagö, bi Judas aip aula gau Jisas nip ud sisi lila. ⁵¹Jisas ud sisi lilö niŋöl gi, Jisas bi nipe ap ru milö kid nipe u ud lip gi udöm, bi God nip nan sabe gep bi kub yabiŋ u wög nip gimidöp bi u, nip rimid böŋ lap u böŋ nöp rib gi dö gi yua.^f ⁵²Anig gö, Jisas nip haga, “Ru milö kid udpan u ado gi li miŋan yuö lugaŋ. Niŋi bi ru milö kid udöm pen pen ginaböl gau, adö aniŋu nöp umnaböl.^g ⁵³Yad ‘Bapi ake!’ gaibnep, nipe yiŋid nöp ejol yam ke ke unbö miŋan laŋ rö hag yuö, apöm yip abad midaiblap. ⁵⁴Pen hadame nöp God Manö u kali kñiŋ riköm, yip anig anig göm umnab a gila u me, anig ginim. Yad adö ap ke geinabin u, kabö rö gagnab,” a ga.

⁵⁵Pen bi nip udnig aula anib gau kalip haga, “Yad pör am God sabe gep ram u asikem, niŋi bi gau kalip manö hag ñibin u pen yip udagpim. Miñi pen, ru milö kid halö, ur pakep halö dapim, bi nan si udep rö u yip udnig auabim.^h ⁵⁶Kale gabim aniŋu, God manö hagep bi gau God Manö kali kñiŋ riköm hagla rö nöp gabim,” a ga.

Pen magö aniŋu, Jisas bi nipe gau magöŋhalö nip arö göm piñiŋ gi arla.

Juda Kansol Kub bi gau Jisas nip manö kub hagla

(Mak 14:53-65; Luk 22:54-55,63-71; Jon 18:13-14,19-24)

⁵⁷Pen God lo manö hag ñeb bi gau abe, bi manö ud asikep gau abe, ap magum gi mideila bi Kaiapas God nip nan sabe gep bi kub yabiŋ u ram nipe au me, Jisas nip ud sisi löm, dam ram aniŋu arla.

⁵⁸Pen Pida nipe hain hain amöm, ram höŋ adö u midöm, God sabe gep ram polisman gau aip asiköm, niŋön rö ginaböl a göm, niŋ mideia.

⁵⁹Bi God nip nan sabe gep bi kub gau abe, Juda Kansol kub bi gau abe hagla, “Hon bi manö piral hagep bi rimnap kalip hag niŋno, kale manö

^e 26:46 Jon 14:31 ^f 26:51 Jon 18:26 ^g 26:52 Jen 9:6; Rep 13:10 ^h 26:55 Luk 19:47; 21:37

ap hagle, kabö göl midö, manö it me u, a gun, Jisas nip al pak lun,” a gila. ⁶⁰Anig hagla u pen manö anibu ke ke arö, Jisas nip al pak lep it ap midageia.

Anig ga u pen hainö bi mihöp apil hagle, ⁶¹“Bi anibi haga, ‘God sabe gep ram u ud jö gi yuem, midö ñin mihau nigan kauyan gi linabin,’ a ga,” a gilö.ⁱ ⁶²Anig hagailö, God nip nan sabe gep bi kub yabił u, Jisas nip haga, “Manö nöp hagabil u, ne pen ap hagagnabön ar?” a ga. ⁶³Hageia, Jisas pen manö ap hagaga. Anig gö, bi God nip nan sabe gep bi kub yabił u haga, “Miñi manö kub hagnig midpun i, manö piral hagagmön. God pör kamiñ midöp u, u rö nöp niñ midöp. Anib u, hanip kabö göl hagnön: ne Mesaia u, God Ñi nipe aka wasö?” ga.^j ⁶⁴Hageia, Jisas haga, “Me hagpan u. Pen kale magöñhalö niñim! Yad kalöp hagabin, yad Bi Kub klö ke yabił u ñimagö yijig böñ nipe lau adö midem, kumi bad adö au amem minöñ naböñ it i aueinabin u niñnabim,” a ga.^k

⁶⁵Jisas anig hagö, bi God nip nan sabe gep bi kub yabił u, waij nipe gau ke ud biñi göl gi haga, “Nipe God hib u rib juajip niñbim! Anib u, nibi bi rimnap hag niñagun. Nipe gi naij göp u waiö hagöp me u.^l ⁶⁶Aka kale gasi nihön niñabim?” ö ga. Hageia hagla, “Me hagöp me u; umañ añi,” a gila.^m

⁶⁷Anig hagöm, mulu maj miñgan nip u kiñu al ñöm, paköl gi gila. Rimnap Jisas amgö magö nipe pału gi ñöm, alaun nipe gau paköl gi,ⁿ ⁶⁸hagla, “Ne Mesaia u, an nöp pakab u, hanip hagö niñun,” a gila.

Pida, “Jisas nip niñagpin,” a ga

(*Mak 14:66-72; Luk 22:56-62; Jon 18:15-18,25-27*)

⁶⁹Pen Pida manö kub hagep ram höñ adö yañ asik mideia u me, bi God nip nan sabe gep bi kub yabił u nip wög gimidöp pai ap apöm, nip haga, “Ne Jisas bi Galili nibö u aip midajil,” a ga.

⁷⁰Hagö, Pida nibi bi gau magöñhalö niñ midlö niñöl gi, haga, “Manö ne hagabön u yad niñagpin,” a ga. ⁷¹Anig hagöm, uraköm, am ajöñ it au midö niñöl gi, nibi ram anibu wög gimidöp ap apöm, Pida nip niñöm, nibi bi mideila gau kalip haga, “Nipe bi Jisas Nasared nibö u aip midailö niñbin,” a ga. ⁷²Hagö, Pida wai ñöm haga, “Yad niñö yabił hagabin, bi hagnip anibu yad niñagpin,” a ga.

⁷³Pro magö ap midöm, nibi bi Pida aip urak mideila gau nip hagla, “Niñö nöp hagnun. Ne bi kale ap. Meg miñgan kale hagnal rö, ne u rö nöp hagnun,” a gila.

⁷⁴Hageila, Pida blałö göm haga, “Yad kalöp niñö yabił hagabin. Wasö u, God yip ilön mab ñinim aij. Bi kale hagnip anibu yad niñagpin!” a ga. Anig hagö niñöl gi, adiñ yaur kilakil u wiñ ala. ⁷⁵Kilakil u wiñ alö, Pida Jisas manö nip nöđ

ⁱ 26:61 Jon 2:19-21 ^j 26:63 Ais 53:7; Mad 27:12 ^k 26:64 Sam 110:1; Dan 7:13;
Mad 24:30 ^l 26:65 Mad 9:3 Jon 10:33 ^m 26:66 Lep 24:16; Jon 19:7 ⁿ 26:67 Ais 50:6;
53:5

haga anibu gasi niñöm, gasi milö la. Nihön ginig: Jisas haga, “Yaur kilakit wiñ alagnab magö u, ‘Jisas nip niñagpin,’ a gimön, magö mihau niñag hagnabön,” a ga. Gasi anibu niñöm me, gasi milö löm, höñ amöm, miñöñ kub ga.^o

Jisas nip dam gapna Pailod nip ñila
(Mak 15:1; Luk 23:1-2; Jon 18:28-32)

27 ¹Ram gisön rika niñöm, God nip nan sabe gep bi kub gau abe, bi manö ud asikep gau abe, manö hag niñ hag niñ göm, manö hag adö añi löm, Jisas nip al pak lun, a gila. ²Anib u, Jisas nip nagi löm, damöm gapman bi kub gapna Pailod nip ñila.

Judas nagi ñiña
(Ap 1:18-19)

³Pen Jisas nip manö kub hagöm, al pak linig geila niñöm, Judas, nihön ginig Jisas nip mumug niñbin, a göm, mani uda u, bi God nip nan sabe gep bi kub gau abe, bi manö ud asikep gau abe, kalip ju dam ñinig göm, God sabe gep ram u ara. ⁴Amöm, mani anib gau kalip ñöl gi haga, “Jisas naj gagöp u pen yad nip mumug niñbin u, midö umnab. Anib u, yad nan si nan naj gipin,” a ga. Hageia, kale hagla, “U nan hon wasö. Ne ke nöp anig gipan,” a gila. ⁵Hageila, Judas mani ñila anibu God sabe gep ram raul u ud yuöm, am nagi ñiña.^p

⁶Bi God nip nan sabe gep bi kub gau, mani anibu udöm hagla, “Mani anibi, bi al pak lun, a gun, mumug gino u me, God nip ñun rö lagöp,” a gila. ⁷Anig hagöm, manö hag niñ hag niñ göm hagla, “Bi milö gau nibö apöm umlö, dam rigöl gun u, minöñ naböñ miñan ap rauun,” a göm, am bi ap minöñ udöm rin cög gimidöp minöñ naböñ miñan anibu raula. ⁸Minöñ naböñ miñan anibu, mumug big ñila mani u udöm raula u me, hainö nibi bi minöñ naböñ miñan anibu, hib “Minöñ Miñan Hagape Halö” a gila. Miñi u rö nöp minöñ naböñ miñan anibu, hib “Minöñ Miñan Hagape Halö” a gipal.

⁹Pen kale minöñ naböñ raula anibu, bi God manö hagep Jeremaia nöd hagöm kali kñiñ rika rö nöp gila. Nipe God Manö u adiñ ap kali kñiñ riköm haga, “Kale mani silpa ñin juöl añi ap ado gi da unbö siduñ lañ (30) u, Juda nibi bi hagla mani u yag damöm,^q ¹⁰bi minöñ udöm rin cög gimidöp minöñ naböñ miñan anibu raula. Bi Kub yip haga rö nöp gila,” a ga.

Gapna Pailod Jisas hag niña
(Mak 15:2-5; Luk 23:3-5; Jon 18:33-38)

¹¹Jisas nip damöm, gapman bi kub Pailod mideia au arlö niñöl gi, Pailod Jisas nip haga, “Ne Juda kai kiñ kub kale midpan aka?” ga. Hageia, Jisas haga, “Me hagpan me u,” a ga. ¹²Pen bi God nip nan

^o 26:75 Mad 26:34 ^p 27:5 Ap 1:18-19; Mad 26:14-15 ^q 27:9 Sek 11:12-13

sabe gep bi kub gau abe, bi manö ud asikep gau abe, nip manö rimnap hageila, nipe pen manö ap hagaga.^r 13 Anig gö, gapman bi kub Pailod haga, “Manö pen pen hagöm, manö ke ke hagaböl u, niñagan ar?” a ga. 14 Hageia, Jisas manö pen ap hagagö, Pailod gasi iru yabiñ niña.

Juda nibi bi gau, Jisas nip al pak limim, a gila
(Mak 15:6-15; Luk 23:13-25; Jon 18:39–19:16)

15-19 Pen Pailod nipe bi kub manö ud asikep sea adö u asik midö niñöl gi, nibin manö ap hagö, auö haga, “Yad midö nöp sibön yarj uhön niñbin, bi manö kub hagabön bi u bi aij. Nip manö klö hagagmön. Yad uhön niñbin anibu, gasi iru yabiñ niñabin,” a ga. Pen Pailod gasi nipe ke gau nöp niña, Jisas nan ap gaga; bi kub gau nöp nip niñlö mulu lugöp daubal. Anib u, yad aigöl gem, nip hag yuö aran, a göm, gasi u niña.

Pen Rom gapna bi kub u pör mi u mi u Juda kai Pasopa ñin kub u, kalip bi nagiman kale ke hag niñmidal u, yihariñ hubik yumidöp. Ñin anibu, bi naij yabiñ ap nagi mideia; hib nipe u Barabas. Nibi bi iru nöp ap magum geila gau, Pailod kalip haga, “Kalöp bi mai yihariñ hag yunamñ Jisas, Mesaia u a gipal u aka Barabas nip hag yunam?” ö ga.^s 20 Hagö, bi God nip nan sabe gep bi kub gau abe, bi manö ud asikep gau abe, nibi bi gau kalip hagla, “Kale Pailod nip haggim, Barabas nip hubik yuöm, Jisas nip al pak lilañ,” a gila.

21 Pen Pailod nibi bi ap magum gi mideila gau kalip haga, “Bi mihai i, bi an nip hubik yunam?” ö ga. Hageia hagla, “Barabas nip hubik yumön,” a gila.

22 Hageila, Pailod haga, “Anig haggim u, Jisas Mesaia u a gipal u, nip nihön ginam?” ö ga.

Hageia, kale magöñhalö hagla, “Nip mab ba lañ al pak lilañ!” a gila.

23 Hageila, Pailod haga, “Pen nihön? Nipe nan nihön nan gi naij göp?” ö ga. Hagö, manö haga u niñagöm, manö dap ranöm hagla, “Nip mab ba lañ al pak lilañ! Nip mab ba lañ al pak lilañ!” a gila.

24 Hageila, Pailod gasi niña, manö yad udagnaböl; pen manö rimnap halö kalip hag ñinö, pen pen paköl rö löp, a gi gasi niña. Anig niñöm, nibi bi gau amgö ilö kale gau, ñig udöm ñimagö ñig li li göm, kalip haga, “Bi anibi nip al pak linig gabim u, manö anibu yip auagnab; kale ke ado gi aunab,” a ga.^t

25 Hageia, nibi bi gau magöñhalö hagla, “U wip nabic hon ke! Hagape nipe hanip apöm, ñi hon gau arnab! Manö anibu, hon abe, ñi pai hon gau abe aunab!” a gila.^u

26 Anig hageila, Pailod kalip Barabas nip hubik yuöm, Jisas nip ami bi nipe gau ña niñöm kale nagi ud Jisas pakla. Anig gilö, Pailod nipe Jisas nip mab ba lañ al pak löl, a göm, ami bi nipe gau kalip ña.

^r 27:12 Ais 53:7 ^s 27:15-19 Jon 11:47-48; 12:19 ^t 27:24 Dud 21:6-9 ^u 27:25 Ap 5:28

Ami bi gau Jisas nip hag jula

(Mak 15:16-20; Jon 19:2-3)

²⁷Gapna Pailod ami bi nipe gau, Jisas nip udöm, dam ram kub kale u amöm, ami bi yihariņ gau kalip magöŋhalö wiñ allö, ²⁸ap magum göm, waļij nip u ud juöm, waļij aļi, bi kub yimbal rö ap dapöm, nip yim ñila.^ʷ ²⁹Yim ñöm, nagi kali kali halö gau dapöm, kiņ kai rol gipal rö usajil bad ap göm, nip rol gi ñöm, bi kub gau ur udpal, a göm, gamiļ miļö ap ud Jisas nip ñimagö yijig u ñöm, apöm nip kugom yimöm, hag juöl gi hagla, “Bi kub ne auban? Juda kai kiņ kale ne auban?” ö gila. ³⁰Anig hagöm, nip kiñu alöm, gamiļ miļö aniñu ju udöm, nip nabic cög laņ pakla.^ʷ

³¹Pen Jisas nip anig göl hag juöm, waļij aļi nip yim ñila u ud ju yuöm, waļij nipe ke yim ñöm, nip mab ba laņ al pak linig, uļ gi ud arla.

Jisas nip mab ba laņ al pak lila

(Mak 15:21-32; Luk 23:26-43; Jon 19:17-27)

³²Adan aņ gau amöl gi niņla, Sairini daun nibö bi ap aueia. Hib nipe u Saimon. Nip nable paköm, kļö göm hagla, “Jisas nip al pak linabun mab i ud aru,” a gila. ³³Haglö, nipe udöl gi, ram minöņ Golgoda dum arla. Golgoda a gimidal u manö iļ u, “Wip Nabic Cög Ij.”

³⁴Pen dum aniñu amjaköm, ami bi gau ñig wain udöm, ñig asi ap udöm, halö ud ado malo göm, Jisas nip ñeila, pen nipe ñiņ niņöm arö ga.^x ³⁵Jisas nip mab ba laņ al pak löm, waļij nip gau nime li ke ke udnig, sadu rö göm udla.^y ³⁶Anig göm, Jisas nip mab ba laņ al pak lila iļ au asiköm, abad niņ mideila.

³⁷Jisas nip al pak löm, mab ba laņ kali kļiñ rikla:

BĪ I JISAS, JUDA KAI KIŅ KALE ME I.

³⁸Pen Jisas nip al pak löm, bi nan si udep miñau, ap böņ lap, ap böņ lap, al pak lila.^z ³⁹⁻⁴⁰Nibi bi adan majö ap ran ap lug geila gau, nabic cög gor mar göm, nip hag juöm hagla, “Ne God Ñi nipe rö! God sabe gep ram u ud waļ gi yumön, ñiñ miñöp niņaņ kauyaņ gi linabön u me, mab ba laņ arö gimön lugö, hon niņun!” a gila.^a

⁴¹Bi God nip nan sabe gep bi kub gau, bi lo manö hag ñeb bi gau, bi manö ud asikep gau, kale u rö nöp nip hag juöm hagla, ⁴²“Nibi bi rimnap kalip gajip kamiņ arbal, pen nipe ke anig ginim rö lagöp. Isrel Kiņ kub hon u, mab ba laņ arö göm, minöņ iļ i lugö, niņö hagöp a gun, nip niņ udun. ⁴³Nipe God nip niņ udöm hagöp, ‘Yad God Ñi nipe,’ a göp. God nipe ke u rö nöp gasi niņeinab u, miñi apöm, nip ud kamiņ

^ʷ 27:28 Luk 23:11 ^ʷ 27:30 Ais 50:6 ^x 27:34 Sam 69:21 ^y 27:35 Sam 22:18

^z 27:38 Ais 53:12 ^a 27:39-40 Sam 22:7; 109:25; Mad 26:61; Jon 2:19

yuaŋ,” a gila.^b ⁴⁴Bi nan si udep Jisas aip al pak lila mihau, kale u rö nöp, nip manö naji anibu rö nöp haglö.

Jisas uma

(Mak 15:33-41; Luk 23:44-49; Jon 19:28-30)

⁴⁵Ñin anibu sidö aŋ aulik magö u, sibön apöm, mid damöm sidö gamiŋ ga magö u kauyaŋ mailö ga. ⁴⁶Sidö gamiŋ ga magö u, Jisas wiŋ kub al hagöm haga, “Eli, Eli, lama sabakdani,” a ga. Haga anibu, “God yad. God yad. Yip ai ginig arö gipan?” ö ga.^c ⁴⁷Anig hagö, nibi bi rimnap söl anib au mideila gau niŋöm hagla, “Bi anibi bi God manö hagep Ilaia nip wiŋ alab,” a gila. ⁴⁸Anig hagöm, bi ap am nan adiŋ us hain rö bad ap ud dapöm, niŋ wain asi u rauöm, gamiŋ milö ap udöm, abös alöm, ñinö niŋaŋ a göm, ña.^d

⁴⁹Anig göm ñö, bi rimnap hagla, “Arik! Agamij niŋ midaiun. Ilaia apöm, nip ud kamiŋ yunab aka?” gila. ⁵⁰Pen Jisas kauyaŋ wiŋ kub al hagöm, ake bad mideia u ur ga.

⁵¹Magö anibu nöp, waŋiŋ milö kub God sabe gep ram raul miŋan yaŋ, aŋöŋ pak piŋ gila u, aŋ yaŋ pak biŋiŋi göm lap ke lap ke ara. Anig gö niŋöl gi, munmon udöm, kabö gau pa bu göm,^e ⁵²wip kabö miŋan rigöl göm pak piŋ gila gau, miŋan hiiköm, God nibi bi uŋ nipe nöd umla rigöl gila gau, iru nöp gö, kauyaŋ urakla. ⁵³Uruköm, kabö miŋan gau arik höŋ amöm, Jisas uraka ñin u kale daun kub uŋ Jerusalem areila, nibi bi iru nöp kalip waiö lilö niŋla.

⁵⁴Pen munmon udöm, nihön nihön ga u niŋöm, ami bi kub u abe, bi nipe gau aip mideila gau abe, kale aniniŋ gö piŋiŋ göm, midmagö kale arö niŋöl gi, kale hagla, “Yaue! Bi i nipe God Ñi nipe niŋö yabiŋ!” a gila. ⁵⁵Pen nibi iru nöp apöm, ke ke au midöm, niŋ mideila. Nibi anib gau Jisas nip gi ñiniŋ Galili nibö aula.^f ⁵⁶Nibi mideila anib gau ap Maria Magdala u, ap Jems aip Josep aip nime Maria u, ap Sebedi ñi nipe mihau nime u.

Josep nipe Jisas hañ romaŋ dam kabö miŋan ap rigöl ga

(Mak 15:42-47; Luk 23:50-56; Jon 19:38-42)

⁵⁷⁻⁵⁸Bi gep yabiŋ ap, Josep, Arimadia daun nibö u, nipe Jisas bi nipe ap mideia. Bi anibu, Jisas umöb niŋöm, dugo dugo magö u apöm, gapna Pailod nip, Jisas hañ romaŋ u udnam aka gö, Pailod yau a göm, bi nipe gau kalip hagö, Josep nip ñila.^g ⁵⁹Jisas hañ romaŋ nipe u Josep nip ñilö, nipe waŋiŋ rud aij ap udöm, wip he milö u magöŋhalö wam haluöm, ⁶⁰dam kabö miŋan gisön nöp ap, yip rigöl ginaböl, a göm, ju tu lila miŋan u rigöl göm, kabö haŋai kub ap ud gau ga gi dam aŋöŋ piŋ göm ara.^h

⁶¹Nibi mihöp midailö, nibi ap Maria Magdala, nibi ap Maria ap. Nibi Maria mihau apil niŋ midlö niŋöl gi, Josep anig göm rigöl ga.

^b 27:43 Sam 22:8 ^c 27:46 Sam 22:1 ^d 27:48 Sam 69:21 ^e 27:51 Eks 26:31-33; Hib 10:19-20 ^f 27:55 Luk 8:2-3 ^g 27:57-58 Dud 21:22-23 ^h 27:60 Ais 53:9

Ami bi gau wip he rigöl gila kabö migan u abad mideila

⁶²Jisas umö rigöl gila ñin anibu, God nip nan sabe gep bi kub gau abe, bi Perisi gau abe, God nip sabe ginig ñin u rol, a göm, nan gi dap jin gila. Pen ruö, God nip sabe ginig ñin kale u me, gapman bi kub Pailod mideia au arla. ⁶³Amöm hagla, “Bi kub. Bi piral hagep anibu haga, ‘Yad umem, ñin mihau niganj u uraknabin,’ a ga.ⁱ ⁶⁴Anib u, ne bi rimnap hagö, ñin mihöp niganj wip rigöl u abad midaiöl. Wasö u, bi nipe gau apöm, wip he milö u si udöm, nibi bi gau kalip piral hagöm hagnaböl, ‘Nipe kauyan uraköp,’ a ginaböl. Anig gilö, Jisas nöd manö piral haga u nan pro; kale hainö manö piral hagnaböl u kub yabiñ ginab,” a gila.

⁶⁵Hageila, Pailod kalip haga, “Anib u, kale ami bi bad ap udmim, wip rigöl gila gau ammim, gasi kale ke niñ aij gimim, wip rigöl kabö li pidön gipe, ami bi abad niñ midaiöl,” a ga.

⁶⁶Hagö, Juda bi kub anib gau amöm, ajön piñ gila kabö kub u urön rö göm, ami bi bad u haglö, anib au niñ mideila.

Jisas uraka

(Mak 16:1-10; Luk 24:1-12; Jon 20:1-10)

28 ¹Ruö ram rik da lö niñöl gi, nibi mihau Maria Magdala abe Maria ap abe kale ammil, Jisas nip rigöl gila u niñnig arlö. ²Magö anibu munmon kub yabiñ udö niñöl gi, ejol ap kumi kabö adö lañ nibö apöm, Jisas nip rigöl göm kabö hatai piñ gila u, ud ju ba u yuöm, adö anibu asika. ³Ejol anibu, mulu adiñ nipe mimailö göl gi mideia. Waliñ nipe u, rud aij yabiñ u la. ⁴Pen ami bi niñ mideila gau, nip niñöm, aninin gö piñiñ göm, gil gil göm, umöm rö mideila.

⁵Pen ejol u nibi mihau kalip haga, “Piñiñ gagmil! Yad niñbin, kale mihöñ Jisas mab ba lañ al pak lila u nip niñ ajabil. ⁶Nipe aui midagöp. Nöd haga rö, midö nöp kauyan uraköm aröp. Pen kale apil, nip dam lila kuö adö u niñmil,^j ⁷yiniñ ammil, bi nipe gau kalip hagnig, ‘Jisas kauyan uraköm Galili arab. Kale bi nipe ammim nip anib gau niñnabim,’ a gimil. Manö anibu nöp kalöp hag ñinig aubin,” a ga.

⁸Anig hagö niñmil, nibi mihau piñiñ gilö u pen miñ miñ göl gi, wip rigöl anibu yiniñ arö göm, bi nipe gau kalip hagnig gi dö gi arlö. ⁹Adan añ gau arlö niñöl gi, Jisas kalip mihöñ nable paköm haga, “Kale midpil?” a ga. Hagö, kalpe mihöñ ap kugom yimmil, ma nipe pidön udmil, hib nipe u haglö adö ara. ¹⁰Jisas kalip mihöñ haga, “Piñiñ gagmil! Kale ammil mam yad gau kalip hagnig, ‘Galili ammim Jisas nip niñnabim,’ a gimil,” a ga.^k

ⁱ 27:63 Mad 12:40; 16:21; Mak 9:31; 10:33-34; Luk 9:22; 18:31-33; Jon 2:19-21

^j 28:6 Mad 12:40; 16:21 ^k 28:10 Mad 26:32

Ami bi gau am Jisas uraköp manö u hagla

¹¹Nibi mihau, adan aṅ gau arlö niṅöl gi, ami bi niṅ mideila gau rimnap, daun kub waryö raul aṅ amöm, bi God nip nan sabe gep bi kub gau kalip, nihön nihön ga anibu magöṅhalö hag ñila.

¹²Hag ñeila, bi God nip nan sabe gep bi kub gau amöm, bi manö ud asikep aip manö hag adö aṅi löm, ami bi anib gau kalip mani kub ñöm hagla, ¹³“Kale manö i nöp hagemim, ‘Sib aṅ yaṅ hon hanajun magö u, bi nipe gau apöm, wip he milö u si ud arbal,’ a gimim. ¹⁴Anig hagpe, gapna Pailod manö anibu niṅnab u, hon nip aip hagno, kalöp marö rimnap ñagnab,” a gila.

¹⁵Anig haglö, ami bi gau mani anibu udöm, amöm Juda bi kub anib gau hagla rö nöp gila. Kale pir alöm, Jisas wip he milö nipe u, bi nipe gau si ud arbal, a geila manö u, miñi Juda nibi bi gau manö piral anibu nöp hagöl gi nöp midpal.

Bi nipe gau Jisas nip niṅla

(*Mak 16:14-18; Luk 24:36-49; Jon 20:19-23*)

¹⁶Jisas bi nipe unbö agip u Galili amöm, Jisas nöd haga dum u arla.^l ¹⁷Amöm, Jisas nip niṅöm, hib nipe haglö adö ara. Pen bi nipe rimnap niṅöm dui göm hagla, “U Jisas aka bi unbö ke?” ö gila.

¹⁸Pen Jisas söl au apöm, kalip haga, “Bapi yip hagö, ram minöṅ kumi kabö adö laṅ u abe, minöṅ naböṅ it i abe, yad magöṅhalö abadöl midpin.^m ¹⁹Anib u, kale ram minöṅ gau magöṅhalö rigonṅ rigonṅ ammim, nibi bi ke ke gau magöṅhalö manö aij yad hag ñibe, kale yip niṅ udöm nibi bi yad midöm yip hain göl. Anig gimim, Bap u, Ñi u, Ana Uṅ u hib hagemim, kalip ñig pak ñimim.ⁿ ²⁰Anig gimim, yad kalöp gimim, a gem, manö nihön nihön hag ñibin u, kale u rö nöp manö anibu magöṅhalö kalip hag ñi aij gipe, magöṅhalö hain göl. Pen yad kalöp niṅö yabiṅ hagabin, yad kalöp aip midem, mid damem, mid damem, minöṅ naböṅ it i ur ginab,” a ga.

^l 28:16 Mad 26:32 ^m 28:18 Jon 13:3; Ep 1:20-22 ⁿ 28:19 Mak 16:15-16; Ap 1:8